



7679

II

Med. Sc. B.

P





7679



Тягига N. 988.

3152 Право.



J. Pienigzels. 507.  
11.



TRACTATUS  
PORTORII  
GEDANENSIS  
CUM NOTIS EDITI  
MDCCLXII.



---

GEDANI,  
TYPIS THOMAE JOANNIS SCHREIBERI,  
SENATUS ET ACAD. GYMNASII  
TYPOGRAPHI.





*Præfatio ad Lectores.*



um a. 1568 Gedanenses, Regios Commissarios urbe prohibuerant, Rex Sigismundus Augustus vehementer indignatus, sequenti anno suos Commissarios mittebat iterum, tribus Præconsulibus & Consule uno in Polonia detentis, neque prius dimittendis, quam Commissarii quæ sibi mandata peregissent. Hi in civitatem admissi, etiam atque etiam suadebant, ut Ordines, ante omnia alia, de placando Rege cogitarent, quo facto, salva fore jura nihilque in iis mutatum iri confirmantes. Quare Ordines, & inter se, & una cum Commissariis, de modo Regem placan-  
):( 2



## PRAEFATIO

*placandi consilia conferebant ac ex horum mente, civitatis portorium cum Rege, si prius duplicasset, dividere, ac Ipsi centum florenorum millia donare decernebant, additis, quæ a Rege vicissim præstanda essent. Rex, probatis quidem quæ offerebantur, neque tamen portorium auxit, neque reliquas conditiones implevit, & cum mors interveniret, civitatis Ordines ad ea, quæ promississent, minime se obstringi credebant, cum ea soli Sigismundo Augusto, non simul ejus Successoribus promississent.*

*Electo inauguratoque, post breve Henrici regnum, Stephano, prima fuit Gedanensium cura, ut antequam novo Regi fidem & obsequium jurarent, imminuta sub Sigismundo Augusto jura restituerentur integra, ac commissio Karnkoviana, quæque inde secuta, nec non promissa portorii cum Rege divisio, abolerentur. Quæ cum ad Regem Stephanum delata essent, Ipse ad nonnulla ex civitatis sententia respondebat, ut tamen Karnkovianam commissionem & portorii partitionem ad comitia rejiceret: quorum arbitrio cum Gedanenses causam suam permittere nollent, armis certatum, quibus positis, & civitate post obsidionem a Rege in gratiam recepta, commissionem & portorium, decreto comitiorum servare placuit. Cum vero*

*neque*

## AD LECTORES.

*neque in proximis, neque alteris comitiis quidquam decerneretur, ac inciderent alia, quæ negotium hoc morarentur, quod civitas quamprimum finire præoptabat, missi a. 1581 comitiorum tempore, Præconsul Reinholdus Mollerus, Consul Conradus Lemkius & Syndicus D. Henricus Lemkius Varsaviam: qui cum nihil effecissent, proximo anno Varsaviam redibant, Regi pro portorio centum & quinquaginta millia, intra quindecim, deinde ducenta florenorum millia intra viginti annos, ut singulis numerarentur decem, tandem Stephano & Successoribus omnibus, quovis anno, dena millia offerentes. Verum Rege in portorio perstante, civitatis Ordines tandem in ejus auctionem & divisionem, certis tamen conditionibus consenserunt, de quibus cum Rege extra comitia, per supremum Regni Cancellarium, Jo. Zamoiscium, Cracoviae, quo Rex Varsavia profectus erat, actum: Cujus responsionem ad conditiones singulas, internuntii Gedanum a. 1583 reportabant: qui, suffecto in locum Consulis Lemkii, Daniele Zierenbergio, die 20 Martii ejusdem anni cum novis mandatis Cracoviam reversi, cum supremo Cancellario conditiones tractare pergebant, ac uti conveniant, ad suos referebant.*



## PRAEFATIO

Civitatis Ordines, expensis quæ Regi placuerant, alia mutari, alia addi optant, idque ut fiat, cum suo Syndico Praeconsulem Joannem de Linda & Consulem Conradum Lemkium, mense Decembri dicti anni, Grodnam, ubi tum Rex erat, legant, qui in itinere a supremo Regni Cancellario, Knisini in Podlachia, auditi, Regi quæ intractatibus corrigenda exhibebant, Qui lecto, internuntiis absentibus scripto, quod longioris moræ impatiens, paullo commotior ad præsentem Procancellarium Baranowscium: „Se a civitate eludi, idque futurum jam pridem supremo Cancellario prædixisse; satis jam tractatum; abeant internuntii & ad suos revertantur,“ ac scriptum indignabundus laceravit. Sed Rege a supremo Cancellario, qui interea Knisino Grodnam venerat, placato, totum negotium transactum est, ut Rex die 9 Februarii a. 1584 tractatibus subscriberet, & supremus Cancellarius Regni sigillum imprimi curaret. Sequenti anno, venientibus ea ex causa Varsaviam, Praeconsule Mollero, Consule Jacobo Schelio & Syndico Lemkio, tractatus illi tempore comitiorum, a Senatoribus trutinati probatique sunt, & adscriptis illorum aliorumque nominibus, repetita subscriptione Regia & sigillo Regni majore appenso, prodierunt.

Hi

## AD LECTORES.

Hi tractatus, conventionem inter Regem Stephanum & civitatem Gedanensem, de augendo & dividendo portorio, nec non conditiones, quibus civitatis Ordines in auctionem & divisionem consenserunt, continent; nimirum, ne in administrando exigendoque portorio quidquam novaretur, ut commissio Karnkoviana ac ejus constitutiones abolerentur, & juribus quibus derogatum, pristina auctoritas redderetur. Ob has conditiones, quas Stephanus perpetuo servandas sanxit, & quibus, neque, aliter, civitas in auctionem partitionemque portorii sui consensit, portorii tractatus, insignem publici juris, quo Gedanenses in hunc diem utuntur, partem exhibent; digni ideo jam dudum visi, qui typis repetiti, familiariores illis præsertim redderentur, quorum interest, quibusque concenit, Gedanensium jura nosse & tueri, cum semel tantum a Curickio editi & historiæ suæ Gedanensi p. 164 & seq. inserti sint. Ex hac causa nova parata est editio, aliquanto accuratior, quam apud Curickium legitur, cum præsens ad exemplum, quod Syndicus Lemkius, cujus ingenio & opera toto tractationis tempore civitas usa est, suo subscripto nomine probavit, expressa sit, paragraphis in quos distincti sunt tractatus, numeris adscriptis, ut commodius citari & ex iis citata facilius inveniri queant. Quia autem

in




## PRAEFATIO AD LECTORES.

*in tractatibus multa occurrunt, ex historia priorum temporum & antiquis legibus explananda, additæ sunt notæ ex fontibus illis petitæ, non neglectis totius tractationis commentariis, qui calamo exarati supersunt, ac Ordinum declaratione, quibus de causis in controversiam cum Rege Stephano pertracti sint, Gedani a. 1577 typis vulgata. Id enim patriæ nos debere existimavimus, jura non quidem omnia, ea tamen quæ Stephanus in tractatibus portorii instauravit, hac occasione explicare, quod quo lectorum fructu a nobis præstitum sit, ipsi si æqui fuerint, & æquos futuros confidimus, judicent.*

*Scrib. Gedani d. XXIV Septembr.  
MDCCLXII.*

INDEX ET



## INDEX ET SUMMA PARAGRAPHORUM.

- §. I. **A**uctio portorii ne jurihus civitatis noceat p. II.
- §. II. Civitati centum florenorum millia & alia debita remittuntur p. 14.
- §. III. Placationis formula, quando reperta fuerit, civitati reddenda & interea irrita declaratur p. 16.
- §. IV. Qui portorium exigant. Jurent, qui exigunt, Regi, coram Commissario, rationes reddant & in judicio respondeant p. 18.
- §. V. Quantum ex mercibus solvendum, civitatis Senatus constituat p. 25.
- §. VI. Portorium non amplius augendum p. 26.

XX

§. VII.



- §. VII. Nemo a portorio immunis sit p. 29.
- §. VIII. Locus ubi portorium recipiatur p. 32.
- §. IX. Litteræ passus pro navigantibus p. 33.
- §. X. Modus percipiendi portorium, a Rege nunquam mutandus p. 33.
- §. XI. Jus civitatis maritimum p. 34.
- §. XII. Bona naufraga & caduca p. 37.
- §. XIII. Ne nova vectigalia civibus Gedanensibus imponantur p. 42.
- §. XIV. Gedanensibus auxilium promittitur, si illis ob tractatus portorii lis moveatur p. 44.
- §. XV. Ea, quæ civitatem gravarent, tollenda esse p. 46.
- §. XVI. Commissio Karnkoviana, ejus constitutiones, formula placationis & libelli famosi Fridewaldi abolentur, jus vero Regium mittendi Commissarios, certis limitibus circumscribitur p. 47.

§. XVII.

§. XVII. De Magistratuum privatorumque ad judicia Regia evocationibus p. 63.

§. XVIII. Mandata Regia & ad ea informandi jus. Cursus juris in criminalibus non turbandus.

§. XIX. In expeditionibus maritimis civitatis habenda ratio. De speculatoribus Sigismundi Augusti p. 70.

§. XX. De salvis conductibus p. 76.

§. XXI. Ne Rex quemquam a Magistratus jurisdictione, ac muneribus oneribusque civilibus eximat p. 80.

§. XXII. Contrubernia & collegia sua statuta a solo civitatis Senatu recipiant p. 84.

§. XXIII. Moratoria Litteræ a Rege illis dandæ, qui a Senatu commendati fuerint p. 88.

§. XXIV. Libera salis transmarini intra Prussiam subvectio p. 91.

§. XXV. Vistulæ cursus in antiquam conditionem restituendus p. 96.

XX 2

§. XXVI.



§. XXVI. Ne peregrini in pagis, villis & civitatibus commercia  
exerceant p. 99.

§. XXVII. Ne privilegia exercendorum commerciorum contra  
jura dentur, & data pro irritis habeantur p. 102.

§. XXVIII. Monopolia exercere minime licet p. 105.

§. XXIX. Possessiones civitati assertæ p. 108.

§. XXX. Tractatus portorii perpetuis temporibus servantur  
p. 115.



TRACTA-



## TRACTATUS PORTORII <sup>A)</sup>. PRAEFATIO.

**I**n Nomine Domini Amen. Ad perpetuam rei  
memoriam. Nos Stephanus, Dei Gratia  
Rex Poloniae, Magnus Dux Lithuaniae,  
Russiae, Prussiae, Masoviae, Samogitiae,  
Kijoviae, Volhinae, Podlachiae, Livoniae-  
que, nec non Princeps Transilvaniae.



Significamus praesentibus litteris Nostreis, quo-  
rum interest & intererit in posterum,  
universis & singulis. Quod cum per  
plures jam annos, & vivo adhuc Praede-  
cessore Nostro, Divo Sigismundo Augusto, Rege,  
de autione portorii (quod Phalgeldum vulgo vo-  
cant)

A

Præfatio.



Præfatio. cant) civitatis Nostræ Gedanensis, quam Eidem Prædecessori Nostro, civitatis ejus Ordines, per certos Commissarios, tum ad eam civitatem missos, secundum quandam placationis formulam, sub Ordinum sigillo communiter editam promiserant B), multum ac sæpius hinc inde disceptatum, controversum ac tractatum fuisset C); quod civitatis ejus Ordines prætenderent, non simpliciter, neque pure, aucionem eam Prædecessori Nostro promissam, sed certas temporis condiciones, vel vitæ ipsius Regis adjectas, & gravaminum itidem, quibus civitas afficeretur, abolitionem, simul & conjunctim, exceptam fuisse D). Ideoque cum ex parte Prædecessoris eæ condiciones defecissent, insuper etiam per superiorum temporum rationem, aliæ difficultates incidissent, quo minus ea auctio effectum sortiretur, nedum ut ipsi gravaminibus tum propositis liberarentur, se quoque existimabant, promissione sua hætenus obligari non potuisse E). Unde factum, ut rerum istarum tractationes, ad Nostræ usque gubernationis atque regni initia nondum definitæ essent F). Quoniam vero plurimum interessè animadverteremus, coeptum semel a Decessore negotium expediri, & ad finem perducì, cum præsertim existimaremus, reipublicæ potius utilitatem vel necessitatem, quam Deces-

foris

foris personam ea in re initio spectatam fuisse G), Præfatio. statim a felici Nostro in hoc regnum ingressu, postquam domesticas dissensiones, quæ ex studiis partium in electione exortæ fuerant, composuissimus H), ad illud quoque augendi portorii negotium componendum, auctoritatem studiumque Nostrum sedulo contulimus quidem I), verum quia varia Reipublicæ negotia, tum cum Magno Moscorum Duce bella, pro dignitate atque securitate a Nobis suscepta L), non parum studium hac in re Nostrum morarentur; ad hoc usque tempus nondum rebus iis finis imponi potuit. Tandem ejusdem civitatis Nostræ Gedanensis Ordines, ut harum tractationum finis aliquando inveniretur, dicti portorii sui binummalem aucionem, Nobis & Successoribus Nostris, Regibus Poloniae coronatis, consenserunt M), hisce conditionibus: ut gravamina nominatim proposita tollerentur & abolerentur N); civitas ad meliorem statum & rei familiaris augmentum perduceretur O); & ipsi hoc gratificandi obsequio gratiam Nostram Regiam integre sibi conciliatam re ipsa experirentur O\*). Nos igitur habita super hoc deliberatione, cum Consiliariis Nostris Regni Nostri, ac in his nominatim Terrarum Prussiæ P), civitati & ejus Ordinibus, tam de propositis augendi portorii con-

ditio-



Præfatio. ditionibus, quam de tollendis gravaminibus, vigore præsentium litterarum, eo, qui sequitur, modo, cavendum & prospiciendum duximus, cavemus & prospicimus, consilio & consensu Consiliariorum Nostrorum in omnibus accedente Q).

A) Sunt Tractatus Portorii, conventio Regis Stephani cum civitate Gedanensi, de augendo & dividendo inter Reges ac civitatem portorio. Displicet tractatum vox, illis, qui infra Regiam Majestatem esse credunt, cum civitate Regis imperio subiecta, veluti cum pari tractare, cum tamen negare nequeant, aliquoties cum Gedanensibus actum, priusquam convenirent, quæ in tractatibus illis constituta sunt. Præferunt privilegii vocabulum, quo usus supremus Regni Cancellarius, Jo. Zamoiseius, qui Regis nomine, cum Gedanensibus de autione & divisione portorii ejusque conditionibus egit, conventionemque perfecit, cujus exemplum illo tempore, nonnunquam internuntii Gedanenses secuti sunt. Joannes III. in fine decreti sui a. 1678. Gedani lati, tractatus Portorii, nomine privilegii Stephani citavit: & novissime Rex Augustus III. in ordinatione pro civitate Gedanensi, portorii privilegium, pro portorii tractatibus dixit. Minus tamen aptum ad rem, privilegii est vocabulum, quia Gedanensibus non privilegio collatum est a Stephano portorium, quod jam supra duo sæcula, & antequam in ditionem Regis Poloniæ venissent, exegerant, in cujus, postquam auctum, communionem, Stephanus & Serenissimi Ejus Successores, per tractatus illos admissi sunt, qui si dicendi privilegium, Regum causa dicendi essent, quia hi, quod antea non habuerant, obtinuerunt, quorum tamen non est, accipere, sed sibi subiectis privilegia largiri. Merito præfertur Tractatum titulus, cum Ipse Stephanus, in illorum præfatione fateatur, de autione portorii, cum Suo Decessore, Sigismundo Augusto, multum & sapius tractatum; initio sui regni tractationes nondum definitas fuisse; & civitatis Gedanensis

Præfatio. nensis Ordines harum tractationum finem optasse. Idem Rex a. 1581. Syndico Gedanensi, tractatus illos sæpe frustra susceptos, falsus est, & tractatus a. 1584. finitos, vocat transactionem & tractationes. Vid. infra not. O5). Civitatis etiam Ordines noluerunt, ut nova de portorio conventio, privilegium vocaretur, sed sponso reciproca, aut litteræ reversales, quod Stephanus Suo & Successorum nomine, pro portorii communione varia vicissim sponponderat; estque horum Tractatum in tabulario Gedanensi exemplum, quod illius temporis Syndicus, Henr. Lembke, collectioni eorum, quæ in hoc negotio acta sunt, adjecit, cujus titulus: *Sacrae Regiae Majestatis reversales litterae super binummalii autione portorii.* Sed prævaluit Tractatus aut Tractatum portorii appellatio, quo nomine eos Sigismundus III. seorsum a. 1588. confirmavit, usque eodem Reges posteriores, in jurium Gedanensium confirmationibus generalibus, ut simul adderent, siue conventionem cum Serenissimo olim Stephano Rege, portorii ratione initam. Usui debetur, quod Tractatus illi plurali numero dicantur. Quod ad portorium, est pecunia, quæ tum ex mercibus mari importatis & exportandis, tum ex navibus quæ merces illas portant, solvitur, germanice *Pfalgeld.* Utroque vocabulo Stephanus, præfationis initio usus est. Generalis Magister Ordinis Teutonici, Theodoricus Burggravius ab Altenburg, in diplomate, quo a. 1341. controversiam de portorio inter Elbingensem & Gedanensem civitates composuit, vocat pecuniam, vulgariter *Pfalgeld* dictam. *Curicke bist. Civit. Gedan. p. 149.* In Sigismundi I. privilegio a. 1526, legitur pecunia, sub vulgari vocabulo *Pfalgeld.* *Curicke. p. 159.* Cives tamen Gedanenses, in suis petitionibus a. 1552, Sigismundo Augusto oblatis, petitione 37, nominarunt vectigal *fundeziel.* *Karnkov. de jure Provinc. Pruss. plag. f. p. 3.* & in Responso nomine Sigismundi Augusti a. 1570, Gedanensibus dato, vectigal, portorium, *Pfalgeldum* junguntur. *Karnk. plag. Q. p. 7.* Sed Prussii, in publicis suis scriptis, vectigalis vocabulo abstinuerunt, nisi portorii voce, quia ob sublata a Casimiro in omne tempus vectigalia, hoc ipsum nomen invisum erat, Prussosque Serenissimi Reges imitati, quoties portorii mentionem



Præfatio. tionem fecerunt. In *Constitut. Regni* a. 1590. tit. *Rationes stolt.* vol. 2. p. 1314. edit. nov. portorium, *Funiczok Gdanski* vocatur. Quando exigi ac pendi coeperit portorium; non liquet, tantum ex citato Generalis Magistri Ordinis Teutonici diplomate constat, jam ante annum 1341. in usu fuisse.

B) Commissariis Regiis a. 1568 a Gedanensibus in civitatem non admissis, graviter se offensus Sigismundus Augustus credens, sequenti anno, suos Commissarios mittebat iterum, qui cum civitate non prohiberentur, agebant cum iis civitatis Ordines, de Rege placando. Cui ex Commissariorum consilio portorii dimidium, si prius duo denarii, qui ex singulis marcis adhuc exigi consueverant, duobus aliis aucti fuerint, tum centum florenorum millia promittebant, quæ Ipse Rex mutua acciperet, civitas vero annuas usuras, & post annos decem, sortem integram creditoribus solveret; a Rege vicissim, reddita pristina gratia, civitatis iura, privilegia, libertates, consuetudines, jurisdictiones & possessiones servarentur; detenti in Polonia tres Præconsules & Consul unus libere dimitterentur; & famosus Fridwaldi in civitatem libellus, publico decreto, aliisque idoneis modis aboleretur. Hæc in placationis formula fufius perscripta sunt.

C) Sigismundi Augusti & Stephani tempore.

D) Civitatem non pure, sed sub conditionibus in autionem divisionemque portorii consensisse, partim ex nota B) constat, magisque litteræ ad Regem Stephanum a. 1577. ab Ordinibus civitatis exaratz explicant, his quidem verbis: „Quod ad placationes pactum attinet, clementissime dignetur Regia Vestra Majestas ad animum inducere, nobis in ea pertractanda, cum solo Screnissimo Rege, Divo Sigismundo, negotium fuisse, cum ob Ejus offensam, quam propter exclusos Commissarios suos conceperat, cui tamen exclusioni causam ipsinet præbuerant, placandam, tum ad gravaminum publicorum abolitionem eo facilius obtinendam. In omnibus autem illis actionibus, neque „Regni

„Regni neque Majestatis illius hæredum, neque Successorum vel Præfatio. „minimo verbo facta fuit mentio, nedum ut horum respectu „quicquam contractum fuerit quod ex ipso placationis scripto dilucide constat. Neque vero placationis modum Ordines „adeo pure, simpliciter & indefinite, uti postea præter contrahentium mentem aliorum accipi coepit, cum Dominis Commissariis inierunt, sed ut vel ad certum tempus, vel quoad in vivis „esset Regia Majestas, Eidem præstaretur, tum autem ut usus juris, „um, privilegiorum, libertatum & consuetudinum integer esset, „& vicissim omnia gravamina penitus abolerentur, Ordines sibi „diserte præservarunt. Ac quanquam istæ conditiones omnes, in „placationis scripto non sint expressæ, (suadebant enim Commissarii, non tam urgenter inter principem & subditos agendum, „sed pro gravaminibus abolendis supplicandum potius) diserte tamen iidem Commissarii, placationis modum non secus ac Ordines petivissent, iisdemque conditionibus acceptum, gravamina quoque per Regiam Majestatem abolitum iri promittebant. „Declaratio Ordinum civitatis de controversia cum Rege Stephano „plag. Hb. p. 7. 8. Aliter tamen sensit Sigismundus Augustus, qui in Responso Gedanensium ablegatis a. 1570. dato, Constitutionibus Commissariorum approbatis, dimidiam portorii partem indefinite Sibi oblatam declaravit, modo accessione duorum denariorum augetur. „Karnk. jure provinciali Prussiae plag. Q. p. 7. Quod ad temporis conditionem, in præfatione memoratam, erat annorum decem, quo finito, aut Sigismundo Augusto mortuo, portorii divisio finiretur, duo denarii, prioribus addendi, cessarent, & tantum duo denarii veteres exigerebantur.

E) „Cum igitur, sic pergunt in citata ad Stephanum epistola, interjectis lineis aliquot, Ordines civitatis, „prædefuncta „Regia Majestas, autionem portorii sponte remisit, gravamina vero, de quibus pacti fueramus, non solum non abolita, sed „interim multo majoribus etiam & longe pluribus præjudiciis damnis & expensis, quam ex placatione præstandum fuisset, accumulata fuerint, eoque modo conditiones utriusque pacti, non ex civita-



Præfatio. „civitatis debito, sed ex parte Regiæ Majestatis defecerint, ideo certissime statuunt Ordines, se post defunctam Majestatem, cujus obitu simul hoc negotium sopitum est, nec in elyto Poloniæ Regno, nec alii cuiquam, ejus pacti conventi ratione, quicquam debituros. Quod ad rationem superiorum temporum, quæ simul citat Stephanus, attinet, intelligenda duo interregna, quorum alterum mortem Sigismundi Augusti, alterum post breve regnum, Henrici repentinum clandestinumque abitum excepit, quorumque intervallo, neque portorium augeri, neque conditiones, quibus in auctionem divisionemque Gedanenses consenserant, impleri poterant. Non tamen erat opus temporum illorum rationem allegare, cum Gedanenses, quod ex proxime præcedentibus constat, mortem Sigismundi Augusti, augendi dividendique portorii terminum statuissent.

F) Quia ergo duobus interregnis, de negotio portorii agi nequibat, factum, ut post mortem Sigismundi Augusti nihil esset constitutum, dum regnum capefferet Stephanus.

G) Sigismundus enim Augustus, in citato antea Responso Gedanensium ablegatis dato, „auctionem portorii, de consilio Senatus Regni, decretoque comitiorum publico, propter publicam necessitatem approbavit, ac ob publicum regni commodum „& gravissimos publicos sumitus, quibus ærarium Regium & Regni bello & pace exhauriretur, de eorundem Ordinum Regni consilio & sententia, gratam & ratam habuit, ita ut vel thesauro Reipublicæ inferretur, vel ex Regis arbitrio dispensaretur, salva quarta parte, quæ Reipublicæ cessura esset.

H) Per hæc diversa studia factum, ut ab aliis Maximilianus Cæsar, ab aliis Stephanus, Transilvaniæ Princeps, Rex eligeretur. Diffensionibus his sine armis compositis, soli Gedanenses, qui in Cæsaris partibus fuerant, Cæsare jam mortuo, pro suis juribus obsidionem sustinebant, post quam, a Stephano, conditionibus compositis, in gratiam recepti sunt.

I) Ante

I) Ante civitates obsidionem, cum Gedanensibus actum Præfatio. aliquoties, ut Regi fidem & obsequium jurarent, a quo minime alieni erant, modo cum aliis gravaminibus, Commissio Karnkoviæ, ejus constitutiones & cætera, quæ ex illa Commissionem orta, abolerentur. Tum simul de portorii auctione & divisione facta mentio, ad quam civitas, post Sigismundi Augusti mortem, minime se obligari credebatur. Recepta post obsidionem in Regis gratiam civitate, placebat, de augendo partiendoque portorio, in proximis comitiis agi, ubi cum nihil constitueretur, mittebat Rex legatum Gedanum, qui hinc, negotio pariter infecto, abiit. *Hist. Pruss. III. 280. 298.*

L) Susceptum hoc bellum a. 1579, ut, quæ Russi in Lithuania & Livonia expugnaverant, recuperarentur.

M) Pace cum Magno Moscorum Duce nondum composita, a. 1581, comitiorum tempore, mittebant Varsoviæ Gedanenses, Præconsulem, Consulem & Syndicum, non ut in portorii auctionem divisionemque consentirent, sed ut Regis animum flecterent, ne quid in portorio novaretur: quibus supremus Regni Cancellarius confirmabat, perstare Regem in portorio, nullamque in iis, quæ gravarent civitatem, medelam sperandam esse, nisi hoc negotio ex Regis sententia confecto. Eo responso dimittebantur Gedanensium ablegati, qui sequenti anno, post pacem cum Russis, Varsoviæ redibant, non tamen alio mandato, quam ut Regi pro portorio, pecuniæ summam ad ducenta florenorum millia intra annos viginti, singulis annis decem millia pendenda, offerrent. Sed Rege immoto, ablegatis, qui interea Varsoviæ manserant, civitatis Ordines mandabant, ut in portorii auctionem ac cum Rege divisionem consentirent, neque solus Stephanus, sed omnes Ejus Successores, non tamen prius, quam Regiis insignibus condecorati essent, portorio fuerentur. Quare in hunc diem, interregni tempore, pars portorii Regi, futuro Regi servatur, ac ipsi post inaugurationem repræsentatur.

B

N) Mc-



Præfatio.

N) Memorantur illa in citata *Declaratione Ordinum*, quorum correctionem, rogaverant Sigismundum Augustum Gedanenses, cum in auctionem & divisionem portorii consensissent, idque ex placationis formula patet. Nec minus ex ipsis tractatibus portorii cognoscuntur, dum Stephanus quæ civitatem gravabant, tollit.

O) Poterat civitatis status melior reddi & res familiaris augeri, si peregrinis per Prussiam negotiationem exercere non liceret, & societas mercatoria Anglica, quæ in Gedanensium injuriam sedem Elbingæ fixerat, inde abire juberetur, aut facultas negotiandi ad modum peregrinorum coerceretur.

O\*) Hanc suam gratiam, Ipse Rex, cum tractatibus confectis, Syndicum Gedanensem Lemkium & Doctorem Bergmannum, post abitum cæterorum Internuntiorum dimitteret, declarabat, his quidem verbis: „Grata Nobis est obsequiorum atque observantiæ testificatio, quam tum publico civitatis jussu, tum Internuntiorum privato nomine significastis. Internuntii eo ipso, probarunt suum erga Nos subjectionis studium, quod matura ad civitatem reditione & diligenti rerum hic expeditarum relatione, negotium hoc promovere voluerint. Quamvis etiam diuturnæ istæ ac longæ tractationes, Nobis & molestiam & tardium pepererint, nec non vehementer Nos primum offenderint, tamen cum videamus, finem opus ipsum tandem coronasse, atque intelligamus, civitatem cunctationem illam ac moram, suo debito & promptissimo obsequio compensasse, offensam Nostram atque indignationem commutavimus in clementiam & paternam benignitatem, qua civitatem ejusque cives omnes, subditos nostros fideles, semper sumus profecturi. De hac igitur Nostra benigna voluntate atque benevolentia, reddite civitatem certiorum & maxime securam, & certo promittite, Nos ejus ornamentis & commodis nunquam defuturos.”

P) Ejus-

P) Ejusmodi deliberationes cum Regni Senatoribus & Præfatio: Prussiarum Consiliariis, ante & post civitatis obsidionem institutæ sunt. Et Prussiarum Consilarii, ideo in consilium adhibendi erant, quod agebatur de causa Prussiarum notabili, quales causas cum communi Consiliariorum spiritualium & sæcularium, Nobilium & civitatum majorum terrarum Prussiarum consilio, terminari, tractari & definiri, privilegium incorporationis præcipit. Neque de portorio tractatum erat, cum Rex 1582 ad Conventum Prussiarum generalem, de Gedanensibus referret, ut de juribus eorum, quæ haberent, ipsum edocerent. Ad quod Ordines respondebant: „Gedanenses asseverasse, se ob ea, quæ olim Regiæ Majestati promississent, internuntios suos jam pridem ad Majestatem Regiam misisse, nec dubitare, quin ea, bona cum Majestatis Regiæ gratia, componi possent.” Addebant Ordines: „se, ut id primo quoque tempore fiat, optare, & rogare, ut Sacra Majestas Regiæ ejus civitatis clementissimam rationem habere dignetur.” *Hist. Pruss. III. 423. Docum. p. 134.* Neque alia ex causa, Rex Gedanensium preces ad comitia rejecerat, quam ut Senatores consuleret.

Q) Confecti a. 1584 Tractatus, sequenti anno, comitionum tempore, a Senatoribus approbabantur, conveneratque: „ut si quæ ex his tractatibus a Senatoribus rata habita non fuerint, neutra pars, ad totam transactionis formulam, præsentisque tractationes, amplius obstricta & obligata esset, exactio aucti portorii ipso facto cessaret, nec ulterius procederet, utriusque partis juribus integris & salvis permanentibus.”

## §. I.

*Auctio portorii ne juribus civitatis noceat.*

Primum & ante omnia constituimus decernimusque & sancimus, verboque Nostro Regio  
B 2 pro



§. I. pro Nobis & Successoribus Nostreis spondemus ac promittimus, quod isthac auctio portorii, civitatis Nostræ Gedanensis juribus, privilegiis, libertatibus, antehac habitis & possessis R), ipsi denique portorio, quod antiquitus possedit S), nulla ratione nulloque unquam tempore nocere, obesse, derogare vel præjudicare, nec possit nec debeat.

R) Portorium, ut reliqui reditus omnes, ad solam civitatem pertinebat, quod ideo auctum, ut pars illa, qua auctum, quæ jam totius portorii dimidium efficiebat, Regi obveniret. Ne ergo ad hoc exemplum, Reges aliquando ex aliis civitatis redditibus partem exigerent, aut civitati tributa extraordinaria pro se irrogarent, vel ex irrogatis a civitate, aliquid postularent, additum statim initio Tractatum, ne auctio portorii, civitatis juribus, privilegiis, libertatibus, antehac habitis & possessis, ulla ratione ulloque unquam tempore, nocere, obesse, derogare vel præjudicare possit aut debeat. Nihil enim ex civitatis redditibus, quos auxit admodum, Casimirus, qui in suam ditionem recepit Gedanum, Sibi & Successoribus servavit, duo tantum aureorum millia, singulis annis, in signum supremi dominii pactus; & quod ad extraordinarias civium collationes attinet, Casimirus civitati jus concessit, aut potius jam tempore Crucigerorum exercitum, confirmavit, in solius civitatis usum & necessitates eas decernendi, cum privilegium *de pecuniis subsidiariis* largiretur. Hinc Successores Casimiri, nihil sibi ex civitatis redditibus, aut civium collationibus extraordinariis vindicarunt: civitas tamen, gratum suum animum declaratura, duo illa aureorum millia, quatuor millibus marcarum Prussicarum, levis monetz, a. 1526 auxit. Ex Regum ergo exemplis, tum ex privilegio Casimiriano de pecuniis subsidiariis, ac eo quod Crucigerorum tempore in usum fuit, jura illa, privilegia, libertates, derivanda sunt, quorum, occasione aucti portorii,

portorii, præsentis §. mentio fit. Et jam in *placationis formula* civitatis Ordines oraverant Sigismundum Augustum: „ne ista „Pfalgeldi auctione, tam Terrarum Prussiar, quam civitatis juri- „bus, privilegiis, immunitatibus, libertatibus & consuetudini- „bus, in ulla parte præjudicaretur,, *Declaratio Ordinum plag. Mm. p. 8.*

§. I.

S) A prima portorii institutione, semper illud sola possedit civitas, in cujus reditus nihil juris sibi vindicavit Ordo Teutonicus, quod ex decreto Supremi Magistri, nota A) citato, quo controversia de Pfaleldo, inter Elbingenses & Gedanenses dirimitur, patet. Reliquerunt integrum portorium civitati Serenissimi Reges Poloniar, ex quibus Sigismundus I. in privilegio a. 1526. „civitati Gedanensi ejusque universæ communitati, eam pecuniam, „quam ab omnibus & singulis mercatoribus & negotiatoribus, „undecunque in portum Gedanensem cum navibus & mercibus „suis cujuscunque generis applicantibus, pro restauratione con- „servationeque ejusdem portus sui, Gedanenses antiquitus, sub „vulgari eorum vocabulo; *Pfalgeld*; exigere & sublevare con- „sueverint, ex Regia Sua munificentia & consensu Consiliario- „rum Suorum perpetuo concessit, dedit, donavit, ita ut a quali- „bet marca, de omnibus & singulis navibus, rebus ac mercibus, „per hunc portum dictæ civitatis, hinc quocunque mittendis ad- „vehendisque, duos denarios Prutenicales exigere, sublevare & „in usus suos bene placitos nunc & in ævum convertere, ac pro „civitatis suæ commodo & utilitate applicare valerent,, *Curicke hist. civit. Gedan. p. 159.* Quare civitatis Ordines, in suorum ad Regem Stephanum ablegatorum mandatis, die 17. Decembris 1576 affirmant: „Pfalgeld seu portorii exactionem, jam ab ipso civitatis „primordio, penes civitatem fuisse, etiam Ordine Crucigerorum in „hisce terris imperium gerente, atque ad reficiendum portum & „Istulæ aggeres, sine quibus portus ille diu consistere non possit, „civitati ab initio concessam & postea a Serenissimis Poloniar Re- „gibus, singulari privilegio confirmatam fuisse,, *Declaratio plag. Cc. p. 8.* Neque in portorii administratione, per portorii Tracta- tus



§. II. tus quidquam mutatum, quam civitas Senatui suo olim permittit, cui providendum erat, ne ea imminueretur, sed illibata servaretur.

§. II.

*Civitati centum florenorum millia, ac alia debita remittuntur.*

Præterea pro rei ipsius æquitate, & ex certis ac justis rationibus, animum Nostrum permoventibus, tam centena millia florenorum, quæ in placationis olim formula simul expressa fuerant T), quam præteriti temporis auctorem, quoniam ea ad effectum perducta non fuit, usque ad initium veris proxime futuri U), & quidquid tandem aliorum debitorum, contributionum, retentorum aut residuorum Divo Sigismundo Augusto, atque usque ad tempus receptionis in gratiam Mariæburgi factæ debitorum nomine, prætendi possit V), pro Nobis & Successoribus Nostris remisimus & relaxavimus, & vigore præsentium remittimus & relaxamus, neque eorum nomine, Nos & Successores Nostri, civitati negotium, actionem vel molestiam exhibebimus, movebimus, inferemus, nec per alios quoscunque exhiberi, moveri, vel inferri patiemur.

T) Ho-

§. II.

T) Horum centum millium florenorum supra nota B) facta mentio est, quæ Sigismundus Augustus probavit, ut quid de iis fieri vellet, se civitati significaturum promitteret. *Karnk. de jure provinc. plag. Q. p. 8.* Mortuo Sigismundo Augusto, antequam ex hac summa aliquid accepisset, integra nomine Stephani, quasi in jus Sigismundi Augusti successisset a. 1576 postulabatur. Sed negabant Gedanenses, se eam Stephano debere, cum soli Sigismundo Augusto, non Successoribus, & sub conditione abolendorum gravaminum, quam non præstitisset, promississent.

U) Oblatum Sigismundo Augusto ex portorio dimidium, si prius binis ex singulis marcis nummis auxisset, ut bini hi nummi Ipsi cederent. Verum non duplicavit portorium Sigismundus Augustus, & quod ex augendo portorio oblatum, Ipsi soli, non Successoribus oblatum, quare nova conventionem opus erat, quæ Tractatibus Portorii continetur: quibus die 9 February a. 1584. confectis, misit Rex eodem mense, Jo. Tarnowskium, Regni Referendarium & Vladislaviensem ac Crusvicensem Præpositum, Gedanum, ut curaret, principio veris, dum navigatio inciperet, portorium duplicatum exigi, & tres illos Civitatis Senatores, qui portorio præessent, ac duos scribas, qui cum civitatis simul Regis portionem reciperent, ac in rationes referrent, Regi jurejurando obstringeret. Ex hoc tempore aucti portorii dimidium Regi obvenit.

V) Decretum in comitiis Lublinsibus a. 1569. tributum, etiam Prussis irrogabatur, idque contra provinciarum jura, per quæ Prussi ea tantum conferebant tributa, quæ ipsi in suis conventibus seiverant. Nihilominus a Nobilitate & minoribus Civitatibus exigebatur, lato in majores civitates, quæ juribus consueverant pendere detrectaverant, a. 1572. decreto, ut nisi intra hebdomades octo tributum præstarent, a Palatinis vi adigerentur. *Hist. Pruss. II. 386. 402. 419.* Gedanenses tamen, decreto hoc minime percussi, nihil solvebant. Alia tributa Stephano jam regnante, Prussi decreverant, quæ Gedanenses ad se haud pertinere crederant, & Stephano



§. III. Stephano in fidem non recepti. Erant & aliz pecuniz, a civitate singulis annis Regi præstari solitz, quibus a *ratis* & statione nomen (*Raten- und Stationgelber*), quas a morte Sigismundi Augusti, Gedanenses in suos usus verterant, & ex quibus Stephanus, ob citatam modo rationem nihil receperat. Quicquid ergo & quocunque titulo civitas debere dicebatur, illud omne ad 12 Decembris a 1577, quo a Rege in gratiam recepta, ipsi remittebatur.

### §. III.

*Placationis formula, quando reperta fuerit, civitati reddetur, & interea irrita declaratur.*

Placationis etiam formulam diligenter inquiri mandabimus, ac repertam quocunque tempore, ita uti Decessori Nostro exhibita fuit, civitatis ejus Ordinibus restituemus & redhibebimus X). Interim eam hisce litteris cassam irritamque esse, nec ullum postea firmitudinis, auctoritatis, valoris vel obligationis robur obtinere debere volumus: prout eam vigore præsentium, verbo Nostro Regio, pro Nobis & Successoribus Nostriis cassamus, annihilamus, invalidam & irritam facimus, temporibus quibuscumque futuris, civitatemque in omnibus, quæ in contrarium attentari possint, indemnem præstare, & contra quosvis,  
qui

§. III. qui ea de re negotium facessere vel molestiam exhibere præsumserint, Nos Successoresve Nostri realiter, effectualiter, & de facto evincere, eliberrare & defendere tenebimur.

X) Placationis formula, est scriptum, de modis, quibus Sigismundus Augustus, ob Commissarios suos a. 1568. intra civitatem non admissos graviter indignans, placaretur, a. 1570. receptis post alterum eorum adventum in urbem Commissariis, compositum, quodque in *Declaratione Ordinum de sua cum Rege Stephano controversia*, plag. Mm. p. 5. & seq. legitur. Offerunt in eo civitatis Ordines Regi, portorii duobus nummis augendi dimidium, ac centum florenorum millia, „ut Rex non solum omnium „offensionum & suspicionum oblivisci, ac civitatem ab omnibus „gravaminibus commissionum & inquisitionis liberare, sed etiam „de omnium incolarum perpetua fide & obsequio persuasus esse, „eosdemque in gratiam receptos, pari benignitate & clementia „commendatos habere ac in perpetuam rei memoriam de his „omnibus, publicis documentis sub Regis manu & sigillo confectis, civitati plenissime providere velit, : aliis conditionibus additis. Formulam placationis Commissarii secum communicatam Regi mittebant, Qui probatam remittebat, ac sigillo majore omnium Ordinum firmatam, civitatis Internuntii Regi eodem anno exhibebant relinquebantque. Cum vero Rex conditiones in placationis formula memoratas non præstitisset, quin etiam Commissarii, suis constitutionibus, ac ipse Rex gravamina, quorum abolitio inter conditiones erat, auxisset, civitatis Ordines ad ea, quæ in formula promiserant, se non obligari credebant: ac secundus & tertius Ordo ægre ferebant, formulam illam Regi relictam esse, culpam in ablegatos Senatorii ordinis conferentes, quasi hi, insciis qui ex reliquis Ordinibus additi, Regi formulam exhibuissent, ut a. 1578 tertius Ordo inquiri postularet, a quibus Rex formulam acceperat. Missis postea ad Regem Stephanum de portorii negotio, inter alia etiam hoc mandatum, ut  
C for-



§. III. formulam sibi reddi curarent, ne illa centum florenorum millia, quasi non soli Sigismundo Augusto, sed simul Ejus Successoribus promissa, aliquando postularentur. Quid formulam repetentibus responderit Supremus Regni Cancellarius, ipsius verbis referam: „Ut verum fatear, ac Dominationibus Vestris aperte & ingenue dicam, nescio quo loco formulam illam reperiam. Et si enim recorder & sciam, quod Dn. Vicecancellario, tum temporis Cancellariae Regenti, commissa sit; tamen sciant Dominationes Vestrae, quae nunc boni istius senis sit conditio, nec ignorant, quae nostrae per hos annos continua fuerint oberrationes & peregrinationes: ita ut partem scriptorum Vilnae, partem Cracoviae, partem Knischini habeam, & cum mors Dn. Gifii nec non mei Simonis, qui in expeditione illa interfectus est, intervenisset, illique ejusmodi scripta asservarint; non scio ubi eam reperiam, sed tamen bona fide inquiram, vel si ita subito reperti non poterit, alio rescripto cassabo, eaque in re bona fide agemus. Quare aequiescebant civitatis Ordines, ut si formula reperti ac sic reddi non posset, Rex Suo & Successorum nomine, eam in ipsa conventionione, seu tractatibus, aboleret, civitatemque contra quemcunque indemnem praestaret, ut in praesenti §. Rex praestitit. Anno 1596 rumor fuit, formulam placationis in aula fuisse visam, sed eventus docuit, vanum fuisse rumorem, mansitque hujus scripti exemplum, quod Sigismundo Augusto olim relictum, in hunc diem in rerum perditarum numero. De formula placationis supra nota B) actum, mentione ejus in praestatione facta.

## §. IV.

*Qui portorium exigant. Furent, qui exigunt,  
Regi coram Commissario rationes reddant,  
& in judicio respondeant.*

Decernimus autem volumusque, ut portorium id exigant, more institutoque pristino, civitatis

tatis tres Consules & duo scribae, qui eo, quo haec tenus fieri consuevit modo, a Senatu eligentur, & constituentur Y), & Nobis peculiare juramentum in eadem civitate praestabunt, coram Commissario Nostro a Nobis deputato Z), & rationes coram Commissario Nostro ibidem reddere Aa), atque etiam quoties opus fuerit, coram Nobis, tanquam servitores Nostri, in judicio Nostro respondere tenebuntur & erunt adstricti Bb).

Y) Sigismundus Augustus, portorii divisione recepta, suae parti Castellani Gedanensem, Joannem Kostkam praefecit, qui duos fidos & idoneos viros, civitatis collectoribus juncturus esset, ut pro Rege dimidium colligerent; quod ex Regio responso civitatis internuntiis 1570 dato, patet. *Karnk. l. c.* Sed ob omisam auctionem, divisione portorii non secuta, haud itis opus erat, qui Regis partem colligerent; nec facile civitas permisisset, ut alii portorium exigerent, praeter quos ipsa constitueret. Hinc cum regnante Stephano iterum in auctionem divisionemque portorii civitas consentiret, inter conditiones erat, ut totius portorii administratio, more majorum, penes Senatum esset, & cum Rex vel unum vel plures, aut ex Magistratu aut ex civibus, portorio praeficere vellet, quibus civitas suos jungeret, negabat civitas, se in administratione mutationem aliquam admitturam esse. Quare Rex probavit, ut more veteri, tres Consules portorium exigerent, ita tamen, ut tres illi Consules Regi jurarent. De scriba magis certatum, quem Rex vel ex civibus Gedanensibus, vel ex Prussis, vel ex Livonis, & quidem fidei probata, constituere volebat. Civitas vero per scribam, quem ipsa non creasset, jus administrationis imminui credebat, quod integrum fore Rex promiserat, cum ipsa operam datura esset, ut rationes portorii, non minus quoad Regis, quam suam partem, bona fide conficerentur & redde-



§. IV. redderentur. Verum Rex in suo de scriba proposito ita mentem obfirmaverat, ut eam mutaturum supremus Regni Cancellarius desperaret. Non minus in sua sententia perstantes Gedanenses, offerebant, suos scribas Regi seorsum jurejurando obstrictum iri: quod tandem Regem flexit, ut pariter suos ex portorio redditus a civitatis scribis in rationes referri consentiret. Tres ergo portorii Praefecti eliguntur a Senatu, munusque hoc gerunt, donec vel acrio civitatis praeponantur, vel Praefules evadant. Scribae non minus a Senatu creantur ex numero civium, referunturque ad *feudatarios* majores (*grosse Lehnsleute*) ac manent quousque vivunt. Praefecti portorii, Regi, non civitati jurant, quia jurejurando Senatorio tenentur, sed scribae jurant antequam munus suum adeant. Praefecti & scribae habent annum ex redditibus portorii, tum Regis tum civitatis. Praeter Praefectos & scribas, sunt alii qui operam suam navant portorio, scilicet speculatores ac inquisitores, qui attendunt & inquirunt in merces advectas & eveundas, ubi suspicio est, in denunciandis mercibus non bona fidei agi. Caput illorum est speculator, aut inquisitor primus, qui *Oberbesucher*, cum ceteri *Schiffsbesucher* vocentur: qui omnes a Senatu constituuntur, ei jurant, & ex communibus portorii redditibus, salarium recipiunt.

Z) Portorii Praefectos & scribas Regi jurare, dictum nota praecedenti, estque jusjurandum peculiare, aliud tamen praefectorum, aliud scribarum. Utrumque Rex scribi jussit, jurantque Praefecti: „quod auctionem binummalem, ex parte Regiae Majestatis, fideliter & citra fraudem exigere, utilitatem & commodum Majestatis Suae attendere & procurare, si quid in praerudicium „& damnum Majestatis Suae fieri a quoquam sciverint, fideliter „Majestati Suae aperire & certiore facere velint. Ita ipsos DEUS „adjuvet,“. Scribae jurant: „se auctionem binummalem ex parte „Majestatis Suae fideliter & citra fraudem connotaturos, libros „rationum diligenter & fideliter confecturos, utilitatem & com- „modum Majestatis Suae attenturos & procuraturos, si quid in „praerudicium & damnum Majestatis Suae fieri a quoquam scive- „rint,

rint, fideliter Majestati Suae aperturos & certiore Eam factu- „ros esse. Sic ipsos DEUS adjuvet,“. Utriusque jurisjurandi forma ab Internuntiis civitatis probata, litterisque Regis universilibus inserta, Gedanum mittebatur. Malebant quidem Gedanenses, ut jusjurandum Regius Burggravius exciperet, consentiebant tamen, ut id a Regio Commissario fieret, fuitque primus Regni Referendarius Tarnowscius, cujus mentionem nota V) ad §. II. fecimus. Hic post suum Gedanum adventum, & litteras Regias commissi negotii fidem facientes, & Regium mandatum exhibuit, cujus summa erat: „Regi, in conficienda de augendo „portorio tractatione, praerudum civitatis erga Se & Rempubicam „declaratum studium perplacere, eoque nomine Senatui Ordini- „busque omnibus civitatis magnas habere gratias, ac posse sibi „persuadere civitatem, declarata hac sua promittitudine & subje- „ctionis studio, tantum accessionis ad constantem erga ipsam Re- „giam voluntatem secuturum, ut de promovendis & augendis „ejus ornamentis & commodis, sedulam cogitationem Sua Maje- „stas Regia ita instituisse videatur, ut civitas ea sibi polliceri, ea- „que expectare queat, quae de optimo, prudentissimo & subdi- „torum suorum amantissimo Rege, fidelissimi subditi sibi promit- „tere & expectare possint ac debeant. Quoniam vero Commis- „sarius missus sit, ut vigore transactionis, auctionis portorii istius „nomine Regiae Majestatis possessionem adeat, ac ab aliis qui a „civitate ad id munus obeundum deputati sint, juramentum reci- „piat, facturos Ordines rem Regiae Majestati gratissimam, si pri- „mo quoque tempore, id quod sui officii, executi fuerint, quod „cum facere voluerint, Commissarium officio suo non defutu- „rum esse,“. Respondebant Ordines, die decima Aprilis, & post vota, pro felici rerum successu, quae ad Regis immortalem gloriam, dignitatem & amplitudinem pertinerent, optabant: „ut „delata Regis gratia in promovendis & augendis civitatis orna- „mentis & commodis, civitati & omnibus incolis superstitibus „& posteris perpetuo, felix & fausta esset, utque hoc promptissimi „& amplissimi obsequii sui fructu, quam diutissime gauderent & „perfruerentur,“. Tum ad jusjurandum tres Consules seu Sena- „tores

§. IV.



§. IV. tores, Henricus Niderhof, Michael Sivert, Jacobus Schelle, & duo scribæ, Joannes Husmann & Engelbertus Burmeister, sistebantur, a quibus ubi Regi esset juratum, credebant Ordines, fidelissimo obsequio Regiæ Majestatis satisfactum esse, illudque restare: „ut ea quæ Sua Regia Majestas in tractatione clementissime rece-  
„pisset, de civitatis hujus fortunis augendis, promovendis, com-  
„merciorum commodis accumulandis, privilegiis & libertatibus  
„in Anglia recuperandis, de iis vero quæ in contrarium emerge-  
„rent, tollendis & abrogandis, re ipsa experiri, & iis vere &  
„cum effectu gaudere, uti, frui, possent ac valerent,,. Hoc re-  
sponso publice lecto, primum tres Consules & post hos, duo scri-  
bæ, coram Ordinibus, Commissario verba præunte, jusjuran-  
dum præstiterunt, idque, ut hujus rei testimonium exstaret, dicto  
responso addebatur, omnium Ordinum sigillo majore impresso.  
De ipso jurejurando addendum, quod a Rege Stephano latine  
missum, sed a portorii Præfectis & scribis germanice præstitum  
sit, ac in hunc diem obtineat, ut Regi germanice juretur. Lo-  
cus ubi jurandum, in Tractatibus non diserte designatur, sed ge-  
neratim in civitate id fieri præcipitur, factumque primum in cu-  
ria, cunctis Ordinibus præsentibus, ut dictum antea. Postea pa-  
riter juratum in curia, sed ut videtur, solo Senatu, sine Ordini-  
bus reliquis, præsentibus. Anno 1634, quia dicendo jurejurando  
sabbathi dies destinata erat, quo Senatus non habetur, ipse con-  
sentiebat, ut se absente, actus ille cum solo Commissario, in con-  
clavi portorii sub curia (Pfaltzhammer) perageretur, ut tamen in  
posterum in curia juraretur: posterius an factum non liquet, cum  
jam dudum in portorii conclavi jusjurandum coram solo Com-  
missario præstitum sit, qui sedens tecto capite, jusjurandum au-  
dit, nisi quod ad Regis nomen & quando ultima verba: ita me  
DEUS adjuvet, præit, caput nudet. Hæc enim sola verba Com-  
missarius, reliqua unus ex civitatis Secretariis præit. Commissa-  
rius dum ad excipiendum jusjurandum venit, Senatui Regias lit-  
teras, fidem negotii cur missus facientes, exhibet, ut memora-  
tis antea Tarnowscius reddiderat. Ejusmodi Commissarius non  
singulis annis, aut quoties vel novus Præfectus vel scriba creatur,  
mitti-

mittitur, sed sufficit, si hi semel juraverint; imo Præfecti & scri-  
bæ munus suum obeunt, etiam si Regi non juraverint. Augu-  
stus II. toto suo regno, quod fuit annorum 35, ter in sua verba  
jurari voluit, & Augustus III. intra annos viginti octo, bis.

§. IV.

Aa) Non abnuebat civitas, a portorii Præfectis Regi ex  
sua parte rationes reddi, si modo id fieret coram Regis Commis-  
sario intra civitatem, cum Regni Cancellarius postularet, ut por-  
torii Præfecti se Regi in aula sisterent, mox tamen civitati annuit.  
Redduntur rationes in portorii conclavi sub curia, ubi libri ratio-  
num, & alia ad rationes explicandas necessaria, custodiuntur, quæ  
non sine periculo alio transferri possunt. Ad rationes, ut ad jus-  
jurandum excipiendum, non plures, quam unus Commissarius, ad-  
mitti solent, quia Tractatus Commissarii non Commissariorum  
mentionem faciunt, idque usu servatur. Anno 1667 non unus  
sed plures venerant Commissarii, quibus tamen præter Regias ra-  
tiones, alia civitatis negotia mandata erant, quæ salvis juribus,  
illorum cognitioni submitti nequibant. Hi portorii Præfectos  
primum in hospitium suum, deinde in curiam, ad rationes red-  
dendas accibant, quibus tamen se Commissariis sistere a Senatu  
& Ordinibus haud permittebatur, quia rationes non a pluribus,  
sed ab uno Commissario, neque alibi, quam in portorii conclavi,  
inspiciendæ essent. Quare ut rebus cæteris infectis, sic rationibus  
non visis, Commissarii abierunt? Ut rationes lustret Commissa-  
rius, exhibentur ei libri, in quos rationes relatæ sunt, quas au-  
tem describere ipsi non licet, ne commerciorum conditio & quo-  
modo exerceantur, in civitatis damnum vulgentur. Recte vero  
se habent binummalis auctionis rationes, quando conveniunt  
cum civitatis ex portorio redditibus, quia æquis partibus redditus  
inter Regem & civitatem dividuntur. Ejusmodi Commissarium  
ad rationes, potest Rex mittere quoties placuerit, quod tamen  
raro fit, & post annos multos, misitque Rex Augustus III. regni  
sui vicesimo septimo, Augustus II. tricesimo quinto anno. Præ-  
ter modo dictos Commissarios, ad jusjurandum & rationes, est  
Commissarius, qui quicquid pro Rege exactum, recipit, simul  
ne



§. IV. ne quid in Regis damnum fiat, attendit. Talem Commissarium ex aulicis, primum Vladislaus IV. instituit, cum antea ex civibus aliquem habuerit Rex negotiorum gestorem, vulgo *Factor* appellatum, qui pecuniam ex portorio reciperet, & alia sibi a Rege mandata curaret. Quando vero Commissarius in civitate adesse non potest, addit ipsi Rex Vice-Commissarium, quem a 1660. primum creavit Joannes Calimirus, quamvis etiam vices Commissarii obire possit, titulo Vice-Commissarii non insignitus, modo litteris Regiis ad Senatum doceat, sibi mandatum esse, pecunias ex portorio recipere: ejusmodi litteras, ut etiam Commissarius & Vice-Commissarius exhibeant, necesse est.

Bb) Non sufficebat, Regis Commissario in Civitate rationes reddi, sed postulabatur, ut idem etiam Ipsi Regi extra civitatem fieret. Quod civitas deprecabatur, ut evocationibus Praefectorum portorii in aulam occurreret, ac omnia quae ad portorium, intra sua moenia peragerentur. Explicabat Regis mentem supremus Cancellarius, tum arcessendos Praefectos, si quando Ipsi Rex, eorum fidem & industriam in curandis suis redditibus, inspicere vellet. Quare Internuntii civitatis volebant inseri, si Praefecti in suspensionem adducti essent, & tum credebant, compellendos esse coram civitatis Senatu, qui primus cognoscere soleat, quando Senatores, muneris negligenter & improbe gesti arguantur. Praeferebat Cancellarius *suspicioni* verba *quoties opus fuerit*; addebatque, Praefectos tanquam Regios *Servitores*, non alium nisi Regem habere judicem. Displicebat Internuntiis, solos portorii Praefectos, Regios appellari *servitores*, cum omnes Ordines; cunctique cives, Regis essent *servitores*, quia Regi ut Domino, fidem & obsequium deberent. Respondebat Cancellarius: arctiori vinculo Praefectos constringi, quod pecunias Regias curarent, & ad recte curandas, peculiari jurejurando tenerentur. Tandem in eo acquiescebant Internuntii, cum Cancellarius adderet verba: *in judicio Nostro respondere tenebuntur & erunt adstricti*; quod ipsis persuasissimum erat, non tam male versaturos in curandis Regiis redditibus Praefectos, ut ad judicium

citan-

citandi essent; idque toto tempore, quo Reges portorii fuerunt participes, haud contigit. Quod enim a 1760 portorii Praefecti a Rege acciti, non ideo factum, ut causam in judicio Regio dicerent, nam Commissarius Regius, qui paullo ante, eodem anno rationes Gedani excusserat, eorum fidem & industriam laudaverat, sed ut de re aliena, nempe civium Zulaga, quae ad ipsos nihil pertinet, extra judicium responderent. Quod cum minime ex mente Tractatum portorii fieret, eorum absentia apud Regem excusabatur. Et cum nihilominus mandatum poenale sequeretur, multam, nisi adessent, centum millium aureorum minitans, civitatis Ordines priores rationes & preces repetebant, simul Regem, ne innocentibus tam gravem multam irrogaret, obsecrabant. Quare Optimus Princeps, & iter Praefectorum portorii urgere desit & de multa siluit.

### §. V.

*Quantum ex mercibus solvendum, civitatis Senatus constituat.*

Volumus etiam & consentimus pro Nobis & Successoribus Nostreis, ut aestimatio exigendi de mercibus portorii, pro valoris conditione, penes Senatum, more hactenus consueto, permaneat Cc).

Cc) Facultas constituendi portorii pro valore mercium, erat pars administrationis, quam integram sibi servabat civitas, cum Regem Stephanum Ejusque Serenissimos Successores, in communionem reddituum ex portorio reciperet. Quare Ordines initio tractationis orabant, ut administratio totius portorii & mercium aestimatio pro valore conditionis, more Majorum penes Senatum

D

natum

§. V.



§. V. natum remaneret. Ad quod Regis nomine respondebatur: „affli-  
 „matio exigendi de mercibus portorii, pro valoris conditione, quo  
 „minus penes Senatum more hactenus observato permaneat, Re-  
 „giam Majestatem non impedituram esse,,. Inde de hac re  
 disceptandum non erat. Si valor mercium semper maneret idem,  
 non opus esset nova æstimatione, quantum ex mercibus, titulo  
 portorii, solvendum, at dum valor variat, ut modo minor mo-  
 do major sit, sequitur, portorium, quod ad mercium pretium exi-  
 gitur, non posse manere idem. Hanc ob causam, singulis annis,  
 sub veris initium, prius quam incipit navigatio, portorii Præfecti  
 conveniunt, & a mercium *proxenetis*, de illarum pretio edocti,  
 quantum ex iis portorii nomine, hoc anno solvendum, conscribunt,  
 idque ad Senatum referunt, qui quod a Præfectis constitutum, vel  
 approbat vel mutat, pro commerciorum utilitate, quæ augentur,  
 si sumtus minores quam apud vicinos fuerint.

## §. VI.

*Portorium non amplius augendum.*

Neque supra binummalem auctionem, por-  
 torium vel ex Nostra vel ex civitatis parte, ulla ra-  
 tione amplius augebimus, neque Successores No-  
 stri augebunt Dd).

Hanc binummalem auctionem, soli Sigismundo Augusto  
 civitatis Ordines, in placationis formula obtulerunt, simul expli-  
 carunt, his quidem verbis: „quocirca unanimi tandem omnium  
 „consensu humillime conclusum est, quemadmodum totius Com-  
 „munitatis nomine, hisce præsentibus consentimus, primum, ut  
 „accedente eam in rem Sac. Reg. Majestatis indulgentia & consen-  
 „su, vetus Pfsalgeldii, ut vocant, exigendi ratio, augeatur ad hunc  
 „modum, præter ultimos duos denarios Prutenicales de una qua-  
 „libet

„libet marca, ad civitatis proprietatem & redditus ab antiquo per-  
 „tinentes, alii duo denarii, de una qualibet marca, ex omnibus  
 „navibus & mercibus importatis exportandisve, Sacre Majestati  
 „Regiæ concedantur, quam duorum denariorum auctionem, ipsi  
 „Majestati Regiæ ex summo subjectionis studio offerunt,,. *De-  
 clar. Ord. plag. Mm. p. 7.* Cum hanc binummalem auctionem,  
 Stephanus sibi & Successoribus Suis asserere conaretur, & Ordines  
 tandem consentirent, hanc addebant conditionem: ne supra  
 binummalem auctionem, portorium amplius augetur, nec ex Re-  
 giæ Majestatis, nec ex civitatis parte; in quod Rex facile pro Se &  
 Successoribus Suis consensit. Sed proximus Stephani Successor,  
 Sigismundus III. qui singulari diplomate a. 1588 portorii Tracta-  
 tus confirmaverat, „& omnia ac singula, quæ in illis continentur,  
 „non infringere, nec violare aut diminuere, sed multo magis fir-  
 „miter & inviolabiliter tenere & observare promiserat,, augendi  
 portorii pro Se a. 1595. cepit consilium. *Hist. Pr. IV. 201.* Quod  
 cum non succederet, misit 1615 Gedanum, Succamerarium Marix-  
 burgensem, Jac. Szepanscium, qui civitati exposuit: „Regem ex  
 „certis nuntiis intellexisse, Galliarum, Angliæ & Daniæ Reges,  
 „tum etiam Status civitatum Belgicarum, ita auxisse vectigalia por-  
 „toriorum, ut magna pars reddituum accreverit; non alienum a ra-  
 „tione S. R. Majestatem arbitrari, ac e commodum tum Suo, tum  
 „etiam subditorum suorum, ad quos porteriorum redditus pertine-  
 „rent, si idem in ditionibus provinciisque suis, quas mare bal-  
 „thicum alluit, institueretur, ut nimirum a mercibus suis, mer-  
 „catores peregrini majus aliquod solito pretium, conformeque  
 „vel non absumile ei, quod in portibus memoratorum Regum  
 „dependeretur, solverent. Cum vero ea in re sine consensu eo-  
 „rum omnium, qui portus aliquos habeant, nihil certi statui ac  
 „determinari posset, tractasse S. R. Majestatem cum illustissimo  
 „Electore, Ducibusque Curlandiæ, ac illos consensisse, modo  
 „civitas Gedanensis suum assensum præberet, proponere velle Ri-  
 „gensibus & aliis, quos S. R. Majestas non alienos fore ab hoc  
 „Suo proposito judicet. Postulare itaque Regiam Majestatem, ut  
 „Magistratus Gedanensis, ad eam rem rite perficiendam, consen-  
 „sum

## §. VI.



§. VI. „sum suum præberet, voluntatique S. R. Majestatis sese accom-  
modaret, ac Eidem sententiam suam eo in negotio aperiret. Respondebat urbis Senatus: „se auctionem portorii ad consilium  
„Ordinum revocasse, quam ita comparatam esse sentire omnes,  
„ut prima quidem fronte appareret, & Sac. Reg. Majestati & ci-  
„vitati huic non mediocrem allaturam utilitatem; sed si penitus  
„introspectiatur, non modo cum maximo civitatis incommodo  
„& dispendio conjunctam, verum etiam ad ipsius regni non me-  
„diocre detrimentum pertinere videri: quod sine dubio animad-  
„vertentes Illustrissimum Electorem, Duces Curlandiæ, Rigen-  
„ses & alios, quos Sacra Regia Majestas hoc nomine requisiverit,  
„declinandæ invidiæ causâ, ab hujus civitatis assensu approbatio-  
„nem suam videri suspendisse. Habere enim hanc civitatem in  
„exteris Regnis, provinciis & civitatibus certas commerciorum  
„libertates & immunitates, certis pactis & conditionibus circum-  
„scriptas, quibus inter alia cautum, ne in hac urbe novo quo-  
„piam exactionis genere, ipsi quoque exteri onerentur: quibus  
„aucto portorio causam præbitum iri, ut & illi civium Gedanen-  
„sium apud se immunitates & privilegia rescindant, eosque ma-  
„joribus quam antea exactionibus onerent, unde commercia  
„apud externos deferere tandem Gedanenses coactum iri. Id su-  
„prioris auctionis sub D. Stephano factæ exemplum comproba-  
„re, eo enim adductum Serenissimum Regem Daniæ, novam ex-  
„actionem, Lastgeldum vocatam, binummalis auctione longe gra-  
„viorem imposuisse. Esse mercatores ejus ingenii, ut libertates &  
„immunitates commerciorum sectentur, oneraque quantum pos-  
„sint defugiant, aucto itaque portorio, hanc urbem averfuros &  
„negotiationes alio conversuros esse, unde futurum, ut merces e  
„Regno devectæ vilescant, & exportationis fructu destituan-  
„tur - - - His & aliis de causis olim factum, ut D. Rex  
„Stephanus, pro se & Successoribus, disertis verbis hanc clausulam  
„privilegio Tractatum portorii inseruerit, quod supra binumma-  
„lem ejus temporis auctionem, portorium vel ex Regis, vel civi-  
„tatis parte, ulla ratione amplius augeri non deberet. In quo ut  
„nunc etiam Sacra Regia Majestas clementissime acquiescere di-  
„gnetur,

„gnetur, Senatum humillime rogare. Ex hoc tempore nihil de  
augendo portorio cum Gedanensibus actum, quod in hunc diem,  
uti inter Stephanum & civitatem convenerat, mansit. Quod  
enim nuper a. 1761. quidam de aucto a Gedanensibus sub Zulagz  
titulo pro se portorio, aut prioris portorii additamento finxerat,  
merito ad somnia referendum, auctoremque, cujus nomen igno-  
ratur, in supplemento assertæ Zulagz, Ordines confutarunt. Idem  
dicendum, quando idem auctor duo format portoria, quorum  
alterum Gedanenses cum Rege dividant, alterum integrum in  
suos usus vertant.

§. VI.

## §. VII.

*Nemo a portorio immunis sit.*

Immunitates quoque, quibus proventus por-  
torii diminuuntur, Nos & Successores Nostri nemi-  
ni dabimus Ee), neque Nostrarum mercium no-  
mine & colore, quemquam portorium illud eludere  
vel intervertere, permittemus Ff).

Ee) Ante portorii auctionem divisionemque, coëmtæ in  
usum exterorum Principum Gedani merces, Senatu litteris ab iis  
compellato, sine portorio exportabantur; neque fructu caruit  
hæc humanitas, Principibus illis, si quid in rem civitatis præsta-  
re possent, vicissim promittis. Quid autem Rege in portorii com-  
munionem recepto, in gratiam Principum exterorum decernen-  
dum, id quidem Regi civitas permittebat, cui satis erat, petere,  
nemini immunitatem concedere, qua civitatis proventus dimi-  
nuerentur, nec Regiarum mercium colore, nec cujusvis alterius  
rei nomine; utque liceret portorii Præfectis, ejusmodi immunita-  
tis litteras non recipere. Respondebatur Regis nomine: „immu-  
„nitates, quibus portorii proventus diminuuntur, nemini Regiam  
„Maje-



§. VII. „Majestatem concessuram esse, idque Tractatibus ita inferebatur, ut simul Successores obligarentur. Idem tamen Serenissimi Successores, exterrorum Principum, horumque legatorum res portorio immunes esse voluerunt. Nonnunquam quidam ex Regni Senatoribus, portorium pendere detrectarunt: sed civitas rehitit, Regemque oravit, ne iis exentio indulgeretur. Arma tamen, quæ pro exercitibus Regni & Lituaniz mari veniunt, ad Regis testimonium, portorio libera sunt. Sic non solum Regis, sed simul civitatis ex portorio reditus minuuntur, quod fieri Tractatus vetant. Civitas enim nihil ab iis accipit, quibus Rex suam partem remittit, quo Regis & civitatis rationes inter se congruant, & suspicio vitetur, ac si mala fide in Regis redditibus verlati essent portorii præfecti, quando civitatis reditus supercurrerent. Hoc etiam jure, quo Reges immunitatem a portorio largiti, civitas olim interdum usa, quando ex rebus, quibus nullum commercium exercebatur, modicum titulo portorii, solvendum erat, quia Tractatus non majorem Regibus, quam civitati potestatem permittunt. In præsens vero Senatus plane abstinet, cum ipsi in Ordinatione Augusti III. art. X. „sub amissione privilegii administrationis portus & maris, nec non præfectis portorii, sub vinculo juramenti mandatur, providere, ne in posterum ulla navigia a portorio debito sint immunia, vel thesauro Regio ex negligentia illius exactioe quicquam decedat,“

Ff) Cum civitas peteret, ne immunitas a portorio, colore mercium Regiarum daretur, videbatur civitas, illam immunitatem Regiis mercibus negare velle. Quare pro Rege respondebatur: „iniquum sane Regiam Majestatem arbitrari, a suis mercibus, contra publica Principum jura, quicquam exigere, iniquius Regiarum mercium obtentu, quemquam Rempublicam defraudare; itaque colorem quidem, modo res ipsa non tollatur, Regiam Majestatem tollendum putare. Id autem quomodo fieri possit, si commodas aliquas rationes civitas proposuerit, non invitam eas Regiam Majestatem amplexuram esse,“ Ad quæ civitas: „non aliquod onus Regiis mercibus imponi vel portorium „exi-

„exigi, sed id peti, ut is qui merces istas emtionis vel alio titulo „comparaverit, portorium tuum præstet, cum easdem mari exportare, & in alias regiones transmittere voluerit; esse vero „rationem convenientissimam ad intervertendum portorium, „quando talium mercium immunitatum prætextu, quilibet ad „evitandam portorii solutionem uti facile posset,“ Tandem illa verba placebant, quæ in ipso §. leguntur. Ne ergo privati prætexant, esse Regias res & merces, cum non sint, & portorii immunitate gaudeant, Regis testimonio opus est, ut constet, esse vere Regias & Regis usus servire. Olim sufficiebat, si civis, qui Regis negotia Gedani curabat, vulgo Regius *Factor* vocatus, fide jurisjurandi sui civici asseveraret, vere esse res Regias; sed postea scriptum ex aula testimonium necessarium habebatur, quod & hodie exhibendum est, si Regiæ res portorio immunes esse velint. A. 1682. res pro Rege ex Gallia missæ detinebantur, donec testimonium ab aula veniret, & a. 1686. decernebat civitatis Senatus, ut res Regiæ custodirentur, donec Regium testimonium exhiberetur, aut tantum pecuniæ deponeretur, quantum portorii nomine præstandum esset. Sed ad testimonium Abbatis Olivensis, tanquam Commissarii portorii, res illas ad Regem pertinere, liberæ dimittebantur, ut tamen civitatis Secretarius ad aulam residens, diligenter exquireret, an res illæ, & quidem omnes, vere Regis essent. Interim sæpe audita querela, inter Regis res, Rege plane inscio, etiam privatorum latere; quibus portorium eludatur. Poena autem eorum, qui portorium eludunt, quamque decernit Senatus, est rerum & mercium publicatio, alias confiscatio, quibus sub hasta venditis, tertia pecuniæ pars, Regi servatur, reliquæ duæ inter civitatem & eos, qui attendunt ne portorium eludatur, in vigilantiz suæ præmium & incitamentum, dividuntur. Hanc in fraudationem portorii animadversionem solus Senatus, sine provocatione ad Regem exercet, jure administrationis, quæ ipsi, divisis cum Rege ex portorio redditibus, integra mansit, neque Reges sua auctoritate intervenerunt, secus Senatus jus suum submississime tuitus fuisset.



*Locus ubi portorium recipiatur.*

Ut præterea in loco consueto intra civitatem, & non alibi, portorium conjunctim percipiatur Gg), & ibidem rationes nautarum & mercatorum, de navibus Hh), bonis & mercibus Ii) illorum ineantur & conferantur.

Gg) Quæ præsens § continet, cum a civitate ad Regem deferrentur, Rex statim probabat. Consuetus intra civitatem pro portorio locus, est conclave in parte curiæ inferiore, cui a portorio nomen, vulgo *Psallammer*, ubi portorii Præfecti & scribæ munia sua peragunt, & pro Rege ac civitate portorium una recipiunt, ut neutrius portio solvenda sit seorsum, neque duorum sed unius videatur portorium: quod postea in duas æquas partes dividitur, quo omnis absit suspicio, plus civitati quam Regi ex portorio obvenire.

Hh) Navibus, sive oneratae sive vacuæ veniant, aut abeant, portorium est solvendum, & quidem pro diversa magnitudine, modo plus, modo minus. Hinc in rationibus ineundis nautarum fit mentio, quia illi pro suis navibus portorium solvunt.

Ii) Inter bona & merces hoc est discrimen, quod merces dicantur, quæ commerciorum causâ importantur & exportantur, bona vero, quæ alicujus usui serviunt, & ideo comparata sunt, ut usui serviant. Mercium pretium in tabula est propositum, ut quilibet sciat, quantum titulo portorii solvendum. Cum vero inter bona multa sint, quibus pretium ab alio statui nequeat, permittitur ei, ejus bona sunt, aut a quo pro alio comparata, eadem æstimare, ut tamen æquitatis ratio habeatur. Quamvis etiam merces & bona promiscue dicantur.

*Litteræ passus pro navigantibus.*

Utque litteræ passus, sub consueto civitatis sigillo, enavigantibus edantur Ll).

Ll) Sine ejusmodi litteris *passus*, quæ in cancellaria civitatis inferiore scribuntur, nulla navis ex portu egreditur, ut se mari committat. Jus dandi illas litteras, ex custodia maris & cura commercii maritimi ortum, quam civitati Casimirus contulit, aut potius confirmavit, quia civitas utramque ante Casimirum exercuit, & in qua Stephanus nihil mutavit, cum in communionem portorii admitteretur. Sigillum quod supra cera rubra litteris istis imprimitur, imaginem navis præfert cum inscriptione. A. 1689 sub sigillo camera in aula edebantur litteræ passus, quæ, civitate fortiter contradicente, eodem anno cessabant: eodemque successu a. 1699 Regi civitas jus suum exposuit, cum aula litteras illas sibi arrogare vellet. Præter passus, etiam aliæ litteræ ex eadem cancellaria sub eodem sigillo prodeunt, quibus navigantibus commerciorum causâ opus est.

*Modus percipiendi portorium, a Rege nunquam mutandus.*

Et generaliter omnem hanc percipiendi portorii rationem, Nos & Successores Nostri, nunquam in posterum mutabimus & innovabimus Mm).

Mm) Quod enim de percipiendo portorio, inter Stephanum & civitatem constitutum, pro lege perpetua haberi debebat,



§. X. ad quam sancte colendam, tum civitas, tum omnes Poloniae Reges, Stephani Successores, obligarentur, ut neque iidem Serenissimi Reges, neque civitas aliquid mutare, aut hæc, ut mutaretur, permittere posset, cui etiam atque etiam curandum, ut portorii administratio penes se illibata maneat, Tractatibus portorii a singulis Regibus confirmatis.

## §. XI.

*Jus civitatis maritimum.*

Volumus etiam, sancimus & promittimus, Nos & Successores Nostros, civitatem in jure maritimo, quæque illi affinia sunt, quæ civitati competunt, perpetuo conservaturos Nn), eamque in rem, nominatim privilegium D. Casimiri Regis & Antecessoris Nostri, datum in eadem civitate Nostra Gedanensi, dominica cantate anno Domini MCCCCLVII. Oo) quod de facultate navigationes ac littora regendi, administrandi, navigationem aperiendi & claudendi, cum Nostro tamen consensu & voluntate, exprimit ac disponit Pp), auctoritate Nostra Regia, pro Nobis & Successoribus Nostri, confirmamus, renovamus, corroboramus ac jubemus & sancimus, ut secundum istius privilegii tenorem, civitas in ejus juris plena ac pacifica possessione & usu, uti hætenus fuit, deinceps etiam, absque aliquo præjudicio vel impedimento

dimento, perpetuis temporibus relinquatur ac conservetur. §. XI.

Nn) Duo sunt in Constitutionibus Karnkovianis capita, alterum de Regalibus, alterum de juramento Præfecti portus maris. Prius simul de Regio maris imperio agit; posterius præcipit, ut Præfectus propugnaculi ad portum, coram Regiis Legatis, Regi, Regno & civitati juret. De priore metus erat, ne ejus explanatione jus civitatis maritimum minueretur, quæ sibi nullum maris dominium arrogaverat, sed iis tantum pro sua incolumitate usæ erat, quæ sibi de jure & ex privilegio ad defensionem littorum, & ad conservanda commercia & liberam navigationem competissent. Declar. Ord. plag. Dd. p. 2. Posterius vero consuetudini adversabatur, qua Præfectus propugnaculi ad portum, soli adhuc civitati juraverat. Non silentio transmittantur hoc suum jus maritimum civitatis Ordines, cum de augendo portorio agerent, sed inter condiciones referebant: „ne juribus & privilegiis super jure maritimo, & possessione portus, fluminis, propugnaculi quidquam derogaretur, sed civitas absque ullo impedimento vel præjudicio, in plena & pacifica possessione & usu, uti hætenus fuit, deinceps etiam permaneret. Respondebatur: „in jure maritimo, ac iis quæ illi affinia sint, quæ legitime civitati competant, Regem benigne civitatem tuiturum; interim tamen ne ipsa quoque plus quam ad eam pertineat, juris sibi usurpet, ab eadem exigere. Displicebat addita exceptio, rogabaturque Rex „ut citata antea Ordinum verba in juris maritimi confirmatione repeterentur, ne jus civitatis, quod a nullo priorum Regum impugnatum, in dubium vocari vel incertum reddi videretur. Denique optabant Ordines: „ut ad mentem privilegii, civitas in hujus juris plena & pacifica possessione & usu, uti hætenus fuit, deinceps absque aliquo præjudicio relinqueretur. His annuens Rex, & quæ privilegium Calimiri continebat, confirmabat, & civitatem in maritimi juris plena & pacifica possessione & usu conservabat.



## §. XI.

Oo) Vocatur hoc privilegium, quod germanice scriptum, Haupt-Privilegium, ac in *Curickii historia Gedanensi* p. 153. & sequ. legitur. Continet illud, præter maritimum, plura alia civitatis jura, ut ex hac ratione merito dicatur Haupt-Privilegium, quæ ex cæterorum privilegiorum caput, aut præcipuum.

Pp) Sunt verba Regis Casimiri germanice: Vorbas so verleyhen Wir und geben . . . . . vollkommene Macht und Gewalt, alle und ighliche Schifffahere, mit allen Stranden des Meeres unser Lande zu Preussen zu regieren und zu bestellen, und zu guberniren, und alle Segelarie zu gebieten und zu verbieten, mit unserm Rathe, Wissen und Willen, oder unsers Anwalden in unserm Abwesen . . . . . Und alle Wasserrechte, Schiffbrochige Güter und Rauffenssage, welchesley die seyn, zu richten, zu entscheiden, und zu enden (enthaltben unser Königlichem Gerechtigkeith, uff solche Schiffbrochige Güter und Rauffenssag, nach Lude und Inholde des Haupt-Privilegii, unsirn Landen Preussen zu Kralam gegeben) und alle Strande und Havenunge des Meers, unsir Herrschafften des Landes zu Preussen, ohne eines jedermanns Einfälle und Verhinderunge, vor alle Seeroberen, Roobern, Dieben und Mißethätern, zu Wasser und zu Strande zu beholden und zu vormessen, und die zu richten. Plura ergo Casimiri privilegium continet, quam ex eo Stephanus repetit. Nam non solam facultatem navigationes ac littora regendi, administrandi, navigationem aperiendi & claudendi, Casimirus Gedanensibus contulit, sed etiam controversias maritimas, de jure maris, de bonis naufragis & mercibus judicandi & dirimendi, tum omnia littora & portus Prussiz, a piratis, latronibus, furibus, aliisque facinorosis custodiendi, hosque damnandi & puniendi. Non tamen ideo Stephanus jus civitatis maritimum imminuit, quia non omnes ejus partes memoravit, cum promiserit: Se & Successores Suos, civitatem in jure maritimo, & iis que illi affinia sint, ac civitati competant, perpetuo conservaturos esse, simul jusserit: „ut secundum Casimiriani Privilegii tenorem, civitas in juris maritimi plena ac pacifica possessione & usu, uti hactenus fuit, relinquatur“. In hoc solo, a Casimiro diversus est Stephanus, quod

## §. XI.

quod Casimirus ad claudendam & aperiendam navigationem, suum & se absente, vicem suam suppletis, seu Burggrabii, consensum exegerit, Stephanus tantum sui consensus & voluntatis meminerit. Clauditur autem navigatio, quando commercia maritima interdicuntur, quæ aperitur, quando commercia permittuntur. Quod ad securitatem maris, littorum & portuum attinet, illam ideo Casimirus Gedanensibus mandaverat, quod navibus, non tantum onerariis, sed etiam in bellum armatis, valebant, ut etiam classem instruere potuerint. Post Stephanum, jus maritimum Gedanensium, Joannes III. in fine decreti sui a. 1678 Gedani lati, confirmavit, cum censeret, nihil in illo innovandum esse, ac privilegiis Casimiri & Stephani inhereret. Augustus III. in sua *Ordinatione Art. 18.* aliquid mutavit, præter Regium, etiam Ordinum civitatis consensum, ad claudendam & aperiendam navigationem exigens: quorum tamen consensu, jam ante hanc Regiam ordinationem, opus fuerat, quando commercia inhibenda & rursus permittenda essent, secus inter Ordines contentiones oriebantur.

## §. XII.

*Bona naufraga & caduca.*

Et quia, quod ad naufragorum Qq) & quæ illis cognata sunt, caducorum rationem attinet, D. Sigismundi etiam privilegium civitati collatum exhibuit Rr), quemadmodum in eo concessum reperimus, ita Nos quoque, præsentibus benigne consentimus, ut si quæ res sive merces, ex quocunque naufragio ad universum ejus civitatis littus pervenerint, quas dispositioni Nostræ & Successorum Nostrorum reservatas esse volumus & re-



§. XII. servamus, illæ ipsæ res, in fideli custodia Burggrabii & totius Magistratus Gedanensis conserventur tam diu, quoad dominus aut hæres earundem rerum aut mercium, ex naufragio provenientium, comparuerit, & illas jure repetiverit. Et dum cognoscetur, quod hujusmodi merces in suo valore durare nequeant, habebit Burggrabius Noster Gedanensis cum ipso Magistratu potestatem, eas vendere, & pecuniam inde provenientem asservare. Casu vero, quo tractu convenienti temporis, nemo compareret, qui hujusmodi jus suum & res suas ad se pertinere possit docere, ex tunc ipse Burggrabius Gedanensis, simul cum Magistratu ibidem, Nos de iisdem rebus informare & certiores reddere tenebitur, ut Nos & Successores Nostri de illis disponere valeamus. Idem per omnia observari debet in bonis caducis, sine legitimis hæredibus post obitum relictis Ss).

Qq) De bonis naufragis, Casimirus in privilegio incorporationis Prussiarum pollicetur: „Se ea nunquam, vel ut sua aut juris sui, petiturum aut requisitum, sed illa absque diminutione per eos, quorum ante naufragium fuissent, aut eorum propinquiores, demonstratione evidenti propinquitatem probaturos, colligenda & in usus beneplacitos convertenda decernit, contrariæ consuetudini aut juri, vel potius corruptelæ, pro Se & Successoribus suis renuntiando, nisi forte nullus bonorum hujusmodi extaret justus hæres & successor, in quo casu bona illa suæ vult potestati subjacere,“. Hoc suum jus in bona & merces naufragas

gas Casimirus in privilegio Gedanensium præcipuo (Haupt-Privilegium) firmavit, ad privilegium incorporationis provocans. §. XII.

Rr) Privilegium hoc Gedanensibus a Sigismundo I. a. 1526 datum, inseruit *Curickius histor. Gedan.* p. 158. & sequ. in quo iisdem verbis leguntur, quæ Stephanus, de bonis naufragis a Burggrabio & Magistratu custodiendis, de potestate vendendi, ne corrumpantur, & asservanda ex venditis pecunia, in *Tractatibus* repetit. Quod tamen postea ita mutatum, ut bona naufraga, non ad Burggrabii totiusque Magistratus custodiam pertineant, sed ad illorum ex Magistratu, qui oræ maritimæ, ad quam naufragium factum, ac bona ejiciuntur, præsent, quod cum fiat, aut ad Neringense aut Helenense littus, Præconsules, qui Neringam aut Helam administrant, bonorum illorum curam agunt, donec dominus, aut cui id a domino mandatum, recipiat. Nunquam enim bona suo domino destituuntur, ut tanquam nullius, post aliquod tempus, a Rege vindicari queant. Pro opera ad servanda bona, eorumque custodia, tertia pars pretii, quo æstimabantur, olim solvi solebat, quod Ordinum decreto a. 1748 mutatum, ut pro opera, non certa merces, sed aliquid ex æquo & bono solvendum sit, sumtibus tamen, si qui facti, seorsum computatis: Et Regis Augusti III. *Ordinatio art. 21.* Magistratui & præcipue Administratoribus Neringæ, interdicit: „participare de bonis naufragorum, & potestatem illa colligendi reservat proprietariis, absque alia diminutione, quam qualem pro adhibitis operis admiserint,“.

Ss) Hoc pariter ex citato privilegio Sigismundi I. repetitum, addiderat tamen Sigismundus „devolui hæc bona ad Regem, ex superioritate sua, quodque eadem, ut bona naufraga, fidei & curæ Burggrabii & totius Magistratus Gedanensis, committat, & dispositioni suæ & Successorum suorum reservari velit,“. Hinc Regi omnia bona obveniebant, quando defunctus, cui nulli legitimi hæres, intestatus moriebatur, si facto testamento, ea, quæ præstitis legatis, supererant, salva tamen legitima, seu quarta bonorum parte, quam minuere testatori non licebat, secus ex legatis



§. XII. gatis supplebatur. Manebant bona in custodia Burggrabii & totius Magistratus, Burggrabio claves & bonorum indicem, seu inventarium, a scriba ejus compositum, asservante, quæ post annum & diem, quod spatium legitimis, si qui essent, hæredibus, ad probandam suam cognationem dabatur, ei tradebantur, cui Rex recipere mandaverat, donec regnante Sigismundo Augusto, Regius *Fiscalis* Gedani institueretur, qui & bona caduca a Magistratu recipiebat, & ne ultra legitimum tempus custodirentur, attendebat. De hoc *Fiscali* questi a. 1576. civitatis Ordines, „quod, „cum cura bonorum naufragorum & caducorum Burggrabio & „Senatui demandata sit, nihilominus superioribus annis *Fiscalis* „se ingesserit, qui jam prætextu caducorum, etiam ecclesiasticis „bonis manum admoveere conaretur, idque eo molestius ferri, „quod, cum *Fiscalis* nec civis sit, nec onera civilia præstet, civi- „libus tamen commerciis utatur, fruatur,„. Sequenti anno, de *Fiscali* querela iterata est: „eum contra privilegium & antiquissi- „mam consuetudinem, bona caduca in judicio civili vindicare, „cum tamen ex privilegio sequatur, bonorum caducorum vindi- „cationem & custodiam, non ad procuratorem fisci, „cujus offi- „cium nuper admodum, in hasteras, novo exemplo introductum „sit, sed ad Burggrabium & Magistratum hujus civitatis specta- „re,„ in quo etiam eos conservari Ordines petebant. Respon- debat Stephanus: „Se curaturum, ne *Fiscalis* metas officii sui ex- „cedat, & Se daturum *Fiscalem*, virum bonum & possessionatum,„: quamvis Ordinum mens fuisset, ut *Fiscalis* nullam sibi potesta- tem in bona caduca arrogaret, sed civitas in usu privilegii & ve- teri consuetudine relinqueretur. *Decl. Ord. plag. Bb. p. 4. pl. Ll. p. 7. 8. pl. Ov. p. 4.* Vladislaus IV. a. 1647. mutuatus a civitate, in annum unum, florenorum triginta millia, si ea anno illo non red- deret, bonorum caducorum plenam administrationem Magistra- tui conferebat, donec, persolutis antea ex illis bonis, Petro Minocio, florenorum triginta sex millibus, civitas mutuam da- tam summam redegisset, *Fiscali* suo ejusque substituto, omnem caducorum administrationem intra hoc tempus interdicens. *J.E. de Linda sicil. in Zalusc. p. 18. & seq.* Neque Minocius neque civitas

civitas suam pecuniam receperat, cum jus Regium in bona caduca finiret, Joanne Casimiro a. 1660. „bona illa in civitate-legiti- „me incidentia, Przconsulibus & Consulibus, non in administra- „tionem duntaxat, sed in fruitionem absolutam ac plenariam, ve- „ramque proprietatem, quæ usui totius communis serviat, „concedente & assignante, & quod in tali administratione atque „fruitione, neque a fisco Regio, neque a quovis alio, ulla ratione „aut modo turbari aut inquietari debeant,„ in verbo Regio, tam pro Se, quam pro Serenissimis Successoribus suis promittente & spon- dente: „ut tamen Petro Minocio ejusque hæredibus, quicquid ex „summa ipsi debita restare posset, successive extraderetur,„. Rex etiam Sibi & Successoribus Suis reservabat bona eorum, qui de crimine læsæ Majestatis in Regem & Regnum Poloniæ commissio, vere ac legitime fuerint convicti, vel si quæ aliæ summæ juri ca- duco, ex causâ sterilitatis obnoxia, quinquaginta millia floreno- rum excederent. Addebat denique Joannes Casimirus, eorum bona pro caducis habenda esse, quæ legitimis Successoribus ad octavum usque gradum computationis civilis carerent, & si quis circa caduci executionem se gravatum sentiret, ut ei liberum es- set, coram judicio ordinario civili jure experiri, salvis ad judi- cium Consulare & porro ad judicia Regia appellationibus. *De Lin- da Poloniarum Respubl. civit. Gedan. equior p. 34. & seq.* Si quæ- stio moveretur, an Joanni Casimiro jure hoc cedere licuerit, af- firmando respondendum esset, cum eadem potestate Joannes Ca- simirus civitati redditus ex bonis caducis donare potuerit, qua Si- gismundus I. Sibi & Successoribus vindicaverat. Neque perti- nebant redditus illi, ad bona mensæ Regiæ, seu œconomica, qui a Regibus minui nequeunt, quare etiam in numero horum bono- rum non leguntur, sed erant quasi privati Regum redditus, de qui- bus quæ vellent, decernere liceret. Erant etiam donationis cau- sæ justæ: „intemeratæ constantiæ & fidelissimæ subjectionis multa „egregia documenta, vera solidaque virtute fracti hostes, in pietatis, „fidei ac fortitudinis inviolabilis atque inconcussæ exemplum, fortu- „næ publicæ & privatæ retundendis hostilibus insultibus & diverten- „dis conatibus fortiter & alacriter impensæ,„: quæ in Regio diplo- mate

§. XII.



§. XII. mate memorantur. Ubi simul Rex ad exempla priorum temporum provocat, quibus bona caduca, aliis quibusdam intra Regnum civitatibus, ad reficiendos muros indulta fuerint. Hæc Joannis Casimiri donatio a Rege Michaelē peculiari diplomate a. 1669. repetita & confirmata, idemque a Joanne III. a. 1678 factum est. Post quos in generali jurium confirmatione etiam jus caducorum confirmari placuit. Translato hoc jure ad civitatem, pro Burggrabio & toto Magistratu, custodia bonorum caducorum soli Senatus Præsidi mandata est, a quo pecunia ex bonis illis, post annum & diem, nullo legitimo hærede interveniente, in civitatis ærarium infertur. Præsidi *Ordinatio Augusti III. art. 52.* jungit aliquot ex tertio ordine „ne tamen ideo peculiaris functio instituat, sed ut hoc negotium alicui ex jam institutis functionibus mandetur,“. Addit explicationem *decretum assessoriale a. 1752:* „ut num bona vere caduca sint, solus Præsides cognoscat, qui si caduca esse declaraverit, cameræ functio ea occupet, & de iis disponat,“. Sed occupat & administrat, ut antea, illa bona solus Præsides, qui pecuniam ex iis, ante finem præsidii sui, una cum rationibus *functioni camera* exhibet.

## §. XIII.

*Ne nova vectigalia civibus Gedanensibus imponantur.*

Ne item nova ulla vectigalia vel exactiones, per Nos vel Successores Nostros, nec terra nec aqua in flumine Vistulæ, civitatis ejus civibus imponantur, temporibus quibuslibet futuris, quemadmodum jam antea præfato Casimiriano privilegio ea de re cautum est Tt), præsentibus hisce ordinamus cavemusque.

Tt) Ne

Tt) Ne portorii auctio, Gedanensium immunitati a vectigalibus officeret, & ad nova vectigalia viam quasi muniret, orabant Ordines: „Ne auctionis hujus occasione, alia nova vectigalia vel exactiones, civibus aut exteris imponerentur, aut intra „aut extra urbem, vel in mari, vel in flumine, vel in portu, privilegiis utique civitatis omni ex parte salvis & illibatis,“. Qui cum crederent, se Regio responso, quo Rex non abnuebat, ut occasione auctionis portorii nulla nova telonia, civibus aut exteris in civitate imponerentur; neque altero, quo Rex civitatis territorium addebant, acquiescere non posse, „apertius sibi caveri, ac se in privilegio D. Calimiri conservari petebant, in quo diserte disponeretur, ne ulla nova vectigalia nec exactiones, sive terra sive aqua „in fluvio Vistulæ, Gedanensibus imponi deberent, temporibus quibuslibet futuris. Parum enim esse, Civitatis saltem territorium „excipi, & alicubi ante ipsas ferme portas, nova vectigalia, in „civitatis maximum præjudicium ac damnum constitui, cum generali Terrarum Prussiæ privilegio, omnia ubique vectigalia iis „in terris excludantur,“. Ex duobus allegatis privilegiis, prius est privilegium Gedanensium præcipuum (*Haupt-Privilegium*) jam supra §. XI. citatum, circa cujus finem leguntur verba: *Nach so wollen Wir die gedumpten unseren, Lieben Getreuen mit solcher Gnade und Gunst belohnen, und in Kraft dieses Briefes vorleghen und geben, daß kein neue Zoll oder Beschwörung auf der Weiffel, noch uf dem Lande, in allen zukommenden Zeiten gemacht, und uf sie geleset soll werden, als der Hauptbrief und die Handveste zu Crakaw, Landen und Städten unser Lande Preussen vorleghen und gegeben, inne hält und ausdrückt. Curicke hist. Gedan. p. 155. 156.* Posterius privilegium, est idem, quod in privilegio Gedanensium generali vocatur *Handveste zu Crakaw verliehen*, neque aliud quam quod *privilegium incorporationis* alias appellatur, quodque omnia vectigalia in Prussia, ut notum est, perpetuis temporibus interdicat. Vectigal enim a. 1567, Vladislavia ex Polonia, in Prussiam Graudentum translatus, & alia ad album montem a. 1578, in ponte Mariaburgensi & in vico Lubeschau inter Dirschaviam & Gedanum 1581, tum alibi instituta & exacta, quamvis urgentibus Prussiæ

§. XIII.



§. XIII. Ordinibus sublata, ut *Hist. Pruss. II. 336, 362. III. 281, 470. 376, 419. 381, 396. 412, 419.* memorat, incitabant Gedanenses, ut in *Tractatibus Portorii*, futura vectigalia exactionesque omnes a suis civibus averterent, quod Rex ita probabat, ut, ne Gedanensibus nova vectigalia vel exactiones, temporibus quibuscumque futuris, vel terra vel aqua in flumine Vistulæ imponerentur, ordinaret & caveret, quemadmodum in privilegio Casimiriano cautum esset.

#### §. XIV.

*Gedanensibus auxilium promittitur, si ob auctum portorium lis moveretur.*

Tandem etiam, si forte contingat, ut auctoris hujus occasione, quispiam civitati negotium faceret, muneri Nostro Regio, quod in defendendis indemnibusque præstandis subditis Nostri versari intelligimus, minime Nos Successoresve Nostros defuturos promittimus Uu).

Uu) Antequam in auctorem portorii consentirent Ordines, exponebant Regi: „habere civitatem pro se & conjunctim cum Prussiarum civitatibus, in exteris Regnis, provinciis & civitatibus, certas libertates, immunitates & privilegia, in vectigalibus, teloneis & impositionibus, quo commodius & facilius commercia tractentur & navigationis usus conservetur: Ex his commerciis civitatem crevisse, & iisdem etiam nunc utcumque consistere. Has vero immunitates & privilegia, certis pactis circumscripta esse, nimirum ut in hac civitate & in Prussiarum terris, illorum Regum, Principum & civitatum subditi, nullo novo exactionis genere onerentur. Cum his majorum & progenitorum privi-

#### §. XIV.

„privilegiis, civitatem ad Regnum accessisse, eaque Serenissimos Reges non minus ac illa, quæ ipsorum liberalitate indulta essent, sancte semper observasse, ut alibi nimirum subditi liberiori fortuna uterentur. Ante paucos etiam annos, in Daniæ Regno pro liberatione navium & mercium, pactum istud denuo renovatum & publicis litteris consignatum esse. Jam si portorium vel uno amplius nummo augeatur, neminem non intelligere, præberi causam, exteris, ut & privilegia ac immunitates Gedanensium rescindant, & eos multo majoribus quam antea exactionibus onerent, unde necessum esse, & commerciis eos omnibus excludi, & civitatem non diu post plane pessum ire. Solere etiam Regis opera & intercessionem implorari, quoties subditi alibi, contra libertates & morem usitatum graventur. Quod si Gedani auctore portorii qualibet, contra morem antiquitus receptum, exteri onerabuntur, eo ipso opem & intercessionem Regis ad externos Principes implorandi viam interclusum iri. Nec enim ab illis jure exigere posse, quod illis vicissim non præstetur. Deinde eam esse ferme mercatorum conditionem, ut libertates commerciorum sectentur, onera quantum possint defugiant. Cum vero Rex ab auctore portorii nullo modo averti posset, petebant Ipsum Ordines, ut si occasione hujus auctoris vel prætextu, quispiam cujuscunque conditionis, civitati molestiam exhibuerit, vel damnum dederit, Rex pro officio suo Regio subditos suos, ut æquum esset, defenderet, & ab aliorum injuriis indemnes præstaret. Rex, qui arbitrabatur: „neminem aut tam iniquum aut tam curiosum fore, qui vel tam justum necessariumque, nec novi exempli institutum improbaturus, aut quid in aliena Republica fiat ad se pertinere existimaturus sit, si quis tamen existerit, muneri suo, quod in defendendis subditis suis versari intelligeret, se non defuturum promittebat. Quod cum civitatis menti consentaneum esset, Rex in Tractatibus recipiebat, se & Successores suos, Gedanenses & indemnes præstituros & defensuros esse. Neutrum tamen a Regibus fieri potest, cum classibus destuantur, quibus opus, si a transmarinis Nationibus Gedanenses tuendi essent: a quibus non aliud damnum metuendum erat, quam



§. XV. ne aucto portorio, etiam vectigalia in naves & merces Gedanensium augerentur, quod illis eodem jure licebat, quo Stephanus, consensu civitatis accedente, portorium augeri posse crediderat: & cum aucto portorio, Gedanensibus nova exactio, titulo *Lastgeld* in Dania imponeretur, ejus nota Dd) ad § VI. mentio facta, ferendam erat novum onus, neque ut eo liberaretur civitas, a Regibus aliquid tentatum legimus.

## §. XV.

*Ea, quæ civitatem gravarent, tollenda esse.*

Deinde, quia nonnulla a civitate proposita fuerunt, quibus cum gravari se existimaret, ut ea auctoritate Nostra, vel aboleremus, vel ad æquitatis aliquam rationem reduceremus, humillime supplicaverat Xx), ea Consiliariorum Nostrorum consilio & sententia adhibita, hoc omnino modo atque ratione definienda existimavimus, quemadmodum & præsentibus definimus ordinamusque.

Xx) Finita priore Tractatum parte, quæ agit de portorio, sequitur posterior; civitatis *gravamina* & Regis ad ea declarationem continens. Orta illa Sigismundo Augusto regnante, quæ tolli in placationis formula petebantur, & a civitatis internuntiis a. 1570 Regi exhibebantur; Cujus nomine respondebatur: „Cum scripto porrecta gravamina talia sint, quæ partim ad declarationem gratiam Majestatis Regiæ, partim ad judicialia decreta Majestatis Ejus spectent, in iis suo tempore, civitati Majestatem Regiam sententiam & animum suum declaraturam, nilque facturam esse, quod vel juri, vel causæ alicujus præjudicium afferre possit. Nihil enim magis cordi esse Majestati Regiæ, quam  
ut

„ut jure subditis imperet, eorum utilitates promoveat, gravamina tollat,„ *De jure provinciali Pruss. plag. R. p. 6.* Sed Rex moriebatur, antequam publicis vulneribus medelam adhibuisset, quare in responso ad legationem Regis Stephani a. 1576. Ordines querebantur: „præter publica Prussiarum, privata civitatis gravamina longe maxima, superioribus annis in tantum excrevisse, ut nullus sit alius, vel Regni Poloniæ vel Prussiarum Status, qui justiores habeat causas, ea de re gravissime conquerendi: eoque magis, quod isthæc gravamina non solum ad frequentissimas Ordinum preces, ne minimo quidem ad meliorem conditionem redacta, sed etiam insuper de die in diem, quo diutius eo gravius, accumulata fuerint,„ *Declar. Ordin. plag. K. p. 2.* Sequenti anno, Regi horum gravaminum index, ut tollerentur, exhibebatur, *Decl. Ord. pl. Ff* & cum civitas in tractationem de portorio ingredi decrevisset, cæteris conditionibus hanc addebant: „ut gravamina jam antea per civitatis Internuntios proposita, & si quæ interim irreperierint, re ipsa & de facto abrogarentur, & in primis delineatio quædam proponeretur, quinam modus futurus esset, ea gravamina, pro ipsorum conditione vel abolendi vel moderandi,„ Denique Rex in Tractatum præfatione, inter condiciones, quibus in portorii auctionem Ordines consenserint, primo loco ponit „ut gravamina nominatim proposita tollantur, & aboleantur,„

## §. XVI.

*Commissio Karnkowianna, ejus constitutiones, formula placationis & libelli famosi Fridwaldi abolentur. Jus vero Regium mittendi Commissarios, certis limitibus circumscribitur.*

Et primo quidem, quod ad Commissionis Yy) a D. Sigismundo Augusto eam in civitatem missæ Zz)

§. XV.



§. XVI. *fæ* Zz) negotia attinet, etsi sciamus, gravissimis de causis A3) D. Decessorem Nostrum adductum, Commissarios suos B3) in eam civitatem designasse, quia tamen magna temporum perturbatio C3), varietasque consecuta fuit, eaque quæ Commissionis ejus auctoritate sancita promulgataque fuerant, nunquam adhuc ad effectum deducta sunt D3), placationis etiam formulam E3) D. Decessori Nostro civitas ita obtulerit, ut a Commissione illa ejusque omnibus gravaminibus benignissime liberari petiverit, eaque placatio a D. Decessore Nostro, Sigismundo Augusto, ita accepta fuerit, Nos tota isthac causa diligenter examinata & perpensa, volumus ne quid in posterum de ea quæstionis vel controversiæ relinquatur, sed ut civitas in jure & statu suo, quo antea fuerat, deinceps etiam permaneat, nec vel istarum actionum & constitutionum commissorialium prætextu, quicquam de statu civitatis immutetur, ac proinde pro Nobis & Successoribus nostris civitatem Nostram Gedanensem, & omnes ejus Ordines ac cives, realiter & effectualiter ab isthac tota Commissione & omnibus ejus attinentiis ac gravaminibus clementissime relevamus & liberamus F3), constituentes ac decernentes auctoritate Nostra Regia, ne quid illorum, quæ in civitatis præjudicium, contumeliam ac

ac damnum G3) acta, gesta, constituta sunt, §. XVI. quorum etiam numero famosos libellos Fridewaldi H3) & quorumvis aliorum, comprehendimus & cassamus, ullo unquam tempore, nec Magistratus, nec civium honori, existimationi & fidei, civitatis item juribus, privilegiis, libertatibus & probatis consuetudinibus, quoquo modo obesse, nocere, derogare vel præjudicare possit vel debeat I3): Ita tamen, ut & pertinere interim ad Nos agnoscamus, quoties publicæ utilitatis, aut ipsius civitatis ratio id postulaverit, Commissarios Nostros ad civitatem mittendi arbitrium, neque in hoc jure, quod legitimum & indubitatum Divi Decessores Nostri habuerunt, quoque jam inde ab initio usi sunt, Nostræ Successorumve Nostrorum auctoritati, ulla re derogatum velimus L3). Commissarii autem, si quos forte Nos Successoresve Nostri mittendos existimaverint, ea cum potestate mittentur, ut secundum juris communis permissionem, a delegatis ad Principem referendi jus potestatemque gravari se existimantibus concedant, iique ad Nos appellare possint M3), Quem post Deum immortalem, unicum in terris Dominum agnoscunt N3).

Vy). Est hæc memorabilis illa Commissio Karnkoviana, a Stanislaſo Karnkovio, Cujaviensi Episcopo, qui Commissionis caput erat, hoc cognomine appellata, *Casp. Schützii de Com-*



§. XVI. *Commissione, & Curicke in historia civitatis Gedanensis p. 257. & seq. descriperunt, ac in Hist. Pruss. II. 367, 368, 398, 399. memorantur. Hanc Commissionem, Ordines in Responso ad legationem Stephani a. 1576, infelicem vocant, „quæ cum summa civitatis „infamia, publicæ fidei noxa & fortunarum detrimento, præteri- „tis annis usurpata fuerit, qua civitas, non solum, concitatis tri- „bubus & contuberniis, extremum pene discrimen, ex magi- „stratu nonnulli, citra culpam, existimationis, honoris, bonorum „ac vitæ periculum adierint, verum etiam publicæ libertates, ju- „ra, privilegia, proventus, bona terrestria adeo impugnata, im- „minuta & labefactata sint, ut hoc pacto nihil pene, quod ad „universæ civitatis perniciem agi potuisset, prætermisum videre- „tur. Atque in iisdem actionibus, eosdem & accusatores & ju- „dices sedisse, vix usquam gentium, ubi legibus vivatur, com- „probatum esse,„ Decl. Ord. pl. K. p. 2. Merito igitur Commissio illa inter gravamina primo loco ponitur.*

Zz) Missa Commissio 1568, sed intra urbem non recepta, proximo anno rediens, prima Decembris civitatem ingrediebatur & sequenti anno abibat.

A3) Delatus enim Senatus, male & in civium perniciem regimen exercere; sibi invisos judiciis vexare & opprimere; publicos redditus in privatos usus intercipere; omnia paucorum arbitrio fieri; contuberniorum, aliorumque collegiorum privilegia violari. Quibus tamen Stephanus fidem non adhibuisse videtur, tota illa Commissione abrogata, & quæ adversus eam ab omnibus Ordinibus acta, satis probant, Senatum falso incusatum esse.

B3) Fuerant cum nominato antea Episcopo Cujaviensi Karnkovio, Jo. Sierakowski, Palat. Lancientis, Jo. Kostka Gedanensis, Nic. Firley Wislicensis, & Stan. Wysoczki Biechovienis Castellani, omnes non indigenæ ac jurium Gedanensium ignari, præter unum Kostkam, qui Prussus, sed apertus civitatis hostis erat. His additi Secretarii & Juris Doctores, Calparus Gesch-  
kau

kau Abbas Olivenfis, Petr. Royfius Maureus Hispanus, Archy-  
presbyter Vilnensis & Laur. Gosliczki Canon. Vladislaviensis, inter quos, Abbas Olivenfis inimico in Gedanenses animo erat, quique bracteatores & laniones, in Senatum concitaverat, contumaci-  
bus quibuscunque, consiliis & opera obviis & promptus, ut intestinas dissensiones aleret. Publici accusatoris, Instigatorem vocant, partes, Fridewaldus susceperat, quem ut hominem nequissimum, loquacem & impudentissimum, illorum temporum monumenta memorant.

C3) Commissio enim præcipua turbarum causa existit, cum civitas detrectaret, Regi Stephano se submittere, nisi Commissione ac iis, quæ a Commissione acta, abrogatis, Rex vero totum hoc negotium ad comitia rejiceret. Tum civitas pro juribus suis, obsidionem & alia quæ bello fieri solent, fortiter sustinuit.

D3) Intelliguntur constitutiones, quibus ut toti Commissioni, a Karnkovio nomen, quasque ipse Karnkovius, in *jure suo provinciali Terrarum Pruss. pl. J. Q.* primus edidit. Hunc Januszovius in suis statutis p. 948. & seq. & nostra ætate Reverendi Patres piarum scholarum Variavienses secuti, qui in nova Constitutionum editione, T. II. p. 590. & sequ. Karnkovianas constitutiones recudi curarunt, cum inter Constitutiones Regni locum adhuc non habuissent. Scriptæ hæ constitutiones a Commissariis contra datam fidem, qui accepta placationis formula, promiserant, se precibus suis, ut abrogentur gravamina, Regis animum flexuros, quæ jam ipsi suis constitutionibus augebant admodum, cum illæ civitatis juribus, privilegiis & consuetudinibus multum adversarentur, neque salvo privilegio Casimiriano *de legibus & pecuniis subsidiariis*, admitti possent. Quare Commissarios Ordines civitatis rogabant, ne suas constitutiones promulgarent, quod cum abnuerent, exhibita, ut loquimur, protestatione, Ordines modo sollemni contradicebant, quo facto, constitutiones a Commissariis publicabantur. Missi deinde ad Regem civitatis inter-



§. XVI. nuntii, frustra adversus constitutiones laborarunt, hoc relato responso: „Sacram Regiam Majestatem, constitutiones a Commissariis latas & promulgatas, in eoque conventu Regni aliquantulum, ne quod civitatis juribus & privilegiis præjudicium adferre possent, correctas, quod videat civitati Gedanensi fore valde utiles & necessarias, ex Senatus consilio omniumque Ordinum Regni consensu, cum earum omnibus clausulis & punctis confirmare, approbare, roborare, perpetuoque firmitatis robore donare, ac eas ab omnibus civibus Gedanensibus servari, probari, tenerique mandare & præcipere,„ *Karnk. Jur. provinc. plag. Q. p. 7/* Hæc publice internuntiis Regis nomine dicta, quibus Rex privatim promittebat: „Se constitutiones illas correcturum, si civitas privilegiis suis demonstraverit, eas juribus suis adversari,„ *Hist. Pruss. II. 403.* Post internuntiorum reditum, veniebant die 30 Septembris ejusdem anni 1570 Gedanum Regii Commissarii, Palatinus Brestensis Jo. Szluzevius, Castellanus Gedanensis Jo. Kostka, & Abbas Olivenfis Casp. Geschkau, ad efficiendum, ut novæ constitutiones, legum instar ab omnibus colerentur, ac civitatis regimen ad earum normam ordinaretur. Cum autem civitas negaret, posse constitutiones salvis antiquis juribus, legum auctoritatem obtinere, regimenque aliter ordinari, nisi præsentis sublato, Commissarii post aliquot mensium moram, sequenti anno, infecto cujus causa missi fuerant negotio, abibant. *Hist. Pruss. II. 404.* Neque postea ulla constitutionum habita fuit ratio, ut recte Stephanus dixerit: „ea quæ commissionis ejus auctoritate sancita promulgataque fuerint, nunquam adhuc ad effectum deducta esse,„

E 3) De placationis formula, nota X) ad §. III. actum, in quo ipso §. formula illa plane abolita est.

F 3) Commissionis & constitutionum Karnkovianarum, quæ ad attinentias & gravamina commissionis merito referuntur, abolitionem, Gedanenses a Sigismundo Augusto impetrare non potuerant, licet in placationis formula, augendi portorii dimidium

§. XVI. dium & centum florenorum millia obtulissent. Redibant ad eadem preces, antequam in verba Stephani jurarent, qui cum totum illud negotium ad comitia rejiceret, respondebant civitatis Ordines, & primum de commissione: „Si Majestas Regia clementius totius illius causæ statum & seriem perpendere dignata fuerit, nihil Ordines dubitare, quin Ipsamet pro singulari Sua æquanimitate ad stipulaturam sit, nulla ad comitia Regni rejectione opus esse. Quorsum enim attineret, jura, privilegia, libertates & consuetudines, supra hominum memoriam, sine aliqua interpellatione habuisse, si, quoties hominibus, eam fortunam atque felicitatem civitati invidentibus, visum, simul etiam fas sit, ea omnia infringere, immutare & statum civitatis omnino evertere, ac postea comitiorum decreta, quorum promulgationi nunquam interfueris, contra quæ solenniter semper potestatus sis, obtendere, atque ita ea quæ majorum fortunis ac sanguine parta sint, eripere, ut nulla unquam recuperandi spes reliqua esse videri possit, adque eorum confirmationem Principem, rerum illarum omnium ignarum, totius provincie malo impelleretur. Hæc ut Serenissima Regia Majestas Secum reputaret, ab initio summa animorum submissione Ordines rogasse, verum cum ab omni tractatione & colloquio exclusi fuerint, nihil amplius proficere potuisse, quam quod ad eosdem judices, a quibus semel appellassent, coram quibus solenniter protestati essent, rejecti iterum fuerint. Quod vero cum juris ratio non ferat, se Majestatem etiam Regiam obsecrare & obtestari, ut tandem clementissimam sui rationem habere, & commissionis illud negotium, in quo multa contra publicas libertates, privilegia & receptas consuetudines facta sint, benignissime ex augustissimæ potestatis plenitudine abrogare dignaretur, præsertim cum ipsi Domini Commissarii, Ordinibus Civitatis, ut eos tum excluderent, ansem multis nominibus præbuerint,„ De constitutionibus deinde sic mentem suam explicant Ordines: „Dominorum Commissariorum constitutiones, se reclamantibus & legitime protestantibus editas, propterea recipere se non posse, quod non solum adversus morem civitatis in maximum præjudicium ju-



§. XVI. „rium, privilegiorum, jurisdictionis, libertatum ac consuetudinum publicarum, non accedente consensu illorum, quorum intererat, Magistratus & communis, fuissent promulgata, verum etiam, quod in iis publica civitatis fides, cum summa Magistratus & Ordinum ignominia non obscure notetur & traducatur, quo nihil, propter fidelissime sæpe præstita, & in posterum præstanda merita, accidere potuerit vel indignius, vel ad posterorum memoriam acerbius: tantum abesse, ut istæ constitutiones ad retinendam vel stabiliendam civitatis incolumitatem, concordiam & tranquillitatem aliquid roboris adferre possint. Idcirco iterum ac iterum supplicabant, „dignaretur Serenissima Regia Majestas, abrogatis jam plane illis constitutionibus, suæ civitatis civium & incolarum clementissimam rationem habere, neque permittere, ut iis juribus, privilegiis, moribus ac consuetudinibus, cum quibus majores ad inclytum Poloniæ Regnum sponte accesserint, contrarium quidpiam unquam statueretur, vel ut hic articulus, qui privilegiis suis, propter condendorum plebiscitorum & legum libertatem, plane adversetur, ad Regni comitia absque ulla legitima causa rejiceretur. „*Declar. Ord. plag. Kk p. 4. 7.* Instituta de portorio colloquiis, Commissio, Commissionisque constitutiones, nec non placationis formula, inter prima erant, quorum abolitionem extra Regni comitia, sola Regis auctoritate, civitas urgebat, quia nolebat cum Regni Senatoribus in disceptationem ingredi, quoniam de his rebus longe aliter sentirent, quam gesta, tractata conventaque essent. Rex qui civitatis precibus non adversus erat, volebat primo quoque tempore, cum solis Senatoribus de iis communicare, antequam ipse aliquid decerneret; verum civitas instando effecit, ut Rex, ex consilio Supremi Regni Cancellarii, de commissione, ejus constitutionibus & placationis formula, ita statueret, ut in Tractatibus legitur. De quibus jam confectis, cum Rex ad Regni Senatum referret, nominatim Commissionis mentionem faciebat, scilicet, toti Regno maxime conducere, si ea, omnium quæ secuta dissensionum fons, plane aboleretur. „*Hist. Pruss. III. 454.* Jam a. 1572 de Episcopo Cujaviensi Karnkovio, Commissionis princi-

principe, coram Prussæ Consiliariis perhibebatur testimonium, §. XVI. ipsum quidem, commissionem ex publico commodo peractam esse credidisse, nunc vero sentire aliter, & fateri suum errorem, in quem inductus esset ab aliis. „*Hist. Pruss. III. 25.*

G3) Junguntur præjudicium, contumelia, damnum ex commissione & ejus attinentiis. Faciebant enim præjudicium commissio ejusque constitutiones, juribus, privilegiis & consuetudinibus civitatis, quod ex proxime præcedenti nota intelligitur. Nec minus contumeliam attulerat commissio, cum cives in Magistratum & reliquos Ordines incitarentur, audirentur, & illis jus diceretur, ac per constitutiones in regimine multa novarentur, quasi a magistratu male administrato. Insignis & publica poterat dici contumelia, cum omnium Ordinum internuntii, comitiorum tempore a. 1570, procumbentes coram Rege in genua, supplices culpæ veniam precarentur, cujus civitas innoeens erat. Ut taceatur ex famosis libellis contumelia, data calumniatoribus licentia, famam cujus vellent, sive ex optimatibus, sive civibus, lacerandi. Denique damnosa fuit commissio, quia non sine magnis civitatis sumptibus peracta, ut omnes commissiones iis, in quos dantur, sumtuosæ sunt, quare libenter suscipi solent. Neque legationes, commissionis illius causa ad Regem missæ, sine magnis sumptibus obiri poterant, qui centum florenorum millibus aucti fuissent, si Sigismundus Augustus commissionem ejusque constitutiones abolevisset. Hæc & alia mala, imo civitatis obsidio ac bellum intestinum, ex commissione provenerunt, nullo publice fructu.

H3) Michael Fridewaldus Elbingensis, patriæ suæ dedecus & opprobrium, imo pestis & perniciēs, qui cum Senatorium honorem Elbingæ ambiens repulsam tulisset, hanc quasi injuriam ulturus, cives in Magistratum concitavit, ac ideo ex urbe exulare jussus, in aulam se recepit, ubi illis gratus, qui in Elbingenses & Gedanenses commissionem meditabantur, a quibus etiam Regi commendatus, securitatis litteras, seu saluum conductum, facile



§. XVI. facile obtinebat: quo instructus, Elbingam ante Commissarios redux, eorum adventum publice affixis litteris denuntiabat. Coram his, delectus publicus accusator, vulgo Instigator, Elbingenses, Majestatis, perduellionis & aliorum criminum, simul Gedanenses & eorum Praeconsulem illo anno Regium Burggrabium, Clefeldum, absentes quamvis, reos agebat. Finita Elbingae commissione, Commissarios Gedanum, & cum intra civitatem non admitterentur, Lublinum comitabatur, ubi tempore comitiorum munia publici accusatoris implens, priora in Elbingenses, Gedanenses horumque Praeconsulem Clefeldum crimina, novis etiam Gedanensium aucta, repetebat. Decreta in Gedanenses iterum commissione, cum Commissariis in hanc urbem veniebat, qui statim ab Ordinibus rogabantur, ut Fridewaldum omnibus bonis invisum dimitterent, nec deerant, qui minarentur, praecipitem datum iri ex fenestra curiae, si compareret. Hinc rarus in publico, sed plerumque latitans, Commissariis & civibus, quibus aliena a Magistratu mens, consilio & opera aderat. Antea Cracoviae typis ediderat libellum de criminibus, quorum Elbingenses & Gedanenses accusaverat, de quo in placationis formula civitatis Ordines: „Non solum Magistratum sed omnes incolae summo moerore condoluisse, famam, nomen & omnem existimationem civitatis publicam, isto tam immaturo & contumelioso libello Fridewaldi, per totum Christianum orbem traduci, Ordinesque existimare, id maxime ad Ipsius etiam Majestatis Regiae & totius Regni decus & dignitatem pertinere, civitatis & civium famam & fidem ubique salvam & inviolatam esse, ideo S. Regiae Majestati quam subjectissime supplicare, vellet & Majestas Regia, ex omnimoda Regia auctoritate, per publicum decretum aliisque remediis, ad abolendum abrogandumque libellum idoneis, fidelium subditorum rationibus elementissime consulere & subvenire. - - - Tanto alacriores cunctos civitatis incolae ad quaevis humillime obeunda obsequia redditum iri, quanto in famosum auctorem meritis & legibus constitutae poenae acrius extenderentur, Declar. Ord. pl. Nn p. 2. Ad quae Rex civitatis internuntius a. 1570. per Regni Procancellarium respon-

spondebat: „Sacram Regiam Majestatem juste sibi faciendum putasse, ut civitatem rebellionis fideique nota suspectam, auctoritate Sua, testimonioque Regali hac suspicione liberaret, publiceque declararet, civitatem Gedanensem fuisse semper & esse nunc etiam Regiae Majestati fidelissimam, nihilque unquam in Regiam Majestatem commississe, quod ejus honori, famae, dignitati obesse, vel juste eidem obijci posset. Proinde librum Nobilis Michaelis Fridewaldi, Majestatis Regiae Instigatoris, quo publice edito civitatis honorem & famam non solum traductam, sed & graviter laesam esse, civitas queratur, tolli & abrogari mandaturam, ita, ut ea omnia, quae ab eo contra civitatem dicta scriptaque fuerint, famae & honori ipsius nullo unquam tempore obesse possint vel debeant, Karukov. de jure provinc. plag. R. p. 5. Non tamen Fridewaldi impudentia & calumniandi libido effrenata coercerentur, prodeuntibus novis libellis, quorum vel ipse, vel alii ejus impunitate incitati, auctores erant, Ordinibus a. 1576. ad iniquitatem illorum temporum referentibus, cum universae civitatis, tum Magistratus & Ordinum famam, honorem & existimationem, famosis libellis clam & palam proscindi, ac ejusmodi diffamatores in civitatis invidiam publice etiam alii, foveri & sustentari: quod cum sequenti anno Stephano exponeretur, respondebatur: „famosos libellos Majestatem Regiam cassare, eosque palam & etiam prohibitorum, delinquentes juxta statuta Regni puniri mandaturam, Quare Ordines Regi maximas gratias agebant, & demississimis verbis rogabant, ut libellorum auctores juxta jura, constitutiones & Terrarum Prussiae consuetudinem Rex punire mandaret. Decl. Ord. pl. Aa. p. 7. pl. Ff p. 6 plag. Rr. p. 3. Manebat de Fridewaldo & famosis libellis querela ad tractationem de portorio, recipiebatque Supremus Regni Cancellarius, cum Fridewaldus a scribendis libellis nondum cessaret, rem hanc ad Regem relaturum, ut isti nebuloni, erant Cancellarii verba, capistrum injiciatur. Quo facto, declarabat Rex: „Fridewaldi obtreptiones & famosos libellos, quibus laesi se civitas queratur, ad curam tuam se revocaturum, mandataque, quibus, ne hujusmodi libelli in contumeliam civitatis vel alterius cujuscunque

§. XVI.



§. XVI. „spargantur, poena proposita edi iussurum.“ Deinde petebat civitas: ut Fridewaldi ejusque libellorum in Tractatibus mentio fieret, quod indignum credebatur Cancellarius, publici calumniatoris in Tractatibus meminisse, internuntii vero, id ideo necesse credebant, ut nequam ille eo fortius compesceretur, qui non veritus, superioribus diebus, in ipsorum hospitium novum libellum mittere. Tandem placuit, Fridewaldum Tractatibus inferre, & non ejus tantum, sed simul ab aliis compositorum libellorum famosorum mentionem fieri.

I 3) Sic Stephanus Commissionem Karnkovianam, ejus constitutiones, formulam placationis, Fridewaldi aliorumque famosos libellos plane abolet; Magistratus & civium honorem, estimationem, fidem, civitatis jura, privilegia, libertates, consuetudines probatas tuetur; & dum juribus probatas consuetudines jungit, fatetur, has non minorem, quam ipsa jura habere auctoritatem, cum sint jura non scripta, longo usu & Regum consensu probata, qui in jurium confirmationibus simul consuetudinum mentionem faciunt. Contra has pariter, a Commissariis multa erant acta, ac suis constitutionibus inserta, ut eum haec abrogarentur, simul integritati consuetudinum prospici debuerit. Quo suo exemplo Stephanus docuit, posse Successorem tollere, si quae a Decessore contra jura & consuetudines sancita sint, qui etiam per confirmationem jurium obligatur.

L 3) Cum nollet Rex, civitatem ex iis, quae olim a Commissariis sancita, obligari, imo totam commissionem & omnia ab illa acta irrita declararet, quod ex prioribus constat, addebat conditionem: ne id suo Successorumque Suorum juri Commissarios mittendi officeret. Respondebat civitas: non suam esse mentem, ut in hoc juri Regio derogaretur, quod intactum mallet, sed modo se optare, ut conditio illa in Tractatibus omittatur, quae si tamen omnino inseri debeat, petere, ut Commissariorum potestas circumscribatur: in quo Rex civitatis precibus annuit, ut sequentia docent. Quod ad jus mittendi Commissarios, vocat Stephanus jus Decessorum Suorum

rum legitimum & indubitatum, & quo illi jam inde ab initio usi sint. §. XVI. Sed non invenimus, Casimirum, qui ex Regibus primus Prussiae imperavit, in Prussia, aut ad Gedanenses sigillatim, Commissarios misisse, qui in publicas dissensiones inquirerent, eas componerent, ac novas leges ferrent, aut sibi hoc jus servasse, cum Prussos sub suam ditionem reciperet, qui contra in privilegio incorporationis promissit: *Se causas notabiles Prussiae Terras concernentes, cum communi Consiliariorum spiritualium & secularium, nobilium & civitatum majorum consilio terrarum praedictarum, tractaturum, terminaturum & definiturum esse.* Neque Joannis Alberti & Alexandri, Casimiri Successorum, Commissarii occurrunt, nisi quod sub Alexandro commissiones decretz, cum de possessionibus earumque finibus controversiae essent. In Statutis Sigismundi I. pro Gedanensibus a. 1526 §. *providere volentes*, Commissariorum fit mentio, quos Rex ejusque Successores, si Magistratus communitati de male administrandis proventibus suspectus, & necessitas id postulare visa fuerit, designaturi essent, coram quibus & non aliis, Magistratus rationem de proventibus redderet. *Constit. Regni edit. nov. T. I. p. 461.* Circa finem vero eorundem Statutorum §. *postremo*, jubentur cives, si habuerint de Consulatu aut Episcopi Officiali querendi causam, coram Rege ejusque Successoribus, eam mediante jure deponere & justitiam quarere; nulla mittendorum Commissariorum facta mentione. Regnante eodem Sigismundo I. querebatur Nobilitas, quod per Commissarios ordinaria juris via praecluderetur, & iudices terrestres decreta ferre impedirentur. Quare in constitutionibus Terrarum Prussiae, §. *ut autem temerarie*, Rex promissit: „Se Commissarios seu iudices delegatos non deputaturum, in causis ad iudicium terrestre spectantibus, & minus in eo jam pendentibus, nisi per appellationem ordinariam, a sententia definitiva seu interlocutoria jam lata; ad tribunal Regium devolutae fuerint, exceptis causis limitum bonorum Regalium & divisione fratrum & proximorum.“ *Constit. R. edit. nov. T. I. p. 542.* Anno 1537 Sigismundus I. tres Regni Senatores, Commissarios in conventum Thorunensem misit, ut cum Prussiae Consiliariis dissensiones inter Nobilitatem & civi-



§. XVI. civitates componerent, coram quibus etiam disceptatum est. Cum autem in eodem conventu, Consilarii citatas constitutiones Prussicas retractarent, ut a Nobilitate & Civitatibus probarentur, factum id, Commissariis non adhibitis, coram quibus, cum retractatæ jam essent, recitabantur. *Hist. Pruss. I. 183. 186. 188.* Sub Rege Sigismundo Augusto agre ferebat equestris ordo, in terrestrium judiciorum injuriam commissiones decerni, & per eas, multos causâ, quamvis justa esset, cadere. *Hist. Pruss. II. 42. 193.* Gedanenses, adversus commissionem in se decretam, privilegia Prussicæ, per quæ ad seditiones & alias dissensiones componendas, provincie Consilarii adhibendi, ac constitutiones Prussicæ, de causis propter quas Commissarii dandi essent, allegabant: & Rex, cum de non admissis a Gedanensibus Commissariis Suis ad Prussicæ Ordines referret, fatebatur, causam hanc ad causas provincie notabiles pertinere, de qua Consiliarios in proximis Regni comitiis consulere vellet: quibus, postquam Regi Casimiri privilegium in memoriam revocassent, non solum in hac, sed in omnibus aliis causis notabilibus, promptum suum consilium offerentibus, Rex nihilominus satius duxit, iterum Commissarios suos, inter quos unus Prussicæ Consiliarius erat, sed jurium Provincie contemtor & civitati infestus, ad Gedanenses mittere, quam causam illam cum Consiliariis tractare & terminare. *Hist. Pruss. II. 367. 370. 374.* Interregno post Sigismundum Augustum, Consilarii Prussicæ commissiones inter ea referebant, quæ cum juribus, privilegiis & consuetudinibus pugnarent, decernentes, ut in omnibus causis, negotiis & rebus etiam Regiis cessarent, omniaque aut ordinario Prussicæ judicio subicerentur, aut tantum Prussicæ Consilariis committerentur. *Hist. Pr. III. in doc. p. 17.* Stephanus, media quasi via incedere volens, neque promiscue omnes commissiones vetabat, neque omnes admitti jubebat, sed eas tantum, quas publicæ utilitatis aut ipsius civitatis ratio postulasset: ut ergo aut universi Regni, aut provincie Prussicæ, aut solius civitatis utilitas, commissionis causa esse deberet, non alia quæcunque, & si alia fuerit, jam civitati liceret, auctoritate tractatum portorii, commissionem recusare. Venerunt a. 1663 & 1667 Commissarii Geda-

Gedanum, non ob publicæ utilitatis & civitatis rationem, sed ut in quædam civitatis jura inquirerent, & adversus ea decernerent, verum ne quidem auditi, re omni infecta abierunt. Minus erat ferendum, cum Varsoviæ in consilio magno, a. 1710 adversus Thorunenses & Gedanenses commissiones constituerentur, quare non tantum a civitatibus majoribus, sollemni more contradicebatur, sed etiam Prussicæ Ordines, a. 1712. Nuntiis suis ad comitia mandabant, „operam suam sedulo navare, quo commissiones illæ cassarentur, & a. 1713. Regem orabant, „ne illæ commissiones, in „convulsionem privilegii incorporationis effectui darentur, quod „a Sacra Regia Majestate, tanquam supremo jurium & privilegiorum omnium vindice, eo facilius se impetraturos confidebant, „quo magis petitur hocce Statutum & Ordinum, juribus & privilegiis provincie cardinalibus consentaneum esset, „*Hist. Pruss. IX. 250. 266. 271. 286. Doc. p. 40. 51.* Illæ etiam commissiones non susceptæ, sed oblivioni mandatæ sunt. Adfuit a. 1760 Regius Commissarius, ad rationes ex Regia parte portorii excipiendas, cui tamen & alia, plane nova & juribus adversa mandata erant, qui id tantum peragere potuit, quod ad rationes illas pertinebat, nisi quod simul jusjurandum a portorii præfectis & scribis in Regis verba reciperet. Redibat ille sequenti anno, juribus commodisque civitatis minime consentanea peracturus, ipsasque Karakovicanas constitutiones suscitaturus, sed indulgentissimus Princeps, ad submississimas civitatis preces, statim Commissarium revocavit, ut antequam aliquid tentaret, aulam repeteret.

M 3) Quæsti antea Gedanenses, quod a Commissariorum decretis, appellare ad Regem Sigismundum Augustum non liceret, Stephanum oraverant, ut in posterum Commissariorum auctoritas circumscriberetur, ut initio notæ proxime præcedentis dictum. Quare ad Regem appellandi potestas concessa est, & quidem secundum juris communis permissionem, quia jure communi a judiciis inferioribus ad Regem provocare licet. De quo Constitutiones Terrarum Prussicæ §. *judicia terrestria*, & privilegium instantiarum agunt. *Vid. Jura municipalia Terr. Pruss. at*



§. XVI. *Constit. Regni edit. nov. T. I. p. 541. 565.* Vitio igitur laborat commissio, quando potestas provocandi ad Regem negatur, quo laborabat commissio anni 1761. cujus mentio in fine notæ proximæ facta est.

N 3) Hæc appellationis a Commissariis ad Regem ratio allegatur, quod Rex unicus in terris Gedanensium Dominus est: & re vera non alium præter Regem Poloniæ, reverentur Dominum, ex quo tempore cum cæteris Prussis sub Ejus ditionem concesserunt. Quare Casimirus Jagellonides, quo regnante id factum, in privilegio incorporationis fatetur: „Prussos per suos legatos sollicitasse, ut eorum deditionem, fidelitatem, perpetuam obedientiam suscipere, velut legitimus, justus & verus Dominus & hæres dignaretur - - - & Se omnium incolarum terrarum „Prussiæ benevolam & spontaneam deditionem, regimen, tutelam, gubernationem, subjectionem, obedientiam assumpsisse & „acceptasse,,. Prussi contra in reciproca sua sponsione declarant, se Casimirum Regem Poloniæ, pro unico, justo & legitimo Domino & hærede, suscipere, recipere & acceptare. Inde Gedanenses in solius Regis Poloniæ nomen jurant, huic Soli fidem & obsequium promittunt, hujus Solius mandata colunt, & cætera præstant, quæ pii cives Principi debent; & Rex vicissim, eorum jura, libertates, privilegia & consuetudines servat, quas litteris suis confirmavit. Si jam parendum esset Commissariis decretis, neque adversus ea provocare liceret ad Principem, ut ab eo medela peteretur, viderentur Gedanenses præter Regem, alios habere Dominos, ad quorum auctoritatem se componerent, subversis etiam civitatis juribus & consuetudinibus, quibus Commissarii non tenentur, ad quæ autem Rex, tum per generale suum jusjurandum, tum per peculiarem confirmationem obligari voluit.

§. XVII.

§. XVII. §. XVII.

*De Magistratuum privatorumque ad judicia Regia evocationibus.*

De Magistratuum privatorumque ad tribunal Nostrium Regium evocationibus O 3), statuimus ac decernimus, in privatorum causis, ordinariam civitatis jurisdictionem, jurisque ejus progressum, rationemque usitatam, minime turbendam vel impediendam P 3). De Magistratuum autem vel negligentia, vel injuria, culpave alia si querendum quis existimaverit, in eo si temere negotium illis fecisse judicatus fuerit, volumus ut is & in impensas condemnetur, & alias etiam pœnas, quæ vel in temere litigantes, vel calumniatores statui solent, fubeat, proque causæ conditione severe puniatur. Si qui etiam contumeliosis citationibus Q 3), existimationem Magistratus vel privatorum laferint, contra illos recte injuriarum agatur, & pro injuriæ atrocitate impune non erit.

O 3) Intelliguntur citationes eorum, qui ad Magistratum pertinent, scilicet Præconsulium, Consuliumque, deinde civium, aliorumque qui non Magistratus seu in Senatu sunt, ad judicia Regia aulica, tum assessorialia tum relationum, quæ per Regium tribunal intelligenda, neque cum Regni tribunali confundenda sunt. De ejusmodi citationibus, nempe omissis instantiis inferioribus, frequentes fuerant querelæ Sigismundo Augusto regnante, non solum



§. XVII. solum Gedanensium, sed pariter aliarum civitatum & ipsius Nobilitatis, Rege a. 1556. affirmante: Se insolitas illas ad judicia aulica citationes neque induxisse, neque ut inducerentur, voluisse; nihil magis Se optare, quam ut nemo ejusmodi citationibus occasionem daret, & qui daret, coram suo ordinario iudice accusaretur; ipsi ergo Prussiae Consilarii invenirent modum, quo inducta nuper consuetudo inhiaberetur, quem Rex, si iustitiae & dignitati suae conveniret, libenter probaturus esset. Sed redibant ad suam de his citationibus querelam a. 1559 Nobilitas & civitates minores, quam Consilarii eum in finem ad Regem deferabant, ne ejusmodi citationes impune permitterentur. Quatuor citationibus a quibusdam Nobilibus Polonis, Praeconsul Gedanensis Georgius Klefeldus, ut Burggravius Regius, ad proxima comitia a. 1561 evocatus, Consiliorum opem implorabat, qui Regem orabant, ut Klefeldus in conventu Prussico, ubi forum competens, accusaretur, & ut in posterum Magistratus non alibi quam in conventu, rei agerentur, salva ad judicia Regia aulica appellatione. Sequenti anno Consilarii decernebant, ut, qui omis-  
*sis instantiis* inferioribus, Magistratum ad judicia aulica citaret, ducentis, qui privatum, centum aureis multaretur, Regemque ut id probaret, litteris rogabant. *Hist. Pr. II. 134. 148. 182. 198. 216. Doc. p. 54. 61.* Sed Rex neque decretum Consiliorum approbavit, neque alio modo eorum licentiam, qui ad aulica judicia evocabant, repressit. Imo ipse Rex a. 1569. ad Se duos Praeconsules, Gedanenses uno jam in aula praesente, & Consulem unum evocari jubebat, ut causam dicerent, ne Syndico quidem, qui causam civitatis pro officii sui religione egerat, ab ejusmodi citatione immuni.

P3) Jam 1577 questi erant apud Stephanum civitatis Ordines: quod non Magistratus solum, sed etiam privati cives, novis & inusitatis edictis, in causis injuriarum & rerum criminalium, ad tribunal Regium evocarentur. Et Rex tum responderat: non evocatum iri ad tribunal Regium, nisi prius in prima instantia causam dixerit, exceptis tamen causis mere Regiis. *Declar. Ord. plag.*

*plag. Ff. p. 4.* Jam praesenti tractatum §. Rex mentem suam §. XVII. pluribus explicat, „nolle Se in privatorum causis, ordinariam civitatis jurisdictionem, & juris progressum, ac usitatam rationem, „turbari vel impediri,“: ut privati prius apud civitatis Magistratum conveniendi, neque instantiae inferiores praetereundae sint. Si ergo civitatis Magistratu neglecto, & instantiis inferioribus omissis, causa ad assessoriale iudicium Regium evocatur, habet locum exceptio, & causa ad inferiorem iudicem remittitur, quod ni fiat, intervenit civitatis Senatus, ne ordo iudiciorum turbetur. A. 1648 Vladislaus IV. per decretum, civem, omisso foro suo ordinario, post curiam evocari vetuit. Idem sequenti anno per suum decretum Joannes Casimirus interdixit. Cum 1752 iudicium primariae civitatis ad iudicium assessoriale citaretur, Cancellarius citationem irritam declarabat, cum iudicii illius forum apud civitatis Senatum sit. Quando vero privatis de Magistratibus querendum, quod in munere suo, vel negligentia, vel culpa iniqui fuerint, usu obtinet, ut ad Senatum deferatur querela, quo is collegas suos moneat, vel in eos animadvertat. Sed si privati, Senatu non compellato, Magistratus ad Regium iudicium citant, intervenit Senatus, & Regem rogat, ut ad se, tanquam primam instantiam causa remittatur, salva ad Regem appellatione.

Q3) Usus docet, citationes, quas pro sua libidine citantes, aut eorum patroni scribunt, saepe contumeliis & verbis injuriolis repleti, idque impune.

### §. XVIII.

*Mandata Regia & ad ea informandi jus. Cursus juris in criminalibus non impediendus.*

Mandata e cancellaria Nostra posthac nulla edi mandabimus, quemadmodum & praesentibus mandamus, ordinamusque, quibus legitimus juris



§. XVIII. ris & instantiarum ordo, & usitatus iudicii processus, in quibuscunque causis & actionibus, ad civitatis jurisdictionem pertinentibus, suspendatur vel impediatur R3). Quod si tamen pro causæ vel actionis qualitate, Magistratus vel partium informationem res desiderare videbitur, tota causa, quemadmodum ab eo, qui mandatum aliquod petierit, narrata fuerit, illo comprehendatur S3). Ad quam narrationem, si quid respondendum, vel aliter informandos Nos, Successoresve Nostros, Magistratus censuerint, per eum, qui cum eo mandato se appellaverit, clausis litteris, intra bimestre tempus, a die exhibitionis mandati, id faciant T3). Quod si prætermiserint, & is, qui mandatum attulerit, protestatus eo nomine idoneis testibus fuerit, ejusque rei instrumentum indubitatum protulerit U3), aut fecerint quidem, sed tamen non satis causæ, quo minus prius mandatum executi sint, Nos, Successoresve Nostri censuerint, tum demum ad poenalia mandata procedetur V3). In causis vero criminalibus, in civitate ista usitatum legitimum juris cûrsûm impediri nolumus X3).

R3) Intelliguntur Rescripta Regia, quæ vel jure agere veant, vel ubi actio jam instituta est, cûrsûm juris sistunt, aut si jam latum decretum, illud in executionem deduci non permittunt. De ejusmodi mandatis, suam ad Regem Sigismundum Augustum a. 1562 deferebant querelam Prussiarum Ordines: „non par-

vam

„vam molestiam & difficultatem pleraque in his terris iudicia §. XVIII.  
„subire, quod frequenter, cum jam causæ executioni demandari  
„deberent, ex cancellaria Regia mandata, juri & æquitati contra-  
„ria adferrentur, decreta etiam Sacræ Regiæ Majestatis paulo an-  
„te lata, ad instantiam unius partis refrigerentur, interdum com-  
„minationes & poenæ gravissimæ adderentur, ni judices parue-  
„rint, citationes etiam paratæ essent, quibus ita judices terreren-  
„tur, ut se potius officio abdicare cuperent, quam in eo perple-  
„xo & dubio periculo versari; inde fieri, ut ita multis immunita-  
„te peccandi proposita, omnibus sceleribus habenæ laxarentur,  
„homicidia impune perpetrarentur, obedientiaquæ nullus locus  
„esset, Quare orabant Ordines Regem, „ut clementer de-  
„mandare dignaretur, ne amplius talia mandata ad importunam  
„instantiam partis omnino extraderentur, aut si per errorem ex-  
„tradita fuerint, efficere, ne quod juribus & privilegiis præjudi-  
„cium & impedimentum adferrent, Qua occasione movebant  
quæstionem inter se Consilarii: an mandatis, quæ contra leges &  
privilegia, parendum esset; & unus omnium erat sensus, man-  
data illa omni auctoritate destitui. *Hist. Pruss. II. 193. 204. 205.*  
*Doc. p. 56. 90.* Interregno post Sigismundum Augustum, inter  
publica vulnera, quibus ut futurus Rex mederetur Prussii optabant,  
hiebat etiam mandatorum & Rescriptorum mentio, cum in finem,  
ne iis jurisdictiones impedirentur, sub poena constituenda, & ut  
nihilominus, iis non attentis, fieret quod juris esset. *Hist. Pruss.*  
*III. Doc. p. 18.* Sux civitatis habebant rationem Gedanenses,  
cum Stephano exponerent: „complura mandata poenalia, juri suo  
„non consentanea, ad unius partis informationem, nonnunquam  
„etiam contraria decreta, ex cancellaria Regia prodire, quibus &  
„Magistratus vehementer prægravetur, partes, quo minus jus suum  
„consequi possint, impediuntur, & iudiciorum processus in infi-  
„nitum fere producat, Respondebat Rex: „mandata prima  
„non fore poenalia, sed simplicia, tunc vero Senatum teneri, ea  
„aut exsequi, aut Majestatem Regiam de statu causæ, de qua aga-  
„tur, informare, si non fecerit, secundâ mandata fore poenalia.  
„Decreta autem contraria ex cancellaria non proditura esse, De-  
clar.



§. XVIII. *clar. Ord. plag. Ff. p. 7.* Sed de mandatis poenalibus & informatione Senatus ad mandata, statim ad alterum hujus §. membrum agatur, ubi docetur, quid Senatui faciendum, si Rex crediderit, iustas esse causas, cur partibus adversus judicia, suo mandato subveniat, cum in primo membro omnia ejus generis mandata submoveantur.

S3) Potest enim causa, ab eo, qui mandatum petit, ita exponi, ut iustum videatur, illum per mandatum iudicio eximere. Ut ergo Rex sciat, an narratio vera sit, recte narratio mandato inferitur, quo, si causa aliter se habeat, ac Regi exposita, Magistratus vel pars adversa Regem edocere queat. Et intelligitur ille Magistratus, coram quo causa agi debet, aut jam agitur; partium vero ideo fit mentio, quia sermo est de privata causa, de qua inter cives litigatur. Posset etiam Magistratus ille, de mandato Regio ad Senatum referre, ut hic ad narrationem responderet.

T3) Hic removendus est error fere communis & inveteratus, quod *jus informandi* Regem, ut loquimur, quo gaudet civitas, his Tractatum portorii verbis nitatur, cum, qui hoc sibi aliisque persuadere conantur, in historia Majorum suorum minus versari esse videantur. *Jus informandi* coepit cum ipsis civitatis juribus & privilegiis, pro quorum integritate dum vigilandum Senatui, *informandi* ab eo erant Reges, quoties ex aliorum consilio illa imminuere conarentur. Imo jam Magister Ordinis Teutonici saepe *informatus* est, & multae praecefferant, non tantum Gedanensium, sed etiam ceterarum civitatum & Nobilitatis *informationes*, priusquam provincia ab illo Ordine deficeret: quod istorum temporum historia abunde docet. *Jus enim informandi*, non tantum Gedanenses habuerunt, sed omnes civitates & tota provincia. Inde saepissime Reges, a Consiliariis & ab omnibus Ordinibus, ex conventibus, & per legatos, de juribus tum totius Prussiae, tum Nobilitatis, tum Civitatum *informati* sunt, ut integra servarentur, & quae iis adversa abrogarentur. Et si ipsi Gedanenses, de suis juribus, Reges ante tractatus portorii *informare* non

non potuissent, actum forsitan fuisset de eorum juribus, sed ut alia ex §. XVIII. exempla taceamus, cum Stephanum de juribus informarent, docerentque, tempore Sigismundi Augusti, jura in multis esse violata, priusquam tractationem inirent, patet, Gedanenses *jus informandi* a Stephano non accepisse, verum jam habuisse. Illa ergo *informatio*, cujus in praesenti §. fit mentio, ad sola mandata Regia, in causis privatorum judicialibus referri debet; quod probant verba: *ad quam narrationem, quae scilicet mandato comprehenditur, si quid respondendum, vel aliter Nos informandos, Magistratus censuerint.* Debet informatio ad Regem referri per eum, qui ad Magistratum mandatum detulit, & eum compellavit, ac referri litteris clausis, hoc est, obsignatis. Spatium intra quod fiat *informatio*, duobus mensibus circumscribitur, quod ii qui credunt, esse hic sermonem de informationibus in causis publicis, quae jura civitatis tangunt; etiam ad hujus generis *informationes* transferunt, quasi has ultra duos menses differre haud liceat, secus inanes futuras; qui error ex priore, quem notae praesentis initio memoravimus, ortus est. *Informationes* pro publicis juribus, non mensibus, non annis circumscribuntur, cum omni tempore defendi queant. Qui contrarium statuunt, legem allegant, sed aliam quam ex Tractatibus portorii, qui de solis mandatis, in causis privatorum judicialibus loquuntur, ut dictum ante. Jam anni aliquot transierant, cum Stephanum Gedanenses docerent seu *informarent*, jura sua a Sigismundo Augusto in multis laesa esse.

U3) Si Magistratus & partes, quarum paulo ante facta mentio, *informare* omiserint, debet, qui mandatum attulit, coram idoneis testibus *protestari*, non tamen absque Regis Notario, qui hic filetur, cum *protestationes* fieri soleant, coram testibus & Notario Regio, qui etiam *protestationis instrumentum* scribit. Nec minus ex his cognoscitur, haud agi de mandato seu Rescripto, in causa ad civitatem & ejus jura pertinente, quando enim tum Senatus informat, non adest, qui Rescriptum attulit, non adsunt Notarius & testes, ut *protestatio* fiat, quam scribat Notarius, si *informatio* non constituto tempore secuta est. Et



§. XVIII. quando in privata causa mandatum Senatui a Notario cum testibus exhibetur, neque ille cuius interest, neque Notarius inquirunt, an intra bimestre tempus *informatio* facta, tantum abest ut protestatio sequatur. Quod ad ipsam *informationem*, non redditur illa Notario, aut ei cuius interest, sed ad Cancellarium, qui in aula versatur, mittitur, ut de ea Regi referat.

V3) Ordinum Prussiae & civitatis Gedanensis de mandatis poenalibus quærelas, & Stephani responsionem: non prima mandata fore poenalia, sed simplicia, secunda vero poenalia; nota R3) præsentis § memoravimus. Idem jam Rex repetit, & ut ex toto §. patet, agi de causis privatorum judicialibus, ita in ejusmodi causis mandata poenalia locum habent, non in publicis, quando de civitatis juribus agitur. Exemplum rescripti poenalis in causa publica, occurrit circa finem notæ Bb) ad §. IV.

X3) Sigismundum Augustum, etiam in causis criminalibus, mandatis suis cursum iustitiæ turbasse, ex nota R3) intelligitur, quod Se Gedani haud facturum Stephanus promittit, qui jam antea receperat, appellationes & revocationes non admissum iri, cum Gedanenses questii: „actiones criminales, contra vetustissimas civilium judiciorum libertates, & inveteratam consuetudinem, ad Regium tribunal revocari, ac reos criminum, cum „ad subterfugiendam poenam, frivolas interponant appellationes, „ad malitiam fovendam, præfidiis publicarum litterarum, mandatorum, exemptionum & inhibitionum adjuvari,„ *Declar. Ord. plag. Gg p. 2.*

### §. XIX.

*In expeditionibus maritimis civitatis habenda ratio. De Speculatoribus Sigismundi Augusti.*

Mari si quid, pro re, ac necessitate Regni, & ditionum, subditorumque Nostrorum gerendum

rendum statuerimus, Successoresve Nostri statuent, §. XIX. mature id deliberatoque fiet, & civitatis Nostræ Gedanensis, quæ maritima expeditione maxime præ cæteris afficeretur, æqua ratio habebitur Y3). Tale vero prædonum speculatorumque genus, quale hæctenus, cum publico incommodo fuit, plane abominamur Z3), Nostroque, & Successorum Nostrorum nomine tollimus A4).

Y3) Huic §pho occasionem præbuerunt speculatores a Sigismundo Augusto instituti, haud provide, sed temere & illorum consilio, qui ex præda maritima lucrum captabant. Non consulti Gedanenses auditique, quorum tamen maxime intererat, navigationem non turbari, quibusque a Casimiro, maris & littorum custodia ac securitas mandata fuit: & in quos, ob illos speculatores, præter transmarinorum invidiam, multa incommoda derivata sunt, ut etiam, quæ a speculatoribus patrata, magna pecunia luere cogerentur. Ne ergo tale quid in posterum accideret, civitas apud Stephanum providit, ut promitteret, si quid pro publica necessitate mari gerendum, id Se & Successores, mature & deliberato facturos, quo civitas consuli & ejus ratio haberi possit; cui ex bello maritimo maxima damna metuenda sunt, cum ad mare sita discrimini obnoxia sit, & ex commercio maritimo incommoda intercipientur. Post Stephanum, bello inter Poloniam & Sueciam, haud postrema Gedanensium fuit cura, ne ex suo portu hostilia in Suecos fierent, quia hac conditione ipsis licebat cum Suecis commercia exercere. Sed versis a. 1626 a Rege Gustavo Adolpho, ex Livonia in Prussiam armis, Rex Poloniz Gedani instruxit classem novem navium, civitatis Ordinibus haud consultis, ex ejus portu classis illa excurrens, exteras naves promiscue capiebat, ac in portum abductas diripiebat. Unde civitati magnum apud transmarinos odium, & negotiatio mari inter-



§. XIX. interrupta, Gedanensibus & Ordinibus Prussiarum frustra Regem orantibus, ut omnis vis ex illorum portu cessaret. *Hist. Pruss. V. 196. 201. 208.* Redibat securitas, & cum securitate maritimum commercium, classe a. 1628 Cæsari adversus Regem Daniam in auxilium Vismariam missa, *Piasec. p. 482.* ubi perit. Induciis sexennialibus cum Rege Sueciarum a. 1629 compositis, sequenti anno, peculiari cum eodem Rege pacto, Gedanenses promittebant: „se „toto induciarum tempore, nec publico nec privato nomine, nec „navim bellicam, nec classem ullam, vel exstructuros, vel ador- „natos, aut munituros, per se aut per alios, nec permissuros, „quemquam alium, quisquis ille sit, nemine excepto, ædifica- „re, instruere, munire aut educere navim bellicam, aut classem „e portu suo, sub quocunque prætextu: item nec admissuros, aut „in portum suum recepturos, si aliunde advenerit, sed impedi- „turos omni modo: hoc tamen concessio, si cives Gedanenses „mercaturæ suæ causa naves quasdam fabricarent, aut munirent „pro securitate commerciorum, &c. *Hist. Pruss. V. Doc. p. 174.* Prorogatis a. 1635 cum Regina Sueciarum in annos viginti sex induciis, cavendum erat civitati Gedanensi cum cæteris majoribus Prussiarum civitatibus, se non permissuram, ut toto induciarum tempore, ex suo portu hostile quicquam Reginarum, Regnoque Sueciarum ac subiectis ditionibus & provinciis inferatur. *Hist. Pruss. VI. 78. 82. Doc. p. 45.* Nec minus post pacem Olivensem cum Suecis, in id intenti fuerunt Gedanenses, ne ex suo portu navigatio turbaretur.

Z 3) Speculatores Sigismundus Augustus, ut antea dictum, instituerat, ut naves in Livoniam Russis & Suecis annuam, bellicum apparatus ac alia subvehentes, interciperent, qui potestate sibi concessa in suum lucrum male utentes, promiscue omnes naves, etiam quæ Gedanum tenderent, capiebant, deductasque in hujus civitatis portum, cum mercibus vendebant, nisi eas in suas excursiones aptarent. Id admodum offendebat illos, quorum subditi & cives mari negotiationem exercebant, & Gedanensibus magnum constabat odium, quod speculatoribus por-  
tum

tum suum in receptaculum præberent, raptasque naves & merces §. XIX. vendi sicerent, additis minis, illata damna in ipsorum navibus & mercibus vindicatum, ipsosque navigatione interclusum iri. Quare Regem Gedanenses orarunt, ut dimitteret speculatores, quod a civitate, quæ imminebant mala, averterentur, quod Rex se facturum promissit, si Prussiarum Ordines, collatis consiliis, suis sumptibus, subvehentes hostibus merces navigatione prohibere vellet. Hi existimabant, „haud salubrius inveniri posse consilium, „quam ut recuperandæ sanctissimæ pacis rationes quam citissime „inirentur, propter alia undequaque incumbentia pericula. Inter- „ea vero cum Serenissimo Danorum Rege & cum civitate Lubecensi agendum, quorum utrique ex confederationis jure, „ne hostes validiores redderentur, providere conveniret, ut ab „usurpatione Narvicæ navigationis, ex qua uterque hostium vehementer armaretur, prorsus abstinerent. Deinde Ordines pernecessarium ducebant, „ut, quoniam Pomeraniæ Duces, „tam suis subditis, quam ipsis Suedis, ultro citroque importandi „& exportandi omnis generis merces plenam facultatem concederent, cum illis per Legatos ageretur, ut se ad pactorum conservationem melius, quam antehac factum esset, conformarent. Denique, ut Consûlatus Gedanensis, in omnes tam „cives quam externos, qui ex portu egrederentur, animadverteret, accepto ab iis juramento, ut ab hostili terra non modo abstinerent, sed ne quid earum mercium ad eam transportaretur, „modis omnibus quam diligentissime caverent, & ut in eos, qui „secus fecerint, quive ex hostili terra in portum Gedanensem appulerint, nullo habito personæ respectu, serio animadverteretur. Has suas rationes, præter quas se non alias habere Ordines protestabantur, ut Rex clementissime respiceret & terris Prussiarum ac civitatis Gedanensis quieti, abrogatis speculatoribus, consuleret, Ordines supplicabant. *Hist. Pruss. II. 330. 334. 335. Doc. p. 157. 158.* Post Ordinum Prussiarum preces, Gedanenses suas repetebant, quibus effectum, ut anno 1567 a Rege speculatoribus Gedanensis portus interdiceretur, quo tamen non abstinebant, prædam in eum, ut antea, convahentes, quo civitatis apud ex-  
K teros



§. XIX. teros invidia, & vindictæ metus augebantur, Suecis jam naves Gedanensium interceptantibus. Contra speculatores, Patronis suis, inter quos non postremus fuit Castellanus Gedanensis, confisi, in dies licentius agebant, ut etiam in terra prope civitatis portam nocturno tempore, Pomeranos Cassubiosque, pro more cibaria & merces subvehentes, invaderent, sauciatos diriperent, rapinamque in navim ad Vistulæ ripam stantem comportarent, quorum undecim a Gedanensibus capti, tanquam latrones ultimum supplicium subierunt, eorumque capita ad Vistulæ ripam, in terrorem sodalium palis suffixa sunt. Id vero in magnum crimen versum est, quasi in Regis & Regni contentum, milites Regii fere innocentes capite truncati, & etiam post mortem, ludibrio expositi essent. Quare famosus ille eo tempore Fridewaldus, civitatem coram Rege accusabat, & Commissarii Gedani, capita latronum amotis palis, honeste sepeliri decernebant, quod cum non factum, multa undecim millium aureorum in Magistratum constituta, quæ cum Rex comitiarum tempore a. 1570 absolvit, totam causam ad futura comitia differens. *Hist. Pruss. II. 373. 374. De commissionis Gedanensis negotio plag. G. p. 7. & seq. plag. R. p. 2. Karnk. de jure provinciali pl. R. p. 2. 3.* Ne tamen Rex speculatorum licentiam probare videretur, eodem tempore a Commissariis in eos inquire & animadverteri ac eos sedem suam ab ora Prussæ, Pernaviam in Livoniæ portum transferri jussit, cui mandato cum non parerent, triginta speculatores, navibus aliquot interceptis, & in Daniam abductis, ibidem piratarum supplicium subierunt. *Karnk. de jure provine. plag. R. p. 6. Hist. Pr. II. 407. 408.* Sed Gedanenses, innocentes quamvis, alio modo prædonum horum luebant facinora, qui commerciis & navigatione per fretum Danicum prohibiti, merces & naves in Dania & Norwegia detentas, cum mercandi & navigandi libertate, centum thalerorum millibus, ad faciendam subditorum Regis Danicæ a speculatoribus illata damna, redimere cogebantur. *Hist. Pr. II. 408. III. 50. 51.* Speculatores Parnaviam secedere jussi, sedem suam ad oram Pucensem, tutos se ibi fore rati, quod Gedanensis Castellanus, Pucensis Capitaneus erat, figebant, quorum aliquot a. 1573, comitati cum navibus suis

§. XIX. suis redditurum ad suos legatum Gallicum, in Dania capiebantur, & ad exemplum priorum, ut pirata puniebantur, quo tempore illorum tres ultimo supplicio Gedanenses affecerunt, quorum capita in maris littore palis suffixa sunt. Mox alii in civitate Pucensi custodiæ mandebantur, ut qui ex hac hominum colluvie supererant, dilaberentur. Tum mari securitas, quam speculatores turbaverant, reddita est. *Hist. Pr. III. 67.* Suas ex speculatoribus molestias & damna Regi Stephano Bidgostiz seu Brombergæ a. 1577 exponens civitas, memorabat: „se quidem Regem Sigismundum Augustum orasse, ut speculatores dimitterentur, nihilominus eos nullo vel hostium vel amicorum habito discrimine, rapinas exercere, & in portum suum se recipere non desisse. Quare Serenissimum Danicæ Regem commotum, quod maris baltici securitas eo modo maxime perturbari diceretur, non tantum speculatores illos, ubicunque deprehensos, ad supplicium retraxisse, verum etiam civitatis naves complures, in tertium annum usque detinuisse, navibus interea computrescentibus, mercibus etiam compluribus corruptis vel amotis, tandem cum nullo aliud præ manu esset remedium, coactam fuisse civitatem, ad liberandas naves, & redimendam navigationis libertatem, centum millibus thalerorum depacisci, præter ceteros sumtus, crebris & continuis legationibus ac tractatibus impensos. Non censebant civitatis Ordines, ab æquitate alienum esse, summam illam pecuniariam & alia damna sibi refundi, & in posterum recte caveri, ne juri suo, quod civitas habeat in rem maritimum, per quasvis ejus generis impressiones tam insignis fiat præjudicium. Respondebat Rex: speculatores maris eo modo, quo fuissent antea, se abrogare, si quas tamen naves in mare expedire in animam induxerit, id communicato consilio cum Senatu, ipsoque sciente, se facturum esse. Post dies aliquot, addebat civitas: „se speculatores maris ideo mentionem fecisse, ut Regi liberæ navigationis rationem, & quomodo cum Serenissimo Rege Danicæ, ob speculatores factum, centum thalerorum millibus, ad liberandas naves cum mercibus, ac navigationis libertatem, summo cum civitatis detrimento depacisci coacta fuerit



§. XIX. „rit, ob oculos humillime deponeret. Respondebat Rex: „Se „speculatores abrogare, ac in posterum eorum opera non usurum. Civitas vero submisissimis verbis magnas gratias agebat. *Declar. Ord. plag. Ff. p. 4. §. pl. K k. p. 6. pl. O a. p. 2. pl. R n. p. 2.* Hac ante tractationem de portorio, in ipsa tractatione, speculatores non silentio transmittantur, & civitas acquiescebat in Regis declaratione: Se tale prædonum speculatorumque genus, quale hætenus cum publico incommodo fuit, plane abominari & Suo & Successorum nomine tollere. Simul placebat, speculatores istos, olim servitores Regiæ Majestatis vocatos, justo suo nomine prædones appellari, cum mari prædati essent, quare piratarum supplicium subierant. Sequens ætas ejusmodi speculatores non vidit, qui Serenissimorum Regum Poloniæ mandato navigationem turbassent, ac portum Gedanensem pro prædorum receptaculo habuissent.

A 4). Ne in posterum instituerentur, ut instituti non sunt, quod in fine proximæ notæ diximus. Quos induxerat Sigismundus Augustus, tum supplicium, tum supplicii metus sustulerat, ut nullibi viserentur.

## §. XX.

*De salvis conductibus.*

Salvi conductus, ad excludendas controversias & actiones civiles, nulli dabuntur B 4), ita autem iis, quibus aliqua ex causa dati fuerint, uti volumus, ut non modo ad licentiam impunitatemque iis non abutantur, sed ne ab ordinaria quidem jurisdictione iis sese eximant, ac a vi quidem & potentia magistratuum tecti illis sint, nec interim in

con-

contemptum salvi conductus, nostræque auctoritatis, carceribus coërceantur: in jure tamen nihilominus respondere, legibusque obtemperare teneantur C 4). Tum vero ultra trium mensium spatium nemini dari volumus D 4), intra quos & Magistratus, si indignum, qui salvum conductum acceperit, beneficio hoc Principis existimaverit, Nos informare possit, & is, qui in tutelam acceptus a Nobis fuerit, priusquam salvus conductus exspiret, contra majorem vim, si tutela Nostra dignus sit, denuo sibi prospicere E 4). Si quis etiam prætextu salvi conductus, eodemque stante, criminale quod commiserit, illo non obstante,prehendendi jus Magistratui erit F 4), recteque in eum ex lege agi, & pro ratione admissi facinoris, animadverti poterit, ita tamen, ut Nos Successoresve Nostros, primo quoque tempore de eo informet G 4).

B 4) Habet locum *salvus conductus*, in causis civilibus, non criminalibus, ut jam Sigismundus Augustus, in responso internuntiis civitatis a. 1567 dato, professus: „se *salvos conductus* „concedere solere, non in criminalibus causis, sed in civilibus „duntaxat, neque enim velle ejusmodi salvorum conductuum „litteris, impunitatem ullam propositam hominibus facinorosis, „sed præsidium duntaxat innocentia comparari. De Commis-  
sionis Gedanensis negotio, plag. T p. 5. Contra hanc Regis mentem, in constitutionibus Karnkovicianis tit. de *salvis conductibus* decernitur: „salvos conductus Regios, tanquam privilegia personalia, „strictis-

K 3



§. XX. Strictissime ex æquo, propter Principis reverentiam, esse servandos, neque cuiquam hominum eosdem violare fas esse. Quodsi autem publicæ rei & necessitati expediat, ob delictum aliquod notabile, cum quis deliquit, tanquam protectione indignum, Principis benignitate, propter exemplum, ne scelerum impunitate, alii corrumpantur, frui non debere, rem ad Principem referendam esse, ad cuius tribunal, facinorosum unis litteris citationis peremptorie prius evocatum, tandem a Magistratu civitatis judicandum, postquam declaratione Saceræ Regiæ Majestatis, salvo conductu ejusmodi indignus per sententiam pronuntiatus fuerit. Quare apud Stephanum querebatur civitas, salvos conductus sine causarum discrimine dari. *Decl. Ord. plag. Ff. p. 8.* Quod jam Stephanus corrigit, salvos conductus intra causas civiles coercendo. Non ergo valuit a. 1636 in causâ criminali salvus conductus, Senatu ad Tractatus portorii provocante. Ex causis civilibus, actiones contra bancruptores excipiuntur, quibus a litteris moratoriiis petenda est securitas, nec illis a. 1741 & 1757 salvi conductus profuerunt.

C4) Dato salvo conductu, manent actiones civiles, manet ordinarii Magistratus jurisdictio, ac si salvus conductus datus non fuisset. Idem antea senserat Sigismundus Augustus, qui in Rescripto suo a. 1563 voluit, ut in civilibus causis omnibus, quomodocunque intentatis vel intentandis, ii ipsi cives, quacunque salvi conductus prærogativa muniti, coram Senatu vel iudicio civili conventi, omnibus actoribus respondeant, ac Magistratui sine ulla cunctatione pareant. Et a. 1566 idem Rex declaravit, salvum conductum neminem a jure ordinarii iudicis vindicare. Sed salvus conductus tantum a vi tutum præstat & ne is, qui impetravit, in ejus & Regiæ auctoritatis contemptum, in carcerem conjiciatur, ut Sigismundus Augustus a. 1566 declaraverat: salvum conductum a vi duntaxat & potentia eximere; & anno præcedenti: salvum conductum vim & potentiam reprimere. *De Commiss. Gedan. negotio, plag. T. p. 5.* Aliter constitutiones Karn-

Karnkovicæ, loco antea citato, quæ arbitrio ejus, qui salvum conductum habet, permittunt, si tanquam causæ non diffidens in iudicio respondere, suamque innocentiam defendere velit. §. XX.

D4) Non solebant salvi conductus ad certum tempus dari, qui jam trium mensium spatio circumferibuntur: addideratque in sua ad Gedanenses responsione Bidgostia a. 1577 Stephanus: ut salvum conductum obtinens infra trimestre spatium se iustificet, aut Majestatem Regiam Senatus de eo informet. Si ergo tempus trium mensium salvus conductus excedit, licet errorem cancellariæ, Regi submissime exponere, & salvum conductum pro irritum habere, ut a. 1679 factum est.

E4) Duo intra tres illos menses fieri possunt, Magistratus Regem docere, receptum in Principis tutelam, salvo conductu esse indignum, & qui salvum conductum accepit, novum a Rege petere. Prius jam Rex mandaverat, in citato antea Responso Gedanensibus dato, quod civitatis Ordinibus ita placuerat, ut Regi permagnas & immortales gratias agerent. *Decl. Ord. pl. Op. p. 2. pl. Rr. p. 4.* Habetur autem salvo conductu indignus, qui carcerem promeruit, aut in quem ante salvum conductum carceris poena jam decreta est: & sic Rex edoctus, salvum conductum irritum declarat: quem in alios tres menses ante priorum finem prorogat, ubi a Magistratu aut nulla, aut non iusta causa allata est, quo minus id fieri queat.

F4) Ut in causis criminalibus salvi conductus locum non habent, ita qui in civili causâ salvum conductum impetravit, & crimina patrat, pro eo habendus, qui facinore se salvo conductu indignum reddidit, in quem ita agi possit, ac si salvo conductu destitueretur. Jam a. 1552 Sigismundus Augustus in Rescripto suo declaravit: velle se, ut si quid forte atrocius a civibus, qui publicæ fidei litteris muniti sunt, fuerit tentatum, civitatis Burggravius eos comprehendendos curet. *De Commiss. Gedan. plag. T. p. 4.* Quod postea per constitutiones Karnkovicæ non licebat,



§. XX. bat, quæ salvos conductus strictissime servandos præcipiunt, ut nulli hominum eos violare fas sit, & si quis ob delictum aliquod notabile se protectione indignum reddiderit, res ad Principem referri debeat.

G4) Sigismundus Augustus in Rescripto, præcedenti nota citato, permittit eos, qui, dum salvo conductu muniti, crimina patrarunt, in carcerem a Burggrabio dari, sed non puniri, verum injungit Burggrabio „summariam de delicto informationem accipere, ac ad Regem mittere, qua visa & probe examinata, quid fieri oporteat, Ipse rescribat, Stephanus præter carcerem, Magistratui etiam ex lege agendi & puniendi facultatem concedit, modo Rex de facinore & poena edoceatur, & quidem primo quoque tempore. Qui dum Magistratui plenam, ex lege agendi puniendique facultatem concedit, & Rex sive remittendi sive minuendi poenam, potestatem Sibi non servat, sufficere videtur, si, punito qui crimen commisit, & facinus & supplicium resciscat. Cæterum de *salvis conductibus* hoc unum addendum, non nisi a Rege dandos esse: quare non valuit, quem a. 1680 judicium Nuntiaturæ Varsaviæ dederat.

### §. XXI.

*Ne Rex quemquam a Magistratus jurisdictione ac muneribus oneribusque eximat.*

A jurisdictione & communibus muneribus, aut oneribus civitatis personalibus, vel realibus, neminem eximemus, Successoresque Nostri eximent H4). Ad eos vero quod attinet, qui a Divis Decessoribus Nostis, aut Nobis etiam Ipsi, antehac hujus generis litteras impetrarint I4),  
de

de iis eam mentem sententiamque Decessorum No- §. XXI. strorum, Nostramque, sicut ante fuit, ita adhuc esse, præsentibus declaramus: ut eo usque saltem iis uti possint, si non ex recenti, vel contractu vel delicto, eo loci commissio, convenientur L4); Quod si vero, qui hujusmodi aliquo privilegio Nostro, Decessorumve Nostorum muniti sint, eo ad aliorum injuriam abuti, fiduciaque ejus, delicto aliquo aut contractu obstringere se voluerint, ordinarii Magistratus judicium, cui vel contrahendo vel delinquendo, tacite quodammodo ipsi se submitunt, minime recusare possint.

H4) Mos, Sigismundo Augusto regnante invaluerat, ut quidam ex civibus & incolis, Regium privilegium sibi compararent, quo Magistratus ordinarii jurisdictione, & cæteris quæ ex hac jurisdictione fluunt, eximebantur, addito titulo, ut Regii Secretarii, Factores, Servitores dicerentur, aliis sine ejusmodi titulo aulico, in sola exemptione acquiescentibus. Omnes illi vocabantur exempti, quod nomen in actis civitatis publicis illorum temporum passim legitur. Aegre ferebant Ordines, esse, qui cum civium juribus fruerentur, Magistratui non parerent, publica munia detrectarent, nihilque in civitatis necessitates conferrent, ut de abrogandis exemptionibus, in civitatis injuriam inductis, consultaretur. Subvenerunt exemptis Karnkovianæ constitutiones, quæ titulo *de personis exemptis* vetabant, „personas pecuniari privilegio Regio exemptas, in civilibus turbare, nedum in criminalibus, cujuscunque tituli Magistratus, etiam officii Burggrabiatus prætextu, judicare, sed eas ad competens forum remittendas, ut judices earum competentes, in loco delicti jus dicent; sub poenis in iisdem exemptionibus, & aliis in violato-  
L „res



§. XXI. „res protectionis Regiæ, legibus constitutis, Civitatis Ordines tamen, qui constitutiones illas ad se nihil pertinere credebant, de redigendis ad officium exemptis, conferre consilia pergebant, placebatque, legitimam Magistratum auctoritatem tueri, exemptis, ut intra civitatem domos aut alios fundos compararent, haud permittere, imo eos in civitate ne quidem tolerare, nisi legibus parere vellent. Erant ergo inter ea, quæ aboleri volebat civitas, antequam in verba Stephani juraret, etiam litteræ exemptionum, quæ summam inter cives, qui in bene constituta Republica ejusdem conditionis esse deberent, inæqualitatem parerent, eorum obedientiam & debitum dissolverent, ac Magistratus auctoritatem maxime labefactarent, præsertim quod ut plurimum exemptæ personæ, dum plus sibi quam aliis licere putarent, multa contra leges ac mores civitatis committere solerent, cum summo Magistratus contentu, cæterorumque civium damno & præjudicio. Ad quæ Stephanus: exemptiones non datum iri, nisi servitoribus & familiaribus mere Regiæ Majestatis. Redibat civitas ad priores preces, ut litteræ illæ nemini, qui jure civitatis uti, vel in civitate habitationem habere vellet, darentur, addito Nobilium exemplo, qui in civitatem commigrantes, ad civilia onera ferenda obligati essent. Rex perstabat in suis servitoribus, ex quibus si quis exemptione sua abusus fuerit, illum secundum rationem excessus, puniri se curaturum. Ordines respondebant: eum omnes simus servitores Serenissimæ Majestatis Regiæ, & Ejus Majestatis servitio ac ministerio addicti, æquitatis rationem non admittere censemus, alios præ nobis, qui sumus Consiliarii & Magistratus Majestatis Regiæ, eximere, vel iis majores prærogativas concedere. Si autem ipsa necessitas omnino exigere visa fuerit, ut servitores suos Majestas Regia in civitate habeat, æquissimum esse judicamus, ut nobiscum ad omnia jura & onera civilia obligentur & obstringantur. *Declar. Ord. pl. Bb p. 7. pl. Ff. p. 8. pl. Ll. p. 5. pl. Oo. p. 3. pl. Rr. p. 4. 5.* Tractatio de portorio, cum aliis, etiam exemptiones resumit, faciebatque ipsem Supremus Regni Cancellarius, posse eximendos ad exiguum numerum redigi, ut eorum plures non essent, quam quatuor cir-

citer

citer aut quinque, a Regis ministeriis omnes; sed negabant inter-

§. XXI. nuntii, posse in civitate ferri, qui Magistratui non parerent, docentes superiorum temporum exemplis, exemptos illos multa adversus publicam salutem molitos esse, quod Regis tutela freti, leges & Magistratum despexissent. Rex vero declarabat: „non daturum se exemptiones, nisi iis, qui in aliquo ministerio, & quasi de familia sua essent, eorumque numerum ita se moderaturum, ut uno eodemque tempore non plures quam quatuor, aut ad summum quinque futuri sint, neque aliter exemptum iri, nisi ut Magistratui urbano non subiant, propter bona vero, si quæ intra civitatis jurisdictionem habuerint, ea præstent, quæ ab aliis bonorum nomine præstentur, & nemo se a realibus oneribus, exemptionis obtentu, vindicet. Contra civitas non destitit orare, ut nullæ plane exemptiones darentur, frustra permittente Cancellario, ut qui confisus exemptioni, contra intestinam tranquillitatem aliquid ausus fuerit, statim ad Regem deferretur, & qui in civitate contraxerit, suum in civitate, tanquam loco contractus, forum haberet. Tandem Rex unum tantum eximere voluit, sed cum etiam unus, per impunitatem satis molestiarum, concitare posset, neque in unum Gedanenses consentiebant, & Optimus Princeps civitatis suæ constantiæ cedens, promisit: „Se & Successores suos, neminem a jurisdictione & communi muneribus, aut oneribus civitatis personalibus vel realibus exempturos esse. Ita Stephanus publica conventionem, Magistratui auctoritatem, & civitati jura in cives & incolas asseruit integra, quæ Sigismundus Augustus exemptionibus imminuerat, ne cui jam liceat per Regium privilegium, se Magistratus jurisdictioni subtrahere, aut munia civitatis recusare, aut pecunias, quoties publice conferendæ, abnuere: manente Regis potestate, cives & incolas Servitorum, Factorum, & Secretariorum titulis condecorandi. Neque civitatis Senatus aulica hæc nomina, suis civibus incolisque invidit, modo nulla exemptio tentaretur, secus jus adversus exemptionem, Regi submississime exponere ac tuebatur. Recentiore ætate in locum Servitorum, Factorum & Secretariorum, successerunt Cubiculariorum & Consiliariorum, & quidem non unius generis

L 2

tituli,



§. XXI. tituli, de quibus idem repetendum, quod modo de Servitoribus, Factoribus & Secretariis dictum est, nimirum nihil per splendida hæc nomina Magistratus & civitatis juribus detrahi. In hoc illis Senatus indulgere solet, ut quando ante titulos aulicos munia civitatis obierunt, post titulos, ad ipsorum preces iis eximat, ut si centumviri, curatores sacrarum ædium, Xenodochiorum, &c. fuerunt, esse desinant, quod soli Senatus debent benevolentia, jure enim non solum civica munia, quæ habent, retinere, sed etiam, post aulicos titulos nova, si conferrentur, recipere eos oporteret. Dum vero Rex Poloniæ haud quemquam jurisdictione, muneribus & oneribus civitatis eximit, multo minus id a Principibus externis fieri potest, quando ab his aulici tituli petuntur obtinenturque.

L 4) Intelliguntur, qui a Sigismundo Augusto, Henrico & ipso Stephano, ante portorii tractatus, exemptionum litteras obtinuerant.

L 4) Optaverant Gedanenses, ut omnes exemptiones, quæ Tractatus portorii præcessissent, abolerentur, quod Rex abnuit, sufficere credens, si in recenti contractu & delicto, adversus Magistratus auctoritatem non valerent; Et Gedanenses eo facilius cesserunt, quod pauci anni exemptionibus illis finem allaturi essent.

## §. XXII.

*Contubernia & collegia, sua statuta a solo civitatis Senatu recipiant.*

Hoc etiam pro rei ipsius æquitate, & civitatis jure conservando, statuimus, contuberniis opificum, cæterisque collegiis, privatim privilegia aliqua minime danda M 4), si quæ etiam data sint, nullam

nullam iisdem juris auctoritatem tribuendam N 4); §. XXII. Senatui vero, more majorum, de collegiorum, corporumque statutis, (salva fide Nobis, Successoribusque Nostris debita O 4,) ex civitatis rationibus, & communi utilitate statuendi, jus potestatemque integram relinquimus P 4).

M 4) Sunt in civitate multa opificia, quorum singula seorsum arctiori vinculo juncta, peculiarem societatem, quæ per contubernium intelligitur, constituunt. Præter opifices, sunt, qui alio modo quæstum faciunt, neque manu ut illi laborant ac res conficiunt, qui tamen ut opifices inter se sociantur, quorum sodalitates hoc loco, per collegia intelliguntur, possuntque braseatorum & institorum dici præcipua. Contubernia & collegia, habent sua statuta & privilegia, quæ illis serviunt, qui contuberniis & collegiis adscripti sunt, & quæ privatim dari, præsens Tractatum caput vetat, ad rei æquitatem & jus civitatis provocans: quasi iniquum & injustum sit, ejusmodi privilegia privatim, Senatu in scio, dari, quæ Sigismundus Augustus braseatoribus & lanionibus dederat. Braseatores enim a. 1552 privilegium impetraverant, quo Rex illorum collegio nonnulla largitus, quæ a Senatu peti debuissent, & quæ hic, si minus ex civitatis commodo fuissent, negare potuisset. Quare statim ac exhibitum privilegium, Senatus sollemni more contradicebat, quia non a se, sed a Rege, non publice, sed privatim, clam & Magistratu in scio, impetratum esset. Sed braseatores cum ad Senatus contradictionem respondissent, privilegium suum a. 1555 Regio decreto firmari curabant, & accisam, ab Ordinibus cœreviæ impositam, averlati, Senatum ad judicium Regia citabant. Sequebatur tamen a. 1568 compolitio, quam 1570 Regii Commissarii irritam declarabant, de quo merito Ordines quæsti, quod via ad dissensiones reclusa esset. Secutum braseatorum exemplum, lanionum contubernium, a Rege privilegium impetraverat, quo laniones confisi, Senatus decretis parere



§. XXII. rere detrectabant, ac illum ad Regia judicia evocabant, eratque nonnullorum tanta in Magistratum contumacia, ut veluti seditiosi ex civitate proscribendi essent, qui se Regio decreto & mandato, adversus Senatus auctoritatem muniebant. Erat ergo inter publicas querelas, quæ Ordines ad Stephanum a. 1576 deferrebant: „quod contubernia & collegia, utpote lanionum & braseatorum, specialibus indultis, immunitatibus, beneficiis ac constitutionibus, quæ cum publicis civitatis libertatibus, constitutionibus, ac plebiscitis pugnarent, donati ac muniti essent: eoque fieri, ut integra contubernia, non solum leges publicas, cum omni Magistratus imperio proculcent & evacuent, sed etiam in commercio rerum venalium, quæ usui domestico sint, & quarum moderationem non admittant, suo arbitratu, præter æquum & bonum concives suos onerent & emungant. Ejus generis etiam, illud esse, quod Domini Commissarii contractum sollemnem, constituendæ concordie causa cum braseatoribus initum, levissimorum hominum impulsu, nullo juris ordine resciderint, quo pacto discordiæ renatæ, aliæque difficultates ortæ, multi vero ad conculcandas leges & dissolvendam tranquillitatem publicam, facti essent audaciores. Respondens Rex: „Se nihil contra aliorum privilegia facere, sed ea facta tecta habere velle, in posterum etiam nulli contubernio privilegia daturum, quæ juri publico & statui civitatis contraria sint. Querelam vero de rescisso cum braseatoribus contractu, Rex ad comitia rejiciebat. Sed non sufficiebat civitatis Ordinibus, contuberniis in posterum nulla privilegia, juri publico & statui civitatis contraria datum iri, sed simul petebant, ut jam data abolerentur. Neque videbant causam, cur Rex rescissum cum braseatoribus contractum ad comitia rejiceret, quod ne fieret, rogabant & obtestabantur. Rex vero non mutabat suam responsionem, nisi quod legitima contuberniorum privilegia servare, & contractum, in quantum ad tranquillitatem & concordiam obtinendam, initus fuerit, confirmare, secus contractum illum cum reliquis commissionis negotiis, ad comitia remittere vellet. Contra Ordines non cessabant petere, ut nova contuberniorum privilegia tollerentur, & transactio

cum

§. XXII. cum braseatoribus perpetuo observari juberetur, neque ad comitia rejiceretur. *Declar. Ord. plag. Bb. p. 2. pl. Gg. p. 1. Ll. p. 6. pl. Oo. p. 3. pl. Rr. p. 5.* Cum, annis aliquot interjectis, rursus de privilegiis contuberniorum & collegiorum, in aula ageretur, declarabat Rex: „ejusmodi privilegia contra publicam utilitatem, minime danda, & si quæ data, nullam iis juris auctoritatem tribuendam, litem vero de lanionum braseatorumque privilegiis, cum citationes jam editæ sint, cognita causa, per decretum finendam esse. Senatui de collegiorum corporumque statutis, ex communi utilitate civitatisque rationibus, statuendi jus benigne permitti, ita tamen, ut si qua in re gravatum se quis existimaret, ad Regiam Majestatem provocare integrum eidem esset, quam in fine additam exceptionem, civitatis internuntii omitti petebant, cum nunquam in usu fuerit, & tranquillitatem plurimum turbatura esset. „Leges enim contuberniis dari, ad societates eorum conservandas & in officio retinendas, idque cum illorum consensu, sæpius etiam pro temporum & rerum varietate mutari, prout id civitati & ipsis contuberniis expedire videretur, eamque potestatem ab ipsa fundatione penes civitatem fuisse. Quare Rex exceptionem illam omittebat, modo statuta collegiorum, salva fide Regiæ Majestati debita, fierent. Addebat civitas: se confidere, Regiam Majestatem per lanionum & braseatorum causam & privata illorum indulta, nihil publicis civitatis juribus, privilegiis, & receptis consuetudinibus derogari passuram. Tandem Rex contuberniis ac cæteris collegiis privatim privilegia dari vetuit, lanionum & braseatorum privilegiis privatim obtentis, silentio transmissis. Factum tamen, ut Serenissimi Stephani Successores, contuberniis & collegiis ad ipsorum preces, tum privilegia nova darent, dum data olim, confirmarent, tum in nonnullis mutarent, de quo quando Senatus certior redditus, suum jus Serenissimis Regibus submississime exposuit, & quod, nisi a se, contuberniis & collegiis privilegia & statuta petere liceret, demonstravit. Quando vero placuit, nihil ad Regem referre, Senatus ejusmodi privilegia, civitatis & eorum, quorum interesset, juribus salvis, recepit. Nuper, a. 1752 Rex in illustratione artic.



§. XXII. tic. 75. ordinationes Suez, Senatus jus confirmavit, mandans illi, „lanificibus & capillamentariis in formam contubernii redigendis, „statuta providere, integra manente Magistratus, in concedendis „& scribendis statutis ad mentem privilegiorum, potestate.

N4) Cum civitas precibus suis efficere non posset, ut Stephanus verbis expressis brasceatorum & lanionum privilegia tolleretur, obtinuit tamen, ut id tacite fieret, privilegiis privatim datis omni juris auctoritate abrogata.

O4) Nihil potest contra fidem Serenissimis Regibus debitam, statutis contuberniorum & collegiorum inferi, quia contubernaes & collegiorum sodales, quando cives fiunt, Regi fidem jurant.

P4) Non ergo largitus hanc potestatem Stephanus, sed quam a majoribus suis habuerat, Senatui reliquit, & quidem integram, quam imminuerat Sigismundus Augustus, etiam Sibi vindicando potestatem, dandi contuberniis & collegiis privilegia. Hæc Senatus privilegia, per se satis firma sunt, ut Regia confirmatione opus haud sit. Cum etiam statuta contuberniorum & collegiorum, ad civitatis rationes & communem utilitatem componenda sint, sequitur, esse mutanda, quoties & civitatis rationes & communis utilitas exigat, ut etiam ex his causis, ipsa contubernia & collegia mutationem a Senatu petere deberent, si Senatus in civitatis rationes & communem utilitatem minus intentus esset.

### §. XXIII.

*Moratoriae litteræ a Rege illis dandæ, qui Ipsi a Magistratu commendati fuerint.*

Moratorias etiam litteras, civium incolarumve aut inquilinorum civitatis, quive domicilium &

& continuam mansionem, negotiationes cum civibus exercendi causa, ibi habuerint, nemini dabimus, Successoresve Nostri dabunt Q4), nisi qui fortunæ adversæ casu bona amiserint, & de amissis testimonium a Senatu habuerint, eoque nomine commendati fuerint R4).

Q4) Dantur litteræ moratoriae mercatoribus, qui solvendo se impares professi, foro cesserunt, quosque *bancruptores* appellamus, quibus per moratorias mora indulgetur, ut cum creditoribus suis transigere queant. Datæ sunt illo tempore a solo Rege, sed quæsti antea Gedanenses, „quod passim darentur, nulla personarum contemplatione, quis in fraudem creditorum eas „petat, quis vel sua culpa rem decoxerit, vel fortunæ, maris aut „ventorum injuria, facultatibus lapsus fuerit, quod certe prius inquiri deberet, cum id per se juris manifesti esset, etiam specialibus Divorum Regum Antecessorum Rescriptis declararetur, Responderat tum Stephanus: „Se nemini civium litteras moratorias daturum, nisi qui fortunæ adversæ casu, bona amiserint, & „de amissis testimonium a Senatu habuerint, eoque nomine commendati fuerint, : pro qua declaratione, civitatis Ordines magnas agebant gratias. *Declar. Ord. plag. Gg. p. 1. 2. plag. Rr. p. 5.* Quia tamen Rex tantum civium meminerat, exponebant postea Ordines, plurimos esse civitatis incolas, qui quidem civium numero non censeantur, domicilium autem habeant, & continuum hospitium, ac cum civibus varias negotiationes exerceant, ne ergo cives deterioris, quam illi essent conditionis, petebant, Regis declarationem etiam ad incolas & ejus generis hospites extendi. Quare in Tractatibus, præter cives, pariter incolarum inquilinorumve, ac domicilium & continuam mansionem, negotiationis cum civibus exercendæ causâ habentium, mentio facta est. Nec sine ratione de incolis & inquilinis dicitur, quod cum civibus ne-



§. XXIII. gotiationes exerceant, quia eas cum peregrinis seu non civibus exercere haud licet.

R 4) Jam a. 1552 Sigismundum Augustum cives petierant, ne cuiquam litteræ moratoriarum darentur, nisi testimonium habuerit a Senatu & Scabinis, quod vel naufragium fecerit, vel aliqua alia fortunæ iniquitate facultatibus suis lapsus sit, & ut is nihilominus fidejussoriam cautionem præstaret. Ad quæ Rex respondēbat: Se Sibi dandarum litterarum facultatem relinquere. *Karñk. jus provinc. terr. Pruss. plag. E. p. 7. petit. 22.* Verum a. 1558 idem Rex declaravit, velle se, ut obtenturus moratorias, per fidejussores caveat de debito, finito moratoriarum tempore, integre solvendo, nisi id Rex remiserit; porro ut is a civitatis Senatu testimonium habeat, quod non culpa, sed fortunæ adversitate ad egestatem reductus sit; & si quis sine ejusmodi testimonio moratorias impetrasset, ne prius illis utatur, quam Senatus ejus causam exposuerit, qui si in cognoscenda causa non justas rationes admiserit, debitori ad Regem appellare liceat. Quod de cautione fidejussorum Sigismundus Augustus præcepit, videtur usum non obtinuisse, cum neque Gedanenses, neque Rex Stephanus, cum Senatus testimonium de amissis fortunæ adversæ casu bonis exigeret, ejus mentionem fecerit. Reliqua vero, quæ in Tractatibus portorii de moratoriis repetuntur, Augustus III. in sua Ordinatione art. 31. probavit, vetans simul, ab alio quam Ipso Rege moratorias peti & dari: quo abrogavit morem post Stephanum, Sigismundo III. regnante inductum, ut etiam Præses Senatus litteras daret, cui jam id relictum, ut moratorias a Rege petiturum, in tutelam gratis recipiat, donec easdem ex Regni Cancellaria impetrare queat. Antequam autem de banciruptore Senatus testimonium perhibeat, per duos sui Ordinis, rationes debitorum ac creditorum excutit, libros mercatorios lustrat, & in alia quæ scire ejus interest, diligenter inquit, quorum relatione audita, Regi banciruptor litteris commendatur, ut moratoriis habeatur dignus. Antea ejus bonis, quæ supersunt, curatores præponuntur, ne in fraudem creditorum dissipentur, quod in ordinatione civitatis

tatis adversus banciruptores a. 1731 sancitum, a Rege Augusto III. §. XXIII. in illustratione citati articuli ordinationis suæ approbatum est. Non tamen desunt exempla moratoriarum, sine commendatione Senatus, concessarum, quod a. 1713. 1735 & 1757 factum. Sed tum Senatus, ad portorii Tractatus provocans, Regi exposuit, moratorias illas auctoritate destitui, quod alio modo, ac fas sit, obtentæ. Spatium, quo moratoriæ circumscribantur, Stephanus siluit, sed jam ante Ipsum, Sigismundus Augustus a. 1570 declaraverat, moratorias in annum unum petendas esse, neque supra annum banciruptoribus servire: quod usu viget, oratque Regem in commendatione banciruptoris Senatus, moratorias in annum unum, quo finito, moratoriæ expirant. A. 1760 banciruptor ad aulam profugus, obtinuerat pro moratoriis, litteras Regias *protectionales*, quales datæ fuerant nunquam: quare Senatus, cum ad ipsum Varavia essent missæ, Regi submississime exposuit, esse has litteras plane insolitas, & novi generis: banciruptoribus inservire moratorias, quæ quomodo petendæ sint, portorii tractatus describere. Hinc optimus Princeps, litteras suas *protectionales* irritas esse voluit, ne quid novi contra leges & morem adhuc receptum, nec non contra Magistratus auctoritatem, ac novissimam ordinationem Regiam induceretur.

## §. XXIV.

*Libera salis transmarini intra Prussiam subvectio.*

Ad transmarini salis in Prussiam subvectionem S 4) quod attinet, uti jura Prussiae in suo statu permanere, & salva esse volumus, ita civitatem quoque Nostram Gedanensem, in iisdem juribus, & libera salis subvectione intra Prussiam, uti anti-



§. XXIV. quitus fieri consuevit, absque aliquibus novis exactionibus, integre conservabimus, & Successores Nostri conservabunt T4).

S4) Dicitur transmarinum sal, quod ex regionibus trans mare sitis, Lusitania, Hispania, Gallia, Anglia, Scotia & ipsa Germania mari in Prussiam vehitur. Multum olim faciebat ejus subvectio ad commercii florem, nam quo major ejus copia importabatur, eo plus mereium domesticarum exportabatur, facili harum cum sale permutatione, aut venditione, si, qui illas emerent, sale suum justo pretio vendidissent. Inde etiam fervebat navigatio, suppetente, quo naves onerari possent. Usus hujus salis non intra Prussiae fines, ut hodie, continebatur, verum etiam in Poloniam Lituaniamque mittebatur, cum per vetera pacta libera essent commercia, nec minus Prussis, per privilegium incorporationis concessum, cum mercibus cujuscunque generis, in quacunque loca, civitates & oppida Regni & reliquarum terrarum venire, eas ibidem deponere & venales habere. Sed jam Casimirus III. qui Prussos per deditionem in fidem recepit, sal transmarinum in Poloniam invehi vetuit, quia per ejus usum, redditus Regii ex salisfodinis minuerentur; quod patris sui interdictum, filius Joannes Albertus a. 1496 repetiit. Sigismundus I. a. 1510 mandavit omnibus Capitaneis, „quatenus debitum officii sui exerceant in prohibendo peregrino & extraneo sale, quodcunque veheretur ad ea loca, ubi usus salis Cracoviensis esse consuevit, sub poenis in Capitaneos constitutis,“. Idem Sigismundus I. a. 1520 interdixit „usum salis extranei cujuscunque, quod per mare adduci soleret, in locis universis terrarum majoris Poloniae, in quibus ex antiqua consuetudine uti soliti fuissent,“. Publicari autem hoc suum edictum Rex jussit, sex septimanis antequam usus salis extranei cessaret, ut illud interea omnes venderent, nec eo amplius uterentur, a die publicationis post sex hebdomades, neque illud in Regnum inveherent, sub amissione bonorum omnium & mercium, & ne quisquam eo uti auderet sub poena 14 marca-

marcarum, per eos, apud quos repertum fuerit, solvendarum. §. XXIV. Sigismundus tamen Augustus a. 1550 permisit, ut in scaphis, quae Gedano reverterentur, ad usum nautarum seu eorum familiarum, tunna seu dolium salis in quamlibet scapham reciperetur. *Herb. Stat. tit. Sal.*

T4) Vetita in Poloniam salis transmarini invectione, non solum jacturam fecit maritimum commercium, ac negotiatio salis minus fructuosa reddita, verum etiam in ipsa Prussia, a custodibus Polonis sal transmarinum interceptum est, solo obtentu ne clam in Poloniam veheretur. In primis de Capitaneo Tucholiensi saepe questi Prussiae Consilarii, quod sal antequam ad fines Prussiae devectum fuerit, passim omnibus adimeret. Addebant a. 1528: „quo crebriores ad aures Regias quarimoniae deferrentur, eo Capitaneum illum insolescere audacius,“. Proinde rogabant diligenter: „ut Regia Majestas pro Sua aequitate hujusmodi temeritatem jam tandem cohibere dignaretur, ne pauperum & innocentium lachrymae divinam super se ultionem inducerent,“. *Hist. Pruss. I. Doc. p. 53.* Nec vanae fuerunt Consiliorum preces, Rex enim quod ab officialibus suis Tucholiensibus factum, iniquum habens, in constitutionibus Terrarum Prussiae §. ex quo etiam „sub gravi sua indignatione prohibebat, ne cuiquam nisi ultra fines transgresso, sal adimeretur,“. Sigismundus Augustus Prussiae civitatibus, praesertim Thorunensi & Gedanensi mandavit, ne permitterent naves Polonas transmarino sale onerari, ut Bidgostiam & ulterius in Regnum veheretur. *Hist. Pr. II. doc. p. 88.* Sed a. 1567 sal transmarinum in Vistula detinebatur; ut qui navibus praepoliti jurarent, sal non ultra Thorunum vectum iri: quod tamen fieri Rex vetabat, libere per Prussiam sal vehi jubens. *Hist. Pruss. II. 356.* Regnante Stephano vectigalis ad album montem exactor, sal transmarinum adverso Vistula impendebat, & post frequentes preces, liberam salis navigationem permittebat, si quilibet juraret: se sal in suos tantum usus emisisse, non vero ut in Poloniam veheret. *Hist. Pruss. III. 427.* Agebant deinde cum Rege Gedanenses de libera transmarini salis per Prussiam vectura, in quo



§. XXIV. in quo Se Rex satis facilem præbebat, si modo vitaretur fraus, qua in detrimentum Polonicarum & Russicarum salinarum, sal illud per Regnum diffunderetur. Sed civitas fraudem quæ obiciebatur, ad se, & jura sua, nihil pertinere credens, liberam salis per Prussiam subvectionem, qualis antiquitus fuisset, petebat, absque novis exactionibus vel impositionibus. Ad quod Rex respondebat: sal non ademtum iri, nisi ultra fines in Poloniam & Prussia transisset: ac secutum Rescriptum Regium, ad salinarum Regiarum præfectum & vectigalis ad montem album exactorem, „ut, cum „juxta constitutiones Terrarum Prussiarum, ubique transmarini salis „intra Prussiam usus esse debeat, & multorum querelis relatum „sit, ad montem album, ob prohibitam importationem salis ejus „in Poloniam, multis modis usum eum inhiberi, velle Regem, ut „jura Prussiarum in suo statu permaneant, & ne salis transmarini negotiatio a quoquam deinceps intra Prussiam impediatur, custodia vero ea, quæ ad montem album ac aliis in locis nuper fuerit, „ad fines ipsos & loca in iis posita, juxta statuta & superioris temporis consuetudinem transferatur, ibique in eos, qui transvehendis ultra fines salibus, in edictum committant, animadvertatur, „*Hist. Pruss. III. doc. p. 135.* Addidit in portorii Tractatibus Stephanus, ut sal transmarinum exactionibus & impositionibus immune esset, ne publicani Poloni, ex sale illo, vectigalis aut alio titulo pecuniam exigere, aut ei imponerent. Nihilominus regnante post Stephanum Sigismundo III. tum Prussiarum Ordines, tum Thorunum, Gedanum ac civitates aliarum sæpe questæ, publicanos & salis Poloni præfectos, subvectum Gedano transmarinum sal, ad album montem, Fordanum, Dubaviam & alibi detinere, pecuniam ex illo exigere, & veluti mercem prohibitam fisco addicere, mandatis Regiis adversus eos parum proficientibus. Neque Vladislai IV. & Successorum regna ejusmodi querelis carperunt, quibus auctoritate Regia & suis decretis finem statuere Prussi conabantur. A. 1660 cum subesset metus, ne salis transmarini intra Prussiarum terras libera divendendi, ullo modo, seu exactionis indebitæ prætextu, præcideretur facultas, Nuntiis hoc negotium in comitiis ita commendabatur, „ut juribus tam Terrarum ge-

„nerali-

„neralibus, quam civitatum peculiaribus privilegiis, per omnia §. XXIV. „inconcussa indemnitas, civitatibusque intra has terras cum eo „commercandi antiqua maneret libertas, „*Hist. Pruss. VII. Doc. p. 140.* Ad Nobilitatis Sluchoviensis querelas, salem transmari- num, licet nondum finibus Regni appropinquantem, in oppido Fridlandensi innocentibus adimi, Ordines salem fines terrarum Prussiarum non egressum intercipi, a. 1671 vetabant, & si alicui eo nomine vis facta fuerit, id publica terrarum Prussiarum auctoritate vindicatum iri promittebant. A. 1682 novæ ad Ordines deferrebantur querimoniarum, aliquos *Officiales* invectionem salis transmarini in terras Prussiarum impedire, imo eundem adimere velle, quod Ordines maxime iniquum & libertatibus ac constitutionibus hujus provinciarum repugnare existimantes, & libertatem hanc integram & illibatam esse cupientes, auctoritate conventus sui generalis edicebant, „ne quisquam in posterum invectioni & consumptioni „salis transmarini obesse auderet, „Sequenti tamen anno, Rex ad augendos suos ex salisfodinis redditus, Prussis usum salis Poloni ita commendabat, ut transmarino plane abstinerent. Sed Nuntiis mandabatur, liberam salis transmarini in terras Prussiarum invectionem in comitiis tueri. Nec minus frustra eorum erant conatus, qui a. 1718 in aula agitabant, invectionem salis transmarini in Prussiam interdici, & Gedanenses ejus commercio privare. Contra injungebant a. 1730 suis Nuntiis Prussi, providere in comitiis, „ut invectio salis Wielicensis & Samboriensis in magnam Ducatum Lituaniæ, absque inhibitione libera invectionis „salis transmarini in Lituaniam fieret, & ne a Rege Prussiarum civitas Elbingensis, in salis transmarini libera invectione impederetur, „*Hist. Pruss. VIII. 53. 220 - 222. Doc. p. 37. IX. Doc. p. 62.*

§. XXV.



§. XXV.

§. XXV.

*Cursus Vistulæ in antiquam conditionem re-  
stituendus.*

Quia etiam Vistulæ fluminis cursum, nonnullis in locis averti civitas quæstæ fuit, ne quocunque prætextu is derivetur, aut quid in eo fiat, quo deterior, quam antehac fuerit, navigatio fiat, statuimus prohibemusque U 4): ac si quid antehac turbatum fuerit, in pristinam causam omnia restituemus, & restitui faciemus V 4).

U 4) Vistulæ cursus a civitate Gedanensi averti coepit, fossa, regnante Sigismundo Augusto, ex Vistula in Nogatum, ad montem album & Muntavum ducta, per quam major vis aquæ in Nogatum derivata est, ut cursus Vistulæ Gedanum versus, languidior, & navigatio redderetur difficilior, portusque Gedanensis, Vistula arenam quam mare in portum exonerat, sua rapiditate, ut antea, non submovente, minus profundus evaderet. In conventu Thorunensi a 1581 eadem civitas Thorunensis, reliquis Consiliariis exponebat ultimum discrimen, quod navigationi Gedanum & Regimontum versus, tum utrique insulæ trans Nogatum, ex inundationibus immineret, si omnis ex Vistula aqua se per fossam illam, in Nogatum effunderet, & aggeres Nogati, continendo aucto nimis flumini impares, perrumperentur. Addebant Gedanenses, posse hanc calamitatem post annum unum contingere. Quare Consilarii, Palatino Pomeraniæ, Castellano Elbingensi & majoribus civitatibus, committebant, ut locum illum, unde tantum periculum, coram inspicerent: qui metum haud esse vanum deprehendebant, fossa initio quatuor, jam duodecim

§. XXV.

decim imo sedecim perticas lata, & ex quatuor pedibus quatuordecim profunda, & inde longe maiorem copiam aquæ ex Vistula recipiente, quam fluvius ille retineret, ad cursum suum in mare continuandum, ut inde profundum portus Gedanensis, ex ulnis novem ad quinque redactum esset. Sed quasi sola inspectio sufficeret, de remedio adversus malum non cogitabatur. *Hist. Pruss. III. 413.* Hinc Gedanenses, cum de portorio agerent, petebant: „ut Rex non tanquam ex quarumvis partium controversia, „id enim nimis longum & perplexum foret, sed ex motu suo „proprio, ex Regio munere & auctoritate, utpote quod ea res totius Regni & Terrarum Prussiæ utilitatem & dignitatem concerneret, quo fluvius in omnem necessitatis casum Regno integer conservaretur, neve in flumine publico quid aliorum facto committeretur, quo deterior nunc quam antiquitus esset navigatio; „Commissarios suos primo quoque tempore designare dignaretur, „qui intelligerent, quanti totius Regni interesset, fluminis profunditatem in suo veteri statu retineri, quique in re præsentī cognoscerent, & si quid turbatum fuerit, in pristinam causam omnia restituerent. Animadvertere enim civitatis Ordines haud obscure, non solum ex parte Illustris Ducis Prussiæ isthanc fluminis derivationem, ad portum Regiomontanum sensim juvandum maxime promoveri, sed nonnullos etiam Majestatis Regiæ subditos, pro qualicunque supenolumento, fluvium variis fossionibus magis ac magis ad se vertere, adeo ut nisi Ipsa Regia Majestas animum hanc ad rem serio adjecerit, brevi futurum esset, ut vacua vix navigia, nedum mercibus onusta, ex Regno Gedanum usque defluere potuerint, & totus denique fluvius in lacum Habum & Nogatum exoneraretur, pariterque transvectio mercium ex Litvania & versus Litvaniam penitus præcideretur.

V 4) Finitis tractatibus portorii, Rex precibus Gedanensium annuens, a. 1584 Palatinum Pomeraniæ & alios delegit Commissarios, qui fossam lustrarent, & auditis rationibus eorum, qui de illa contenderent, Vistulæ navigationem in pristinum statum restituerent. Aderant a Rege vocati Ducis Prussiæ legati, & civitatum



§. XXV. tatum Elbingensis, Gedanensis, Mariaburgensis, Varšaviensis & Brombergensis internuntii, ex quibus Ducis Prusiae legati statim abierunt, quia in modo quo Commissarii Regii negotium aggredi volebant, dissentiebant, Varšaviensibus & Brombergensibus satis erat, si portus Gedanensis digna haberetur ratio, inter Elbingenses, quibus se Mariaburgenses junxerant, & Gedanenses erat contentio, illis fossam tuentibus, Gedanensibus ut fossa expleta, facilis navigatio quae fuit olim, Vistulae redderetur, potentibus. Commissarii compositione frustra tentata, medianam viam eligentes decernebant, fossae latitudinem ad quatuor perticas redigendam, ejusque orificium utriusque partis sumtibus constringendum esse, insulam vero inter Vistulam & fossam, contra aquae vim, palis & aggeribus Gedanensium impensis muniendam esse. A qua sententia Elbingenses & Mariaburgenses, ne fossa angustior redderetur, Gedanenses contra sibi impositos sumtus, ad Regem appellabant. Rex in judicio relationum, decreto Commissariorum approbato, hoc addidit: „ut Commissarii iterum ad fossam se conferrent, & quoniam insula palis muniri sine magnis sumtibus non posset, civitates Elbingensis & Gedanensis viros idoneos & ejus rei peritos conquirerent, qui coram Commissariis deliberarent, num potius machinis aliquibus vel aedificiis ex aggeribus prominentibus, cursus fluminis coarctari posset, ut major fluminis pars Gedanum demitteretur, Nogato navigabili permanente. Si vero tales viri haberi, vel commoda ratio ad reparandum & muniendum, reperiri haud potuerint, ut demum ex praescripto decreti Commissarialis munitio fieret, . . . *Hist. Pruss. III. 438. 439. Doc. p. 157.* Aderant a. 1586 Commissarii ad fossam, & opus, quo ad quatuor perticas fossae latitudo redigeretur, inter Elbingenses & Gedanenses partiebantur, quod perficere cum Gedanenses prompti essent, Elbingenses recusarent, Stephanus dum viveret, Vistulam in antiquum statum, seu causam, ut ipse vocat, restituere haud potuit. . . *Hist. Pruss. III. 470. 471.* Sic quod Stephanus non praestitit, Serenissimis Successoribus relinquebatur, Qui tum ad Prussorum, tum Elbingensium, Gedanensium aliorumque preces, negotium hoc non neglexerunt. Inde consilia

consilia de idoneis remediis, Commissiones ad inspiciendam fossam & Vistulae ad Muntavam conditionem, pecuniae in structuras collatae, & structurae susceptae: quae singula recensere longum foret, & forsitan sine tardio non legerentur, possunt tamen in historia Prussica passim legi. Quicquid autem adversus mala, quae jam Stephani tempore Gedanenses senserant aut metuerant, tentatum, minus successit, perruptis enim Nogati aggeribus, insulae trans hunc fluvium saepe inundatae, navigatio Gedanum versus, aquae penuria frequenter interrupta, & portus Gedanensis aegre & aliquot millionum impendio a civitate servatus, superestque metus non vanus, cessaturam in Vistula navigationem, nisi alio modo, quam adhuc, subveniatur.

§. XXV.

## §. XXVI.

*Ne peregrini in pagis, villis & civitatibus  
commercia exercent.*

Cum etiam mercatores, & praesertim peregrinos, in Nobilitatis ac civitatum injuriam, pelles, frumenta, humulum, ceram, linum, & alia mercium genera, in villis ac pagis emere, vendereve & opificia ac negotiationes illicitas, contra publicas terrarum Prussiae constitutiones, exercere solere intellexerimus X4), firmiter posthac, ne id de cetero fiat, prohibemus, statuentes, ut nemo posthac peregrinorum, contra jura, privilegia & consuetudines terrarum Prussiae, ulla in civitate locove alio negotia exercent Y4).



## §. XXVI.

X 4) Questi antea civitatis Ordines de Schotlandia, Episcopi Cujavientis, prope Gedanum, pago, ut possit pro suburbio haberi: „quod ibidem civilia commercia & omnis generis „opificum artificia tractata, usurpata, & exercita, contra terrarum libertates publicas, & expressum civitatis privilegium, in „damnum multorum mercatorum civium, & plerorumque consuberniorum perniciem, Et cum Rex respondisset „spectare „id ad aliorum privilegia, propterea absente una parte decerni „quicquam non posse, servari tamen debere, si quid privilegiis „& usu bono approbatum, Ordines contra: „nihil manifestius „esse, quam civitatis privilegium, per quod nulla civitas, neque „arx intra quinque milliaria circumcirca deberet edificari, erigi „aut renovari perpetuis futuris temporibus; item terrarum Prussiarum constitutiones, quæ vellent, res venales in urbibus & per „consequens non in suburbiis, villis aut pagis, distrahi debere, Sed Rex priorem responsionem non mutans, *præjudicialia* ad iudicia remittebat. *Declar. Ord. plag. Gg. p. 4. pl. Mm. p. 1. pl. Oo. p. 4.* Postea, cum de portorio ageretur, Rex civitati proponebat, ut vel jure cum Episcopo ageret, vel cum eo de permutanda Schotlandia aut alio modo transigeret, in quo Rex Suam civitati curam pollicebatur, ac Se Episcopum monitorem, ut ad æquitatis rationem se adduci patiatur. Ad quæ civitatis Ordines: „nihil se in Episcopi præjudicium, causa non cognita, cupere, putare se tamen, ad superioritatem Regiæ Majestatis pertinere, ut „uniuscujusque privilegia facta tecta sint, in primis vero ut constitutiones publicæ terrarum inviolatæ ab omnibus observentur: „iis enim prohiberi, ne mercatores & præsertim peregrini, in Nobilitatis & civitatum injuriam, quævis mereium genera in villis „ac pagis, clam & publice coëmere, & negotiationes illicitas exercere debeant. Divum quidem Antecessorem, in responsis suis ad „petitiones civium Gedanensium promulgatis, censuisse, ut Episcopus privilegium, quod in contrarium prætenderet, exhiberet, id vero hæcenus exhibitum non fuisse. Interim cum gravissimo civitatis præjudicio ac detrimento, opificia & negotiationes eo loci, quasi nova quæpiam civitas esset, exerceri non desisse,

## §. XXVI.

fuisse, idque magis ac magis in dies progredi, eo plane posthabito, quod Divi Casimiri privilegium disponderet, ne intra quinque milliaria germanica circumcirca civitatem perpetuis temporibus, ulla arx vel civitas construi, edificari vel renovari deberet. Accedere huc, quod ejus pagi incolæ, merces ex navibus in flumine infra civitatem stationem habentibus, clam & noctu plerumque, non exiguo numero ad se aveherent, eoque modo civitatis portorium interverterent. Taceri, omnis generis sordes, mortua etiam pecora, in profluentem passim projici, ejus fluminis aqua deinceps omnes ferne puteos & canales civitatis impleri, unde majorem aliquando pestem vel contagionem, quam ex quovis aëris infecti vitio civitatem invadere posse. Quibus ex rebus omnibus, quamvis gravissimæ essent causæ, jus civitatis strictius exequendi, tamen quoniam per se difficile esset, cum Episcopo jure contendere, ac ipsius potius gratiam & favorem Ordines non inutilem civitati existimarent, nunc quidem a jure superfedere & compositiones tentare malle, ideo præsertim, quod Regia Majestas ea in re civitati curam clementissime polliceretur, ad Episcopum movendum, ut ad æquitatis rationem eo libentius se adduci pateretur: jure interim civitatis, si æquum obtineri non potuerit, undequaque salvo. Nulla ergo in Tractatibus Schotlandiæ fit mentio, sed citantur constitutiones terrarum Prussiarum, quæ *§ cum etiam mercatores* „merces in villis ac pagis, a mercatoribus præsertim peregrinis, sive exoticis hominibus, clam & publice coëmi, ac negotiationes illicitas exerceri prohibent, statuentes ut deinceps subditi, dominorum merces „& res suas vendibiles, in civitates juxta veterem consuetudinem „ducant, & in foro publico venales exhibeant, legitima tamen „dominorum suorum cum pellibus ferarum & bestiarum silvestrium habitatione, alioqui emitoribus equos & currus, venditoribus autem res venditas a Præfectis Regiis adimendas & confiscandas esse. Addit Rex opificia, cum constitutiones de solis negotiationibus loquantur, idque factum propter Schottlandiam videtur, quia de opificiis, quæ ibi exercebantur, Gedanenses questi erant.



## §. XXVI.

Y4) Tractatibus portorii confectis, die 9 Febr. 1584 Rex ad Prussos, qui in terris jurisdictionem exercebant, & in civitatibus magistratum gerebant, rescribat: „ut privilegiis quibus-  
„cunque, si quæ forte contra jus publicum ac prisca civitatis (scilicet Gedanensis) ac terrarum Prussiæ jura & privilegia emanarint,  
„non obstantibus, nemo posthac peregrinorum contra jura & privilegia terrarum Prussiæ, ulla in civitate locove alio, negotia  
„exerceret, sub poena in constitutionibus terrarum Prussiæ expressa: addito ad omnes & singulos, præsertim Magistratus, serio  
mandato, ne suam hac in re auctoritatem atque officium, quoties requisiti fuerint, desiderari paterentur. *Hist. Pruss. III. doc. p. 144.* Hoc rescriptum in conventu ordinario Mariæburgensi, a. 1584 Consiliariis Gedanenses exhibebant, ut publicaretur, rogantes; quod in foro a scriba Palatini Pomeraniæ & ministeriali fiebat, Elbingensibus voce & scripto frustra contradicentibus, quia metuebant, ne societatis mercatorum Anglorum, quæ Elbingæ sedem fixerat, & de qua ad sequentem § agetur, negotiatio rescripto illo impediretur. *Hist. Pruss. III. 436.* Jam sub Ordine Teutonico a. 1434 Nobilitas & civitates, in Elbingensi conventu sanxerant, ne frumentum & aliz merces in pagis cõmerentur, sed ut in foris civitatum venales essent. Et a 1439 ad Ordinis supremum Magistrum deferrebat querela, quod contra leges, peregrinis in pagis & civitatibus, promiscue negotiationem exercere permetteretur. *Schürz hist. Pruss. f. 124. p. 1. f. 133. p. 2.*

## §. XXVII.

*Ne privilegia exercendorum commerciorum, contra jura dentur, & data pro irritis habeantur.*

Neque etiam in contrarium, ulli exercendorum commerciorum privilegium aut jus tribuimus,

mus, Successoresve Nostri tribuent Z4): Si quæ §. XXVII. etiam contra jus publicum ac prisca civitatis ac terrarum Prussiæ jura privilegiaque, in contrarium emanarint, ea præsentibus hiscẽ irrita abrogataque esse volumus. A 5).

Z4) Proximo § vetuit Rex, quemquam peregrinorum, contra jura, privilegia & consuetudines terrarum Prussiæ, ullo in loco negotiationem exercere. Præsentem pergit, Se & Successores, in contrarium nulli exercendorum commerciorum privilegium aut jus duros esse: quod jam Casimirus Gedanensibus in privilegio ipsorum generali seu præcipuo (Haupt-Privilegio) promiserat, scilicet, neminem extraneorum privilegium negotiandi habiturum; ac Stephanus repetit, utque non pro sola sua civitate, sed pro universa Prussia repeteret, Gedanenses oraverant: moti, quod Elbingenses, instituta apud se societate mercatorum Anglorum, non solum Anglis, sed etiam aliis peregrinis, cum peregrinis negotiandi libertatem concesserant. Exponebant enim Regi Gedanenses: „illud unum civitatem suam maximo incommodo afficere, quod & Anglis & ceteris extraneis, Elbingæ libertas concederetur, cum exteris peregrinis negotiandi & commercandi, idque contra publicas terrarum Prussiæ libertates introduci: Antiquitus enim & more majorum, incolis saltem terrarum & civitatum, cum exteris licuisse contrahere & mercimonia exercere; atque hanc ipsam liberæ negotiationis facultatem, iisdem Anglis etiam Ordinis tempore, non semel publice fuisse interdictam. Hoc jus, quod in Prussia publicum esset, & ad omnes civitates, atque & conjunctim pertineret, quamquam Elbingenses sua privata auctoritate, non potuerint neque possent, in publicum præjudicium quidquam constituere, ea tamen privata concessione non modo plane subverti, verum etiam totius negotiationis fructum & usum a civibus & incolis, cum domestico incommodo maximo, ad extraneos transferri; qui hoc modo rem familiarem



§.XXVII., rem civibus & incolis plane præriperent. Idque incommodum, etiam ad publicos portorii proventus redundare. Jam metuebant Gedanenses, ne Rex mercatoriam Anglorum societatem Elbingæ, & commercia eorum cum quibusvis, privilegio aliquo confirmaret, quem metum Rex exemturus, asseverabat, nullam adhuc a societate Elbingensi propositarum conditionum a Se confirmatam, neque totum hoc negotium ulterius progressum esse, quam quod Angliæ Regina, aliquem cum idoneis mandatis mittere velit, qui de stabili perpetuaque ejus negotii ratione agat. Tractatibus portorii nondum finitis, veniebant mense Januario a. 1584 Grodnam ad Regem, legatus Regiæ Angliæ, societatis Anglicæ Præfectus seu Magister, ac Præconsul & Consul Elbingensis, ut conventionem triginta tribus capitibus constantem, quam Elbingenses cum societate, Regis nomine, Rege tamen inscio inierant, confirmaret. Rex ut de tota causa edoceret, nominabat Commissarios, qui tractatibus portorii jam confectis, mense Julio dicti anni, Elbingam veniebant, ubi & Gedanensium internuntii aderant, qui non solum societatem illam juribus adversam, sed etiam perniciosam demonstrabant, ac simul conventionem Elbingensium cum Anglis confutabant; Commissarii autem nihil decernentes, negotium integrum ad Regem referebant. Regis declarationem audituri, Anglicus legatus, & Elbingensium ac Gedanensium internuntii Lublinum proficiscebantur, ubi Rex novos Commissarios legebat, qui negotium hoc a se expensum ad Regem, Rex ad Senatum in comitiis remittebat, Senatus vero societatem illam, quia monopolium, Regni legibus vetitum, exerceret, illicitam declarabat, relicta Anglis facultate, more veteri, Elbingæ, Gedani, Rigæ & in aliis Poloniæ civitatibus maritimis, cum solis civibus negotiandi. Post annos aliquot, Anglicæ societas Elbingæ desit. *Histor. Pruss. III. 437. 438. 439. 440. 458.* Quod sigillatim ad Gedanenses attinet, ut sub Ordine Teutonico, nemini negotiatio promiscue cum exteris & civibus, ac alia quibus mercatores cives fruebantur, nisi civi mercatori permittebantur, ita Casimirus, in citato antea Privilegio generali, nullum extraneum negotiari, imo ne habitare quidem in civitate voluit, nisi Præconsulum, Consu-

Consulum, Scabinorum & totius communitatis, seu, ut hodie loquimur, omnium Ordinum consensu, quorum consensu, extraneo in numerum civium mercatorum recepto, obtinebatur. Hoc jus civium mercatorum, supremus Ordinis Teutonici Magister per privilegium non civi largiri nequibat, in quo non major Regum est auctoritas, quod ex testimoniis Casimiri & Stephani patet. Non ergo 1677 & 1680 tribus incolis Gallis, Regium privilegium, quo illis, cum cives non essent, mercaturam exercere permittebatur, profuit; neque 1660 & 1733 duobus opificibus, ut cum suo opificio, simul mercaturæ operam navare possent.

A 5) Turbarum Gedanensium tempore, Elbingenses a Rege privilegium impetraverant, quo apud ipsos extraneis liceret cum extraneis negotiari, quod leges alias extraneis cum solis civibus permittunt. Gedanensibus in gratiam receptis, Rex in conventionem Mariæburgensi, omnia privilegia, Gedanensi civitati noxia, ac turbarum tempore concessa, aboleverat. Ad hanc conventionem civitatis Ordines provocantes, Regem orabant, ut privilegium illud sua auctoritate tolleretur, ne ideo sibi cum Elbingensibus controversia suscipienda esset. Ex qua ratione, Rex privilegia, contra jus publicum ac prisca civitatis ac terrarum Prussiæ jura data, irrita abrogataque esse voluit, simul Serenissimis Suis Successoribus viam monstravit, qua privilegia juribus adversa abolere possent. Neque silendum, per civitatis jura & privilegia, Gedanensis civitatis jura intelligenda esse, ut Rex in Rescripto suo, nota Y 4). ad §. XXVI. citato, intellexerat.

## §. XXVIII.

*Monopolia exercere minime licet.*

Monopolia B 5) etiam, quæ in fraudem istius civitatis institui, vel exerceri possint, vetita & sublata esse volumus C 5).

O

B 5)



## §.XXIIX.

B5) In numerum privilegiorum adversus jus publicum, ac prisca civitatis Gedanensis & terrarum Prussiae jura, referenda sunt, privilegia Regia, quibus uni, aut paucis admodum, societate inter se junctis, exclusis mercatoribus reliquis omnibus, certae mercis negotiatio indulgetur, qualis negotiatio, monopolium vocari solet, ac in civitatibus Hanſaticis non ferebatur, ubi cives promiscue, quascunque vellent, negotiationes exercebant. Hic mos Ordinis Teutonici tempore, Gedanum, inde in alias civitates ac totam Prussiam migravit, & ad Regnum Sigismundi Augusti integer mansit, sub quo ut alia nova, etiam monopolia datis privilegiis inducta sunt. Primum exemplum a. 1564 occurrit, quo Rex aulico cuidam, Graiowski, jus concessit, ut solus Gedani & Regimonti viginti duo millia lastarum salis transmari- ni emeret, & in quasvis Regni provincias, tum terra tum flumine, veheret, neque cuiquam liceret, saltem in Polonia, Lituania, Prussiam mittere, priusquam Graiowski, eam a se salis copiam vendidisset. Id cum contra commerciorum libertatem & Prussiae jura factum, civitates metuebant, ne ejusmodi privilegia etiam pro ceteris mercibus obtinerentur, totumque cum Polonia & Lituania commercium, a civibus ad alios, & a multis ad pauculos transferretur. Hæc Prussiae Consilarii Regi exponentes, orabant, ut privilegium illud aboleretur, neque ejusmodi facultas in posterum alicui contingeret: priusque, idem petentibus in Petricoviensibus comitiis a. 1565 Nuntiis Polonis, factum est. *Hist. Pruss. II. 314. Constit. Vol. II. p. 698. edit. nov.* Sed accidit sequenti anno, ut Joannes Kmitha, solus jus emendi vendendique in Polonia & Prussia ceram, ac in transmarinas regiones dimittendi obtineret, commercio ceræ omnibus aliis, jactura mercis & multa decem millium florenorum interdicto. Quare agenti in aula Regia Gedanensium Syndico, Cleopha Majo, Prussiae Consilarii committebant, ut expositis, quæ contra monopolium allegari possent, efficeret, ut illo sublato, liberum ceræ commercium redderetur. Idem a Rege petebant in litteris suis Consilarii, addentes: monopolium illud ad ditandos Hebræos permixtum dici, & ferendum non esse, ut cum jactura multorum, unus locu-

plete-

pletetur. Fine anni 1567 Prussi voti sui compotes facti sunt, ceræ monopolio sublato. *Hist. Pruss. II. 331. 332. 352. Doc. p. 169. seq. 173.*

## §.XXIIX.

C5) Ut taceantur jura, etiam in fraudem seu damnum civitatis monopolia exercentur, cum lucrum ex mercibus, quod ad omnes cives pertinere debet, uni aut paucis obveniat, civitatis autem interfit, non unum & paucos sed omnes locupletari: cujus damni Prussiae Consilarii, sine proximæ notæ, mentionem fecerant. Nec minus est contra civium æqualitatem, unum aut paucos præferri ceteris, quos omnes, communia jura æquales reddunt. Cæterum recte sentiebant de monopolis, hoc titulo, Karnkovicianæ constitutiones: „esse hoc negotiationis genus per se „periculosissimum, & civibus hujus urbis multisque aliis Regni „civitatis, victum honestum præripere, atque negotiatorem „suum & fidem ejus sequentes funditus perdere, „Proinde sanciebant eadem constitutiones, „ne quis deinceps monopolium „quarumcunque mercium, præsertim earum, quæ ad victum specta- „rent, vel aliarum quarumcunque, quocunque colore & prætex- „tu institueret, vel exercebat, & qui secus faceret, e civitate & „jure civitatis, perpetuo excluderetur, „Quia vero constitutio- nes illæ a Gedanensibus pro legibus habitæ nunquam, eademque per portorii Tractatus abrogatæ erant, ac constitutiones de solis civibus & incolis Gedanensibus loquebantur, civitas verò optabat, ne etiam aliis quam civibus & incolis suis, a Rege monopo- lia permitterentur, curandum erat, ut lege aliqua omnibus monopolis occurreretur; præsertim cum illo tempore, nonnulli mercatores exteri, privilegium, quo sibi solis quarundam mer- cium aliunde advectarum & quidem aromatum negotiationem exercere liceret, obtinere conarentur. Quare per portorii tractatus omnia monopolia interdicenda erant, ne instituerentur, & si instituta abolerentur. Nihilominus impetrarunt a. 1650 Scoti aliquot in Polonia, tabaci, & a. 1665 civis quidam Gedanensis, ni- tri monopolium: a quo civitas jus suum tueri non omisit.

O 2

§.XXIX.



## §. XXIX.

## §. XXIX.

*Possessiones civitati assertæ.*

Ad possessiones civitatis D5) quod attinet, intelligimus Divi Casimiri Regis beneficio plerasque ad civitatem pertinere E5). Itaque cum hæc privilegia ejus generis sint, ut nullam omnino dubitationem habeant, clementer fane nostra etiam auctoritate, illa confirmamus F5), utque in perpetuum eas civitas, quemadmodum antehac possedit, eo, quo qui optimo jure possident, possideat teneatque consentimus. Præter has, si quas a posterioribus Regibus, vel privato emtionis aut permutationis titulo civitas habeat G5), in quibus dubitationis aliquid sit H5), quas exiguas esse Nobis indicatum est I5), etsi diverso jure a civitate possideantur L5), eandem tamen illarum rationem esse judicamus, ut nimirum non modo ex dignitate, sed usu etiam communis Reipublicæ esse arbitremur, quo ex perpetuo penes civitatem permaneant. Itaque quantum in Nobis est, non modo Ipsi in eo jure civitatem non turbabimus, sed si quid est, quod objici contra id possit, ad id in publico Regni conventu tollendum, clementiam operamque Nostram civitati deferimus, ut de iis comitiorum quoque auctoritate civitati caveatur M5).

D5)

D5) Habet civitas possessiones amplas & tractus integros, §. XXIX. pagis frequentes, alias bona civitatis patrimonialia dicta, quia ejus patrimonium constituunt & in ejus usum administrantur, suntque insula Stüblaviensis, Neringa, pagi montani, Hela oppidum, ac tractus adilitius vulgo Bauamt, insulæ Stüblaviensis portio, ab ea tamen sejunctus, habetque alium administratorem, ac aliam quæ oeconomiam curat functionem, quam insula. Nihil de possessionibus, portorii tractatibus fuisset insertum, nisi quædam illarum, sub Sigismundo Augusto, Alexandrini Statuti obtentu, judiciis & decretis fuissent oppugnata, quasi a civitate minus legitime tenerentur. Meminerunt hujus injuriæ civitatis Ordines a. 1576, in responso ad legationem Stephani: „bona civitatis publica, ad executionem Alexandrini statuti perperam trahi coepisse, cum neque hoc, neque ullum aliud Regni statutum, neque Prussiæ terras conjunctim, neque civitatem hanc separatim obliget vel concernat. Neque æquum esse, Dominis Regni Consiliariis concedi, ut omnia quæ in civitatis favorem extra Regni comitia sint introducta, rejiciant, nihil enim ad Ordines civitatis ejusmodi comitia pertinere, & ea sarta tecta conservari benignius esse, quæ Serenissimi Reges, vel in terris Prussiæ, vel extra terras Ordinibus indulserint, cum hac in parte præter Regiam Majestatem alios Dominos non agnoscant. Multa etiam in actionibus executorialibus contra publicas terrarum libertates, cum maximo civitatum præjudicio esse attentata, quin imo nonnullos Dominorum eadem civitatis bona, sibi potius dari, quam Ordinibus conservari voluisse, id eo gravius Ordinibus accidisse, quod bona sua civitas non a Regno lucrifecerit, sed una secum ad Regnum attulerit, eaque longe ante, quam Divus Alexander regnare cœpisset, iusto & legitimo titulo possederit. Quare postea orabant Regem Ordines, ut ea quæ adversus bona civitatis olim acta rescinderentur: quod cum Rex ad comitia rejiceret, respondebant Ordines, „non minus iustum quam æquum videri, ut statim aboleantur, neque ad comitia differantur, injuria tam manifesta, ut nulla probatione egeat. Et alio tempore addebant: „executionis negotium tale esse, ut si Sacra Regia

O 3

„Ma-



§. XXIX. „Majestas Ordines penes privilegia conservare voluerit, quemadmodum non semel polliceri dignata, certum sit, omnia ipsorum bona terrestria, quæ privilegiis ita innitantur, ut ab iis nulla ratione avelli possint, ipsis per omnia salva futura esse, neque vel comitiarum, vel aliquam aliam cognitionem, neque executionis rigorem desiderare.„ *Declar. Ord. plag. K. p. 3. pl. Aa. p. 8. pl. Ff. p. 6. pl. Ll. p. 3. pl. Oo. p. 2. pl. Rr. p. 3.* Sed Rege mentem suam non mutante, expectandum erat, donec de portorio tractatio institueretur. Hoc loco, de statuto Alexandrino & statuti hujus executione supra citatis, aliquid adjiciendum est, præsertim cum & nostra ætate sint, qui ex hoc statuto tela in quasdam Gedanensium possessiones depromant. Intelligitur per Alexandrinum statutum, lex regnante Alexandro, in comitiis Petricoviensibus a. 1504 lata, qua vetitum, bona mensæ Regiæ, postquam exempta vel alio modo ad Regem devoluta, appignerare aut donare, nisi in comitiis pro Reipublicæ necessitate Senatores consenserint, aut summas jam inscriptas augere, cum qui aliter pecuniam numeraverint, cum pecunia simul honorem perdituri sint. *Constit. vol. I. p. 298. edit. nov.* Neglecta hæc lex, donec 1550 Regni Ordines urgerent, ut veteres leges, in quarum numero statutum de bonis mensæ Regiæ non alienandis, ad executionem deducerentur, ac in sola hujus statuti executione acquiescerent. Nihil ea ad Prussos pertinebat, statuto illis absentibus in comitiis sancito, neque postea ab iis approbato, cum non aliis, quam quas ipsi in suis conventibus generalibus ferunt, aut quibus in Regni comitiis ex mandato suæ provinciæ assentiuntur, legibus teneantur. Quare supremus Regni Cancellarius Ocziecki, cui in comitiis a. 1562 mandatum, decreto pro executione Statuti Alexandrini, etiam Prussos inferere, id inique fieri declarabat, Prussis non auditis & statutum Alexandri ignorantibus, nisi quod ex aliorum sermone de eo accepissent, quique Regni legibus non obligarentur. *Hist. Pruss. II. 222.* In quo Historiæ Prussiæ volumine, multa inveniuntur, ex quibus satis constat, Prussos nullo jure, ad executionem statuti Alexandrini adactos esse. Et quod speciatim ad Gedanensium possessiones, non fuerunt in illo-

illorum bonorum numero, de quibus statutum Alexandrinum §. XXIX. loquitur.

E5) Casimirus, eodem anno, quo cum Prussia Gedanum in ditionem suam recepit, civitati donavit Neringam, insulam Stublavensem & pagos aliquot, montana versus sitos, qui ideo montani dicuntur, hancque suam donationem, in privilegio præcipuo, seu generali (Haupt-Privilegio) confirmavit. *Curicke hist. civ. Gedan. p. 150. 151. 153.* Non tamen erat mera & gratuita donatio, aut beneficium, ut Stephanus vocat, sed donatio & beneficium ex pacto, Prussia Casimiro præter alias, ea conditione oblata, ut quisque retineret, quæ ex Ordinis Teutonici possessionibus occupasset, qua conditione cum aliis probata, Rex Gedanensibus bona quæ jam tenebant, reliquit. *Schützii Hist. Pruss. f. 199. p. 2.* Deinde pro possessionibus illis, Rex Sibi & Successoribus pactus duo aureorum millia annua, gratuitum convictum, seu stationem singulis annis per dies tres, palatium, stabulum & horreum vulgo granarium. *Curicke pag. 151.*

F5) Ideo confirmatione Stephani opus esse videbatur, quia Sigismundus Augustus, contra Casimiri privilegia, partem possessionum ab illo collatarum seu relictarum, ad Se pertinere crediderat, illorum secutus consilia, qui Gedanenses omnibus possessionibus sensim exuere conabantur. Hinc a. 1570 in insula Stublavensi pago Weslinke, & arce Grebinensi cum suo agro, Sibi cedere jussit, etiam ad judicia sua Gedanenses citans, Neringiam vero totam eodem anno Castellano Raveni Nic. Firleio donavit. Sed civitas juri suo confisa, in litem se non immisit, verum per suam constantiam possessiones integras retinuit, morte Sigismundi Augusti, a. 1572 defuncti, subveniente. Dum vero Stephanus bona a Casimiro collata civitati confirmat, simul declarat, ea optimo jure possideri, ut civitatem ab illis tutam redderet, qui aliquando eam in bonorum possessione turbare auderent.



§. XXIX.

G 5) A bonis ex beneficio Casimiri, transit Stephanus ad bona, quæ civitas habet a posterioribus Regibus, emtionis aut permutationis titulo. De permutatione prius, post de emtione dicendum, quia permutatio emtione est vetustior. Contigit permutatio sub Casimiro, quam Sigismundus I. confirmavit, quo modo permutatio ad duos Reges referri potest. Cum enim pace Thorunensi a. 1466 Casimirus partem Neringæ, quam totam Gedanensibus concesserat, Ordini Teutonico redderet, Gedanensibus eodem tempore promittebat, se partem illam Neringæ compensaturum, factumque, ut ipsis oppidum Helam conferret, nullis tamen litteris, quæ hujus rei fidem facerent, sive ab Ipso Casimiro, sive ab Ejus Successoribus Joanne Alberto & Alexandro impetratis, quas demum a Sigismundo I. a. 1526 civitas obtinuit: „Qui Præconsulibus, Consulibus, Scabinis & universis civibus „Gedanensibus, oppidum & bona Regia, Hela nuncupata, quæ „hactenus sine privilegio Prædecessorum, in compensationem ta- „men aliorum bonorum suorum, quæ Serenissimus olim Geni- „tor, Rex Casimirus, tunc Magistro Generali ac ejus ordini Teu- „tonicorum in Prussia dedisset, tenuerint, cum omnibus & sin- „gulis eorundem bonorum juribus, proprietatibus, judiciis, uti- „litatibus, proventibus, fructibus & emolumentis, quibuscun- „que nominibus appellarentur, quæ essent aut etiam in posterum „fieri possent, nullis exceptis, de certa Sua & Consiliariorum „Suorum tam Regni Polonia quam harum terrarum ac civitatum „Prussiæ, scientia, consilio & consensu, donanda & inscribenda „duxit, donavitque & inscripsit, jure perpetuo & hæreditario, „possidenda, tenenda, habenda & uti fruenda, „ *Curicke p. 159.* Non ergo novas possessiones Sigismundus I. contulit, sed permutationem Casimiri, diplomate Suo confirmavit. Emptione autem civitas, Scharffaviam acquisivit, quam Casimirus a. 1457 septem civibus Gedanensibus, inter quos unus Præconsul & Consul unus, consilio & consensu Regni & Prussiæ Consiliariorum, data civitati pro se a civibus redimendi facultate, septem aureorum millibus oppigneraverat, & Alexander consensu universorum *Prælatorum & Baronum* Regni a. 1505 Lucæ Waisselrodio, Varmienfi Episcopo,

§. XXIX.

Episcopo, ejusque Capitulo, donaverat, ut tamen civibus Gedanensibus pecunia, qua olim oppignerata, solveretur, quibus sequenti anno Regii Commissarii ulumfructum asseruerunt, donec summa illa præstaretur. Regis Sigismundi I. consensu, a. 1530 Mauritius Ferberus, Varmienfis Episcopus, ejusque Capitulum, Scharffaviam civitati Gedanensi vendiderunt quindecim marcarum millibus, ex quibus octo, hæredibus Eberhardi Ferberi, Præconsulis quondam Gedanensis, ad quos jus ex pignore transierat, & septem millia Episcopo numerata, qui diploma donationis Alexandri civitati reddidit, & cum Capitulo suo evictionem, si ob emptionem controversia moveretur, litteris promisit. Sic civitas Scharffaviam justæ emtionis titulo obtinuit. *Hist. Pruss. I. 74. 90. Doc. p. 76.*

H 5) De jure civitatis in Helam dubitatum nunquam, sed de jure quo teneret Scharffaviam, non solum dubitatum, sed etiam creditum, eam minus legitime possideri, ut Sigismundus Augustus, qui tamen a. 1562 ad arcis Mariæburgensis *officiales* rescripserat, ne Gedanenses in possessione Scharffaviæ turbarent, a. 1567 Commissariis suis mandaret, receptam a Gedanensibus Scharffaviam, arci Mariæburgensi restituere. Secutum a. 1568 alterum & tertium ad Commissarios mandatum, qui recusantibus illorum judicium Gedanensibus, in arce Mariæburgensi decretum ferebant, a quo ad Regem provocavit civitas, obtinuitque a. 1569 ut decreti executio suspenderetur. Sed paullo post, decreto a Rege confirmato, illud exequi Palatino Pomeraniæ injunctum, a quo, civitate iterum appellante, causâ ad Regem remittebatur. Secutum a. 1570 decretum Regium, ut civitas Scharffavia cederet, ac Episcopum Varmiensem ejusque Capitulum, ad præstandam *evictionem* jure adigeret: quibus ad judicia Regia citatis, venit Palatinus Mariæburgensis in pagum Scharffaviæ Tiegenort, ut eam a Gedanensibus reciperet, qui Palatino rationes exponebant, cur cedere Scharffavia, adstringi nequirent, finiebaturque congressus mutua sollemni contradictione, quam protestationem vocamus, Gedanensibus Scharffaviam retinentibus.

P

I 5)



## §. XXIX.

15) Possessiones illæ exiguz vocantur, propter modicos ex illis redditus.

L 5) Alia bona civitas donationis, alia permutationis, alia emtionis jure possidebat, quod ex modo dictis constat. Diversa hæc jura ita probat Stephanus, ut velit bona his juribus acquisita, penes civitatem manere perpetuo, simul tacite damnat, quæ Sigismundus Augustus in quadam ex illis bonis tentaverat, ac Serenissimos Suos Successores, ne idem, quod Sigismundus Augustus, conentur, monet, secus contra civitatis jus & communis Reipublicæ, ac sic totius Regni dignitatem & usum acturos esse.

M 5) Die 20 Februarii a. 1585 ante finem comitiorum, de confectis portorii tractatibus, supremus Regni Cancellarius ad Senatum retulit, qui post relationem recitabantur: quo facto, Senatores censabant, ut tractatus auctoritate comitiorum publicarentur, si prius cum privilegiis civitatis collati essent, quo constaret, eosdem cum privilegiis convenire. Episcopus vero Cujaviensis assentiebatur, salvis Episcopatus sui & monasteriorum possessionibus, alii jurium Nobilitatis mentionem faciebant, ne per tractatus illos minuerentur. Dictis sententiis, Rex causa Gedanensium non sine civitatis laude commendata, Senatores delegit, qui tractatus ad vetera civitatis privilegia expenderent, quibus se supremus Regni Cancellarius & duo ex Prussia Nobiles junxerunt. Hi mandato sibi negotio diligenter perfuncti, nihil in tractatibus mutandum crediderunt, sed ut superiore anno Vilnæ conveniant, probarunt. Vocatos d. 26. Februarii in Senatum Gedanenses internuntios, supremus Cancellarius his verbis alloquebatur: „Sacra Regia Majestas, Dominus Noster clementissimus, privilegium illud quod civitas petiit, cum Senatu Suo deliberavit, & nunc ex Senatus consulto civitati concedendum censuit, idque dari jubebit; hoc tamen simul declarare voluit, nihil Se eo privilegio derogare juribus Nobilitatis aut etiam Ecclesiæ Vladislavienfis & monasteriorum, sed relinquit omnia ea in eo statu, in quo ante privilegium fuerunt,„ *Hist. Pruss. III. 454. 455.* Ita Rex

Rex quod promiserat, effecit, ut possessiones civitatis, ab objectionibus, comitiorum auctoritate tutæ redderentur, quia Senatores ob comitia præsentis, cum reliquis, simul caput de possessionibus probarunt. Neque post tractatus portorii, civitas in possessionibus suis turbata est, nisi quod nonnunquam Scharffavia pro portione Oeconomiz Mariæburgensis haberit voluerit, quam postulationem, Stephanus & totus Regni Senatus, ut dictum, satis confutarunt: & cum controversia, regnante Joanne III. civitati moveretur, Rex post deliberationem, in decreto Gedani a. 1678 lato, inhærens privilegio Stephani, de Scharffavia, quia in ejus usu, civitatem sub Divis Antecessoribus reperiisset, nihil ulterius innovandum esse censuit. Idque Rex Augustus III. in suo diplomate a. 1762 clementissime probare dignatus est, eorumque temeritatem, qui jus Gedanensium, quo Scharffaviam tenent, oppugnare voluerint, etiam Sua auctoritate repressit.

## §. XXX.

*Tractatus portorii perpetuis temporibus serventur.*

Quæ omnia & singula, uti supra scripta sunt, per Nos & Successores Nostros, rata, firma ac perpetuo conservabuntur, neque Nos aut Successores Nostros, adversus ea, in civitatis Nostræ Gedanensis præjudicium aut detrimentum, quidquam facturos, vel fieri passuros, in verbo Nostro Regio, pro Nobis & Successoribus Nostris promittimus & pollicemur N5). In quorum certissimam fidem & evidentius testimonium, hæc manu Nostra subscripsimus, & sigillo Nostri Regni appenso communituri jussimus. Datum Varsaviæ in conventu Regni



§.XXX. generali, die vigesima sexta mensis Februarii, anno Domini M.D. octogesimo quinto, regni vero Nostri, anno nono O5).

N5) Non solum Stephanus id pro Se & Suis Successoribus pollicitus est, verum primus Successor Sigismundus III. singulari diplomate, & reliqui, quisque in sua confirmatione jurium & privilegiorum civitatis, promiserunt, ac se ad tuendos illos tractatus obligarunt.

O5) Tum Tractatus portorii dati iterum, qui dati primum Grodnæ, die IX Februarii a. MDLXXXIII. circa quorum finem hæc leguntur verba: „quæ cum omnia, præterquam quod „pro sua clementia concedenda civitati Regia Majestas existimet, „ab æquitate etiam non aliena iudicet, cum adhuc propter infrequentiam Senatorum, nihil hisce de rebus ex Senatus auctoritate constitui potuerit, quò id etiam in publico proximo Regni „conventu fiat, atque etiam Senatus suum consensum eam in rem „præstet, auctoritate Sua & motu proprio efficiet. Quod si tamen horum aliqua rata habita tunc non fuerint, utraque quoque „pars, ad totam hanc formulam transactionis, præsentemque transactiones, amplius obstricta & obligata esse non debet. Exactio „quoque aucti portorii ipso facto cessabit, nec ulterius procedet: „utriusque tamen partis iuribus & allegationibus, de supra scriptis „omnibus capitibus præcedenti toto scripto comprehensis, in eo, „quo ante transactionis formulam fuerunt, vigore, integris & „salvis permanentibus.

Præsen-

Præsentibus Reverendissimis, Reverendis, Illustribus, Magnificis, Generosis, Stanislae Karnkowski, DEI gratia Archiepiscopo Gnesnensi, Legato nato & Regni Nostri Primate, Petro Myszkowski Cracoviensi, Hieronimo Rozrazewski Cujaviensi, Petro Dunin Wolski Plocensi, Alberto Baranowski Przemyслиensi & Regni Nostri Vice-Cancellario, Jacobo Woroniecki Kioviensi, Episcopis. Nic. Christoph. Radziwił, Duce in Dubinki & Bierce, Vilnensi, Solecensi, Borissoviensi, Eustachio Wołowicz Castellano Vilnensi, & M. D. Litvaniæ Cancellario, Brzeſtensi, Cobri-nensi, Joanne Chlebowicz Castellano Trocensi & M. D. Litvaniæ Thesaurario, Petro de Potulicze Calisiensi, Alberto Laski Sira-diensi, Joanne Splawski Inowladislaviensi, Constantino Duce in Ostrog Kioviensi & Mareſchalco Voliniæ, Janus. Duce in Ostrog Voliniæ, Nicol. à Milecz Podoliæ, Corcinen. Grodecensi, Philone Kmita Smolenscensi, Orzanensi, Jo. Tarło de Szczekrazowieze Lublinensi, Pilsnensi, Nicolao Dorohostay-ski Polocensi, Stan. Zolkiewski Belcensi, Gregor. Zielinski Plocensi, Zakrozimensi,

P 3

Malaven-



Mlavenſi, Stan. Kryſki de Drobnin, Maſo-  
via, Plocenſi Dobrinenſique, Arnshelmo Go-  
ſtomſki Ravenſi, Nicol. Działyński Culmenſi,  
Bratianenſi, Januſſio Zbaraſki Braczlavienſi,  
Cremenecenſi, Pinſcenſi, Palatinis & Capi-  
taneis; Stanisl. a Tarno Sandomiri-enſi, Jo.  
Konarſki Califf. Jacobo Ponotowſki Brze-  
ſtenſi, Paulo Szczawinſki Lancienſi, Socha-  
czovienſi, Varacenſi, Stan. Vlodek de Her-  
manow Camenecenſi, Halicienſi, Cölomienſi,  
Andrea Firley de Dambrowicza Lublinenſi,  
Sandomiri-enſi, Stanisl. Radziminski Czer-  
nenſi, Livenſi, Camenecenſi, Martino Le-  
ſniowolſki de Obory Podlachia, Loſicenſi,  
Mich. Haraburda Minſcenſi, Jo. Kozieliczki  
Miedzricenſi & Bidgoſtienſi, Georg. Mni-  
ſzek Radomi-enſi, Sanocenſi, Socalenſi, Stan.  
Sirakowſki de Boguſlawicze Landenſi &  
Przedecenſi, Nicolao Herbert de Fulſtin  
Halicienſi, Leopoli-enſi, Stephano Grudzin-  
ſki Naclenſi, Simone Subſki Inovlodenſi,  
Goſtinenſi, Stan. Goſtomſki Sochaczovienſi,  
Ravenſi, Alberto Reczaſki Varſavienſi, Der-  
patenſi, Stan. Bykowſki Conari-enſi Caſtella-  
nis & Capitaneis; Andrea Opaliński de Bnin  
Regni Noſtri Supremo Mareſchalco, & ma-  
joris

joris Poloniae generali Capitaneo, Jo. de  
Zamoscie Regni Noſtri Supremo Cancel-  
lario, ac exercituum generali, ac Craco-  
vienſi, Mariæburgenſi, Kniffienſi &c. Ca-  
pitaneo, Joanne Duſki Caſtellano Cul-  
menſi & Regni Theſaurario, Brancſcenſi,  
Suracenſi, Suieceniſi, Rogoſnenſi Capita-  
neo, Alberto Radziwił Duce in Olika &  
Nieſwiesz curiæ M. D. Litvaniae Mareſchal-  
co, Petro Tilicki Secretario majore Regni  
Noſtri, Præpoſito Gneſnenſi, Cracovienſi,  
Poſnani-enſi, Varmienſi, Jo. Tarnowſki Re-  
ferendario curiæ Regni, Vladislavienſi, Lan-  
cienſi, Cruſvicienſique Præpoſitio, Hiac.  
Młodzieowſki curiæ Noſtræ Theſaurario,  
Stan. Krazicki curruum noſtrorum Præfe-  
cto, Luboli-enſique Capitaneo, Laur. Goſli-  
ezki Decano Plocenſi, Cracovienſi, Sando-  
mirienſique, Jo. Piotrowſki Scholaſtico  
Lancienſi, Cuſtode Sandomiri-enſi, Cra-  
covi-enſi, Poſnani-enſique, Canoniciſ, Pau-  
lo Zaiązkowſki Archidiacono Premislienſi,  
Secretariis Noſtris, Hier. Philipowſki le-  
ctiſtrato-re, Nurenſi Strienſique Capitaneo,  
Marco Sobieſki Vexillifero curiæ Noſtræ,  
& aliis multis officialibus, Secretariis & au-  
licis



licis Nostris nec non Nuntiis nostris terrestribus, ad præsentem nostrum conventum Varsoviensem congregatis, sincere & fidelibus Nobis dilectis. Datum per manus Illustrissimi & Magnifici Joannis de Zamoisio, Regni Poloniae supremi Cancellarii & exercituum generalis ac Cracoviensis, Mariæburgensis, Knisnensis, Miedzircensis Krzesłoviensisque &c. Capitanei, sincere Nobis dilecti

STEPHANUS Rex

R. Heidenstein

S. R. Majestatis  
Secretarius.

Inferenda.

P. 33 l. 12 inscriptione: *Sigillum certificationum civitatis Dantzick.*  
p. 63 l. 20 Consulium & Scabinorum. l. 21 in Senatu & Scabinatu.

INDEX.

A.  
Alexandrini statuti executio 109. adversus Gedanensium bona locum non habet 110.

Anglica societas mercatoria Elbingæ 10. amovenda aut circumscribenda 10. commercia cum peregrinis & non civibus exercet 103. libertas commerciorum ab Elbingensibus impetrata, a Rege non confirmata 104. quod ut fieret ad Regem legatus Anglicus venit 104. ob commercandi facultatem Regia Commissio Elbingam missa, a qua nihil constitutum 104. negotium hoc ad Regem, a Rege ad Senatum in comitis remissum 104. Senatus adversus societatem pronuntians, veterem commercandi libertatem Anglis relinquit 104. finis societatis mercatoriae Elbingæ 104.

Aulici tituli 81. 83. 84. neminem eximunt civitatis jurisdictione 83. 84. aut muneribus oneribusque 80. 84.

B.

Bancruptoribus non dandus salvus conductus 78. moratoriae dantur, non tamen promiscue 89. 90. a civitatis Praefide in tutelam recipiuntur, donec a Rege moratorias impetrent 90. litteræ Regiæ protectionales pro bankruptore non admittæ 91. vid. *Moratoriae*.

Bona civitatis patrimonialia. vid. *Possessiones*.

Brazeatoribus a Sigismundo Augusto datum privilegium 85. Senatus contradictio 85. privilegium decreto firmatum 85. compositio cum Senatu 85. quæ a Commissariis Regiis sublata 85. inde Ordinum civitatis querela 86. compositio servanda 86. 87. privilegium tacite abrogatum 88.

Q

C. Ca-



## C.

Caduca bona, de iis Sigismundi I. privilegium, quod Stephanus confirmat 37. 38. de iis olim observanda 38. Regis in ea olim jus 39. eorum custodia 40. attentus in ea fiscalis Regius 40. civitati, donec ex iis certam pecuniæ summam recepisset, concessa 40. in perpetuum collata 41. quæ sibi ex illis Rex servaverit 41. quæ dicenda caduca bona 41. num Regi illis cedere licuerit 41. privilegium de bonis caducis confirmatum 42. a quo jam recipiantur administranturque 42. in civitatis ærarium inferuntur 42.

Citationes ne sint contumeliosæ 63. verbis injuriosis refertæ 65.

Collegiis a solo civitatis Senatu privilegia danda 84. 85. 87. aliter datis nulla tribuenda auctoritas 85. 87. danda salva fide Regi debita & ex civitatis rationibus 85. collegia quæ dicantur 85. de privatim datis querela 86. sic data abolenda 86. data a Stephani Successoribus 87. data a Regibus quomodo a civitatis Senatu recipiantur 87. Sodales collegiorum fidem Regi jurarunt 88. jus Senatus dandi privilegia est antiquissimum 88. neque opus est, ut a Rege confirmantur 88. possunt ex civitatis rationibus a Senatu mutari 88.

Commercia extranei seu non cives ne promiscue exercent 99. in pagis ne exercentur 100. quod terrarum constitutiones vetant 101. Rescriptum Regium adversus extraneorum in pagis & civitatibus commercia 102. antiqua lex ne in pagis emanantur merces, sed in civitates advectæ venales sint 102. vetus querela de extraneorum commerciis 102. nulli peregrino seu non civi commerciorum exercendorum privilegium dandum 102. 103. datum declaratur irritum 103. 105. commerciorum libertas extraneis Elbingæ concessa civitatibus nocuit 102. negotiatio promiscue cum civibus & exteris, Gedani solis mercatoribus civibus permittitur 104.

Commissarii Regii quando mittendi 49. 60. ab iis ad Regem appellare licet 49. 61. 62. jus Regium 58. 59. idque restrictum 59. de Commissionibus querela 59. 60. 61. Commissariorum non admissorum exempla 60. 61.

Contu-

Contuberniis a solo civitatis Senatu privilegia danda 84. 85. 86. 87. privatim datorum nulla auctoritas 85. 87. danda salva fide Regi debita & ex civitatis rationibus 85. 88. quæ dicantur contubernia 85. privatim data privilegia abolenda 86. a Stephani Successoribus data aut mutata, Senatui exhibenda 87. jus dandi privilegia antiquum 88. quando privilegia mutanda 88. contubernaes Regi fidem jurant 88.

Criminales causæ, in iis cursus juris ne turbetur 66. 70.

## E.

Elbinga, inde societas mercatoria Anglica amovenda 10. ibidem illicitis extraneorum commerciis favetur 102. 103. idque in civium injuriam 103. Regium privilegium impetravit, per quod exteris cum exteris commercia exercere licebat 105. quod abrogatum 105.

Exemptionis litteræ 80. 81. exemptiones ante tractatus portorii 81.

Exempti qui dicti 81. civitatis in eos decreta 82. quæ nullum exemptum tolerare vult 82. 83.

Extranei vid. *commercia*.

## F.

Friedevaldi famosi libelli abrogantur 49. publicus accusator, seu instigator in commissione Karnkoviana 51. qualis fuerit & quæ egerit 55. 56. famosus ejus in Elbingenses & Gedanenses libellus 56. de eo & hoc libello Gedanensium querela 56. plures in Gedanenses libelli 57. 58. calumniandi libido compescenda 57.

## G.

Gedanenses in partibus Maximiliani Cæsaris 8. pro suis juribus obsidionem sustinuerunt 8. a Rege in gratiam recepti 8. cur Stephano jurare detrectarint 9. frustra constitutiones Karnkovianas aboleri poterant



tunt 9. in auctionem & divisionem portorii consentiunt 9. eorum gravamina 10. res familiaris augenda 10. centum florenorum millia Sigismundo Augusto promissa & alia debita remittuntur 14. custodia maris mandata 33. jus maritimum a Casimiro collatum a Stephano confirmatum 34. 35. 36. quando jure illo uti 35. non minuendum 35. in quo jus hoc consistat 36. a Joanne III. confirmatur 37. bona caduca in perpetuum collata 41. quæ ex illis sibi Rex servaverit 41. privilegium caducorum confirmatum 42. privilegia commerciorum causa, apud exteros 44. quæ sunt antiquissima 45. gravamina tollenda 46. 47. quando potissimum orta 47. quid illorum causa Sigismundus Augustus promiserit 46. de gravaminibus querela & eorum index 47. præter Poloniæ Regem, non alium habent Gedanenses Dominum 49. 62. de fide erga Regem testimonium 57. eorum consuetudines servandæ 58. in expeditionibus maritimis illorum habenda ratio 71. illorum magni interest, ne pax mari turbetur 71. attentis ne ex suo portu hostilia fiant 71. damna & invidia ex Regiis speculatoribus 73. 74. 75. cum Rege Daniæ ob speculatores lis & compositio 74. 75. privilegium ne intra certum spatium civitas aut arx ædificetur 100. exercitium commerciorum 103. 104. 105.

Gedanensium Haupt-Privilegium 36.

Gedanensium internuntii, tractatibus portorii confectis, a Rege in Senatu dimissi 114.

Geschkau (Casp.) Abbas Olivenfis Gedanensibus adversus 51. Commissionis Karnkoviænæ Secretarius 50. Commissarius Gedanum missus 52.

## H.

Hela Gedanensibus mutatione data & confirmata 112.

## I.

Informandi jus 68. ejus antiquitas 68. diversa informatio in causis publicis

cis ac privatis judicialibus 69. informatio de juribus publicis, non certo tempore circumscribitur 69.

Instantiæ inferiores ne omittantur 63. 64. 65. earum ordo ne turbetur 66.

Judicii processus per mandata Regiæ ne turbetur 66. ad judicia Regiæ evocationes 63. 64. 65.

Jura posteriora quæ prioribus derogant, abrogari possunt 58.

Jurisdictio civitatis ne turbetur 63. ab ea nemo eximendus 80.

## K.

Karnkovius (Stan.) princeps commissionis, quæ ab eo nomen habet 49. aliter de commissione sentit, ac senserat olim 55.

Karnkoviana commissio ejusque constitutiones ut aboleantur, Gedanenses frustra laborant 48. 54. abolentur 48. 54. Commissariorum acta, quæ inter gravamina primum habent locum 50. Commissarii illi primum non admissi, deinde recepti 50. Commissionis causæ 50. inter Commissarios unus tantum Prussiæ indigena 50. Commissio præcipua barbarum & obsidionis Gedanensis causa 51. fons omnium dissensionum 54. juribus adversa, civitati contumeliosa & sumtuosa 55. constitutiones typis expressæ 51. juribus adversæ 51. 55. publicatæ postquam illis contradicendum 51. confirmatæ 52. corrigendæ 52. observandæ 52. nunquam in usum deductæ 52. 53. cura ut aboleantur 52. 53. non ad comitia rejicienda abolitio 53.

Kostka (J.) Castellanus Gedanensis civitatis hostis 50. Commissarius Regius 50. 52. favet speculatoribus Regiis 74.

## L.

Laniones a Sigismundo Augusto privilegium impetrant 85.



Litteræ passus pro enavigantibus 33. unde jus dandi ejusmodi litteras 33. sigillum 33. ejusmodi litteras aula Regia dare coepit 33.

## M.

Magistratus ne ad judicia Regia evocetur 63.

Mandata Regia, qui in iis servandus modus 65. ad mandata informatio 66. in causis judicialibus 9. 66. Prussorum de iis querelæ 67. & Gedanensium 67. ne admittantur 67. mandatis facti narratio inferenda 68. de narratione edocendus Rex 68.

Mandata poenalia 66. 70. habent locum in causis privatorum 70.

Monopolia vetantur 105 jam olim illicita 106. monopolium salis 106. ceræ 106. tabaci & nitri 107. monopolia non solum contra jura sed etiam in civitatis damnum 107. monopolium aromatum quidam obtinere conantur 107.

Moratorum litteræ quibus a Rege dandæ 88. 89. quando dandæ 89. 90. olim a Senatus Præside etiam datæ, jam a solo Rege 90. non valent nisi Senatus commendatio præcesserit 91. dantur in annum unum 91.

## N.

Naufraga bona, de iis privilegium Sigismundi I. quod Stephanus confirmavit 37. 39. quid de iis observandum 37. 38. quid Casimirus præceperit 38. quid in illorum custodia mutatum 39. quid pro opera in servandis & custodiendis bonis præstandum 39. num ulla bona suo destituantur domino 39. unde Regi in hæc bona jus 39.

Navigatio quando claudenda & aperienda 37.

## O.

Opificia in pagis ne exerceantur 99. 100. 101.

## P. Pla-

## P.

Placationis formula 2. placationis conditiones 6. quas Sigismundus Augustus non præstitit 17. quando reperta civitati reddenda 16. quaesita & non reperta 18. falsus rumor quod inventa 18. irrita declaratur 16. 48. ejus summa 17. Regi exhibita & relicta 17. reddi eam Ordines postulant 17. 18.

Portorium vulgo Pſalgeldum 1. 5. 13. a Polonis etiam vectigal & Pfundzoll appellatum 5. auctio promissa sed non secuta 2. Stephani pro auctione studium 3. quibus conditionibus in auctionem consenserit civitas 3. Reges Poloniæ in communionem recepti 4. portorii origo & antiquitas 6. portorii auctio & divisio, cur & quibus conditionibus Regi promissa 6. 7. promissa ad certum tempus 7. actum de ejus auctione & divisione iterum 9. in qua dum Rex perstat, civitas tandem consentit 9. non solvitur nisi Regi coronato 9. inter regni tempore futuro Regi servatur 9. de portorii negotio etiam Prussiarum Consilarii consulti 11. auctio ne civitatis ac portorii juribus noceat 12. olim integrum usibus civitatis serviebat 12. 13. administratio civitati relicta 13. 14. 19. auctum portorium exigi coeptum 15. quantum ex mercibus solvendum Senatus constituit 25. mercium æstimatio 26. portorium non amplius augendum 26. 27. 28. fictum portorii additamentum 29. neque duo portoria 29. a portorio nemo immunis sit 29. merces in Regis usum, portorium non solvunt 29. 30. 31. legatorum res a portorio immunes sunt, non autem Senatorum 30. poena eorum qui portorium eludunt 31. locus ubi portorium solvitur 32. utraque pars, & Regia & civitatis simul recipitur 32. naves etiam portorium solvant 32. percipiendi portorii modus nunquam mutandus 33. administratio penes civitatem maneat 34. promissum auxilium si ob auctum portorium civitati lis moveretur 44. 45. ob auctum portorium, Gedanensibus novum in Dania vectigal impositum 46.

Portorii Præfecti, Regi coram ejus Commissario in civitate jurant 15. 19. cui etiam rationes exhibent 19. dicuntur Regii servitores 19. 24. Regi in judicio respondere obligantur 19. 24. de eorum jurejurando 22. 23. de rationibus quas reddunt 23.

Por-



Portorii scribz duo, qui Regi jurant 15. 19. 20. 22. 23. inquisitores qui attendunt mercibus, ex quibus portorium solvendum 20.

Portorii Commissarius & Vice-Commissarius Regius 21. 23. 24.

Portus Gedanensis propugnaculi praefectus 35.

Possessiones seu bona civitatis, plerumque a Casimiro impetratae 100. 109. civitati confirmantur & ab ea optimo jure possidentur 108. emptione ac permutatione acquisita 108. civitati relinquenda 108. jus quarundam impugnatum, obtentu executionis statuti Alexandrini 109. nummero & gratuito beneficio Casimiri debeantur 111. quasdam sibi Sigismundus Augustus vindicare conatus est 111. possessiones omnes civitati assertae 114. 115.

Prussiae Consilarii in negotiis provinciae consulendi 11. in negotio portorii consulti 11.

## R.

Reditus civitatis Gedanensis, praeter portorii dimidium, ad solam civitatem pertinent 12. in eos nihil juris sibi vindicavit Ordo Teutonicus 12.

Regi, qui ex civitate Gedanensi reditus 12.

Rescripta Regia vid. *Mandata*.

Russi, adversus eos bellum 9. cum iis pax 9.

## S.

Salis transmarini libera intra Prussiam subvectio 91. 94. 95. ab exactio-  
nibus liberum 92. olim majus ejus commercium 92. in Poloniam &  
Litvaniam invehere licuit 92. etiam intra Prussiam interceptum 93.  
quod fieri vetitum 93. nullum ex eo vectigal exigendum 94. usus  
Poloni pro transmarino frustra commendatur 95. mansit usus salis  
trans-

transmarini intra Prussiam 95. ne Elbingam invehi a Rege Prussiae  
impediatur 95.

Salvus conductus non tollit actiones civiles 76. neminem ab ordinaria  
jurisdictione eximit 76. 78. a vi solum liberos praestat 76. 78. in  
certum tempus dandus 77. 79. adversus eum Rex informari potest  
77. 79. licet eum renovare 77. si habens saluum conductum crimen  
committit, prehendi potest & puniri 77. 79. 80. de crimine &  
poena Rex edocendus 77. 80. in causis criminalibus non dan-  
dus 77. irritus si datur 78. non servit bancruptori 78. quis eo  
indignus 79. a solo Rege dandus 80. a Nuntio Papae dati exem-  
plum 80.

Scharffavia aliquot civibus Gedanensibus oppignerata 112. Varmien-  
si Episcopo donata 112. 113. civitati vendita 113. quam Sigismun-  
dus Augustus arci Mariaburgensi reddi postulat 113. inde Com-  
missiones & decreta 113. retinet eam civitas 113. jus civitatis rur-  
sus oppugnatum 115. quod Joannes III. & Augustus III. confirma-  
runt 115.

Schottlandia pagus prope Gedanum, in quo commercia & opificia exer-  
centur 100. de quo cum Episcopo aut jure agendum, aut transigen-  
dum 100. placet compositio 101.

Sigismundus Augustus offensus, quod Commissarii in civitatem non ad-  
missi 6. ideo placandus 6. placationis condiciones non praestitit 7.  
auxit civitatis gravamina 7. divisio portorii & centum florenorum  
millia, sub conditionibus promissa 8. 15.

Speculatores maris Sigismundi Augusti tempore 71. quare instituti 71.  
72. facultate sibi concessa male usi 72. portus Gedanensis iis inter-  
dicitur 73. eorum in terra rapinae 74. Castellanus Gedanensis iis  
favet 74. ut latrones plectuntur 74. in Dania piratarum subeunt  
supplicium 74. in eos inquirendum & animadvertendum 74. Per-  
naviam jussi secedere 74. figunt sedem ad oram Pucensem 74. ab-  
rogati 75. 76. in posterum non instituendi 76.

R . . . . . Stepha-



Stephanus, dissensiones in ejus electione compositæ 3. 8. suam gratiam civitati declarat 10. frustra postulavit promissa Sigismundo Augusto florenorum centum millia, quæ etiam civitati remisit 14. 15.

## T.

Tarnovscius (Jo.) primus Commissarius, pro Rege a portorii Præfectis & scribis iurjurandum exegit 15.

Tractatus portorii quid sint 4. tractatum vocabulum multis displicere 4. minus recte privilegium dici 4. tractatum vox præfertur 4. 5. sponso reciproca, aut litteræ reversales 5. confecti 11. 15. a Senatoribus Regni approbandi 11. coram iis recitati 114. Senatores dictis sententiis expensisque tractatibus, eos approbant 114. omnibus temporibus servandi 115. idque ab omnibus Regibus promissum 116. Sigismundi III. confirmatio seorsum edita 116. quo anno primum editi 116. primæ editionis appendix 116. iterum publicati 115. 116.

Tributa in Regni comitiis decreta, etiam Prussis imposita 15. a Gedanensibus non præstita 15. ad ea Prussæ non obligantur 15. Gedanensibus remissa 14. 16.

## V.

Vectigalia nova Gedanensibus non imponenda 42. 43. 44. de iis Casimiri privilegium 42. 43. in Prussia exacta & sublata 43. 44.

Vistulæ

Vistulæ cursus ne alio derivetur & in antiquum statum restituatur 96. quando ejus cursus mutari cœperit 96. quod inde incommodum 96. Commissiones ad inspiciendum ejus statum 96. 97. 98. de fossa ex Vistula in Nogatum contentio 98. a Commissione decreta Rex approbat 98. additamentum 98. redeunt ad fossam Commissarii 98. posterorum temporum cura, ut cursus Vistulæ antiquam conditionem recipiat 98. 99.





















